

علوم اقتصادیہ و اجتماعیہ

مجموعہ علم

ہر ایک ریجی کوئی نشر اولور

مؤسسی

احمد شعیب ، رفیع انور ، محمد ہارون

مترجمان

امول عمومیہ : کالیف : فاطمہ راجہ — سوسیالزم : حقیدہ
تنقیدات : علی کمالی حکومت و خیریت : حقیدہ سپنرک
فلسفہ : رضا توفیق — انگریز نفوس : شامی : بدیع
نوری — تجارت : شریکری : م. م. — روسیہ : احمد شعیب —
فرانسہ : اختلال : کیری : احمد شعیب

مدیر و صاحب امتیازی :

محمد ہارون

نسفی : ۱۰ غروش

استانبول

امور ادارہ و تحریر : ملین مطیع

۱۳۲۹

تجارتی

وقد

تجارتك اهميت متزايدەسى - اساسات تجاريە - قوانين تجاريەك وحدتى -
 ملكىتمزدە تجارتك اسباب تەنيسى - تەدرىسات تجاريە - شىركەتلە دائىرىسى اثرى
 لزومى - بۇ اثرى پلانى - مەراجەت اولونان آثار .

تجارت صوڭ يوز سنه ظرفىدە تارىخىدە مثلى كورۇلمىش بىر درجىدە
اهمىيەتلىك احراراز ايتىمىدۇر . ھەر مەملىكتە كىرىمىگە شەخسىيە ، كىرىمىگە
مەنپەئەتلىك مەسئۇلىيەتلىك ۋە ئاساسىيىتىنى تەشكىل ايدىرىمىگە نەزەر ئالغاندا ئومۇمىيەتتىكى جەلپ
ايلەشمىدۇر . اۋىن سىزىنچى عصر دىپلوماتىيەنىڭ تەتقىق ايتىدىكى مەسئۇلىيەتلىك
سىياسىيە اۋىرمان ھائىز اولدىقلىرى مەسئۇلىيەتلىك سىياسىيەتلىك ايدىرىمىگە نەزەر ئالغاندا
تەجەربىيە تەركە مەجبۇر اولمىشلىرىدۇر . تەرقىيات بىلەن ئىشلىتىدىغان كەڭلىرىدە ئورۇپا ئىشلىتىدىغان
دول سائەتلىرىدە ئىشلىتىدىغان اولان ئىشلىتىدىغان بولمىشلىرىدە بىر ئىشلىتىدىغان احراراز ايتىمىش
ۋە ئاۋىش ئاۋىش دول سائەتلىرىدە ئىشلىتىدىغان ئىشلىتىدىغان ئىشلىتىدىغان دىپلوماتىيە مەملىكىتىلىرىنىڭ
دەۋلىيەتلىك ۋە تەتقىقاتىي تەرقىي تەجەربىدە ئارامىغە باشلامىشلىرىدۇر . ئاخىرىدە ۱۹ نىچى
عصرىڭ نەصف اخىرى تارىخىي ، ھەلە ۱۸۶۲ سەنەسەندە ئىشلىتىدىغان ئىلە فرانسە
آراسىدە ئىشلىتىدىغان ئىشلىتىدىغان بولمىشلىرىدۇر . مەملىكىتىلىرىدە ئىشلىتىدىغان ئىشلىتىدىغان
مەملىكىتىلىرىدە ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان
تارىخىي تەتقىقاتىي ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان
تەجەربىيە تەركە مەجبۇر ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان
زەمەن سىياسىيەتنىڭ كەڭ مەملىكىتىلىرىدە ئىشلىتىدىغان ئىشلىتىدىغان ئىشلىتىدىغان ئىشلىتىدىغان
مەسئۇلىيەتلىك تەشكىل ايدىرىمىشلىرىدە ئىشلىتىدىغان ئىشلىتىدىغان ئىشلىتىدىغان ئىشلىتىدىغان
ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان
ۋەقەدىكى ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان ئىشلىتىدىغان

بر معاهده تجاریه مذاکره سنا باشلانیلیدینی کوندن اعتباراً جرائد مهمه یومیه ورسائل موقوتده اک صلاحیتدار کیمسه لر بویابده بیان فکر ومطالعه ایتمکده ؛ بونلره متدائر مسائل پارلمنتولرک بر چوق اجتماعلری اشغال ایله مکده در . بوکون هر مملکتده آکلاشیلمش بر حقیقتدرکه حیات اقتصادی نکر روحی تجارتدر . زراعت وصنایعک ترقیسی شهسز بر مملکت ایچین بویوک منافع تولید ایدر ؛ لکن بو ترقیات تجارتک ترقیسیله توأم اولمازسه نقصان عد اولونمق لازم کلیر . زراعت وصنایع سایه سنده استحصال اولونان موادی مستهلک لکرک پیش استفاده سنا وضع ایتمک تجارتک وظیفه سیدر . محصولات طبیعه وصناعیه یی ، دماغ بشرینک بوکونه قدر ایجاد واختراع ایده بیلدیکی وسائط مختلفه نقلیه سایه سنده اک اوزاق یرلردن آلارق بونلره احتیاجی اولانلره عرض ایدنلرتاجرلردر . بر مملکتک تاجرلری نه قدر ماهر ومستعد اولورلرسه ، اساسات تجاریه یه وقوفلری نه درجه ده زیاده ایسه محصولات ومعمولاتنک رواجی ده اونستده تزیاید ایدر . مثلاً بو استعدادی توسیع ایتمک ، بو وقوفی تزیید ایله مک چالیشمق ، دائماً چالیشمق لازمدر . چونکه قانون رقابت هر یرده بوتون قوت غالبانه سیله تجلی ایتمکدن بر آن کبری دورمایور . شیمدی یه قدر سعه تجارتک حد اولینی تشکیل ایدن انکلتزه بوکون بو نقطه نظر دن ایکی مدهش خصمک قارشیسند بولونویورکه بری آمریکا ، دیکری ده آلمانیدر . آلمانیا هنوز دون اتحاد ایتمش ، شکل حاضرنده کی حیاتی اللجی سنا سنی بیله بولماش بر دولت اولدینی حالده افرادی استعداد محیر تجاریلری سایه سنده اک اوزاق یرلرده پک یقین زمانلره قدر انکلیزلردن باشقه کیمسه نکر کیره مه دیکی مملکتلرده کمال موفقیتله اجرای تجارت ایتمکده وحقی بعض معمولات صناعیه ده انکلتزه داخلنده بیله انکلیز اشیا سنا رقابت ایله بیلمکده در . شهسز بوتنا یچ صرف اولیاقت فطریه سایه سنده استحصال ایدله مشدر ؛ بونده آلمانلرک اوتوز سنده نبری صرف ایتمکده اولدقلری مساعی عظیمه نکرده پک بویوک دخلی واردر .

انکلیز قونسولوسلری حکومت متبوعه لرینه هر سنه کوندرمکه مجبور اولدقلری تجارت زاپورلرنده بولوندقلری یرلرده آلمان تجارتک صورت توسعی کمال حیرت و تأسفه بسط و اتیان ایدیورلر . بوراده آلمانیاک ، آمهریقانک ترقیات تجاریه لرینک پک مختصر برر تاریخچه سنی یا بمق ایچین بیه لاقل برر جلد یازمق اقتضا ایدر . حال بوکه بزم شو مقدمه دن مقصدمز بو مملکتلرک تاریخ تجاریسنی یازمق دکل ، تجارتک اهمیت حاضره سنی آ کلاتمق ؛ سعی و ثبات سایه سنده احراز ایدیه بیه جک نتیجه لری کوسترمک و بوندن بزم ایچین برشمه استفاده چیقارمقدر [*] . بو کون تجارت اسکیمی کبی دار حدودلردا خلنده محصور اولمایوب جولانکاهی بوتون عالمدر . بو مبارزه ده غالب کله نلر اک مکمل اسلحه ایله مجهز اولانلردر . بو سلاخلرده مواد ابتدائییه یی مناسب زمانلرده مناسب فیأتلرله الده ایتمکدن ، بونلری اک مکمل ماکنه لرله ایشله مکدن ، اشیایه مستهلکدر طرفدن ارزواولونان اشکال و اوصافی ویرمکدن ، بونلری اک سالم واک سریع و سائله ، پک آز مصرفله مشتریله ایصال ایله مکدن ، ممالک اجنیه اهالیسک اذواق و اعتیادانه ، احتیاجاتنه اخلاق تجاریلرینه واقف اولقندن و کندیلییه معامله یه کیریشیلن مملکتلرک قوانین و نظاماتی بحق بیلیمکدن عبارتدر . بو کون اوروپانک بویوک تجارت مکتبلرنده بالخاصه قوانین و نظامات تجاریه اجنیه تدریساتنه بویوک بر اهمیت ویریلکده در . فی الحقیقه بر تاجر ایفای معامله ایتدیکی اجنیه بر تاجرک مملکتی نظاماتنه واقف اولمازسه حین حاجتده نه کبی مراسم اجرا سنه مجبور اولاجغنی ، نه کبی تدابیرا احتیاطیه یه رعایت ایده جکنی بیه مز . بوندن ده کندیسی ایچین بویوک مضرتلر تولد ایده بیلیر . تجارت سویه دیکمز کبی ، بو کون بین الملل بر شکل اکتساب ایتشد . حیاتی ملی دکل ، عمومیدر . بوشعبه فعالیت ممالک مختلفه تبعه سنی دائماً

[*] بوکا مراق ایده نلر آتیده کی اثرله مراجعت ایتیه لدرلر .

La France et le Marché du monde. — Ess. industriel et commercial du peuple allemand par Blondel.

بر تماشائندہ بولون دور و دور. محاکمہ دائرہ بوماسدن متکون اختلافاتک حائثہ
 مجبور اولور. اگر بر چوق حکما و علمای حقوقیہ نک تصور ایتد کیری اتحاد
 قوانین مسئلہ سی حقیقت پذیر اولسه یدی بوندن مشکلات تحدت ایدہ مزیدی.
 لکن هر مملکتک عرقیہ، اخلاقیہ، اقلیمیہ و حتی اعتقادات مذہبیہ سیلہ، اعتیادہ
 تیہ متخلف مؤسساتی و قوانینی موجود اولدیغندن بونلرک کلیاً تحویل و تبدیلی،
 بر خیر حائثہ ارجاعی شیمدیلک محال عدا یدنلر پک چوقدر فقط بوعدم امکانک
 یالکیز قانون مدنی حقدہ وارد اولدینی ادعا اولنور سه بر خطا یدیلہ مش اولور
 ظن ایدرم زیر بر ملتک شخصیتی تعیین ایدہن، قانون مدنی در هر مملکتی عینی
 بر قانون مدنی یه تابع قیلمق ایستہ مک بونلرک شخصیتی رفع والغا ایلک اولور.
 حال بوکہ قوانین سائرہ قانون مدنی ایلہ عینی بر طبیعت و ماهیتی حائر
 دکلدر. بناء علیہ بونلرده بروحدت حصولی ارزوایتک؛ مثلاً مک معقول، مک منطقی
 و مک علمی قواعد دائرہ سندہ جمع و تلفیق ایدیلہ جک بر قانون تجارتک هر مملکتده
 تطبیق اولونماسی ایستہ مک و بونتیجه نک حصولہ انتظار ایلہ مک بیہودہ، عبث
 بر شی عد اولونما ایدر. ذاتاً قوانین تجاریہ ده کی اختلافات اسکی زمانلرده
 حصولہ کلہن بر طاقم اعتیادات سئہ نک بقایای مضرہ سندن عبارتدر.
 اوزمانلر تجارت خارجیہ اهمیتسر بر درجہ ده اولدیغندن تجارت داخلیہ
 ایسہ بر چوق رسوم و تکالیف ایچین بر منبع حکمنده بولندیغندن اوروپاده
 هر قرال، هر سه نیور کندی اراضیسی داخلندہ تجارتی بر طاقم تداییر
 تحدیدیه آلتہ آلمش، و بواختلافات زمانمزہ قدر دوام ایتشد. اگر
 سربستی مبادلہ اصولی برکون بر قاعدہ عمومیہ حائندہ حکمران اولاجق
 اولور سه بو آچیق سیاست تجاریہ نک قوانین تجارتده اتحاد حصولہ
 کتیرہ جکنده ده شبهہ ایتہ مک لازم کلیر. بونتیجه استحصال ایدیلہ جک
 اولور سه تجارتک ترقیسی و توسعی ایچین اسباب موجودہ یه یکی برسب
 دها انضمام ایدہ جکدر. زیرا قوانین و نظاماتک وحدتی بوکونی تاجرلرده
 موجود اولان اوزاق مملکتده، مجهول قوانین ایلہ فصل اختلافات

ایدهن مجهول محکمهلر حضورنده اقامه دعوا ایتک قورقوسنه محل قالمایه جق و او زمان تاجرلر بوتون قوه دماغیهلرینی صرف تجارتلرینک توسیعه حصر و صرف ایده جکلر ، اجانبه ویرمکده اولدقلری اعتباری آرتدیر اچقلدر .

بوکون بر طرفدن ممالک مختلفه تبعه سی آراسنده معاملات تجاریه دن دولایی وقوع بولان مناسبات مئادیه ، دیگر طرفدن بر مملکتده یکی بر قانون و نظام ترتیب ایدیله جکی زمان ممالک سائرده متخذ اولان اصوللرک تدقیق و بونلردن وقوع بولان اقتباسات مطلوب اولان وحدتی تسهیل ایلهمکده در [*] فرانسه ده ، آلمانیا ده ، ایتالیا ده ، آمریقا ده الکی بویوک آدملر نظامات تجاریه نك وحدتی ضروری و لابد عدا ایدیورلر .

هله تجارتده آنونیم شرکتلرک بو کونکی درجه تزایدی بو وحدتی بوتون بوتون بر احتیاج مبرم حکمنه کتیر مکده در .

[*] دنیانک الکی قانون تجارتی فرانسه نك ۱۸۰۷ قانونی اولوب اوزون مدت اوروپا دولتلرینک نظامات تجاریه سی اوزرنده بویوک بر نفوذ و تأثیر اجرا ایتشد . حال بوکه او تاریخدن بری تجارت کرک داخل ، کرک خارجاً پک زیاده ترقی ایتدیکی کبی علم اقتصادک وضع ایتدیکی اساسات مهمه سایه بنده حکومتله تجارت آراسنده کی مناسبات حقنده جایگیر اولان افکارده پک زیاده دکیشمدر . ایشه بوندن دولایی فرانسه او تاریخدن بری ، قانون تجارتی تماماً تبدیل ایتهمکله برابر ، افلاسره ، شرکتلره ، سمسازلره متعلق موادی بر جوق الفا ایددرک بونلرک برینه تجارتک احتیاجاتله متناسب یکی مادهلر اقامه ایلهمش و بونلک ایچین ممالک سائر قانونلرینه ده مراجعت ایتشد . معافیه بو کون یته بو قانونک بر جوق بوشقلری واردر .

بو طریقه ده فرانسه دن صوکره کلن دولتلرک قوانین تجاریه سی دها یکی فکرلرک محصولی ، دها یکی احتیاجاتک ثمره الهامی اولدیغندن بالطبع دهامکله در . یلچقا ، هولاندا ابتدا فرانسه قانونی جان عیناً آلمشلسده صوکره کاملاً تبدیل و اصلاح ایتشدلر . ایتالیانک ۱۸۸۳ قانونی رومانیاه جان حرفیاً نقل ایدیشدر . بزدن باشقا آلدینی ۱۰۰ سنه لک بر قانونی حال اصلیسيله ابقا ایدهن بر دولت یوقدر .

ایشته بواجتاج دولایسیله درکه اک مترقی مملکتلرک صوک قانونلرنده
 پک مهم نقاط متشابهیه تصادف اولونمقده در . هر مملکتک کرک
 تجارت قانونلرنده ، کرک شرکتلره متدائر قوانین و نظاماتده پک چوق
 فاصله لرله احتیاجات حاضره ایله متناسب تعدیلات اجرا ایدیلکده در . مع-
 التأسف مملکتمز بوجهته ده کیزیده ، پک کیزیده بولونمقده ، حالا
 فرانسه نك بر عصر اول نشر ایتدیکی بو قانوندن مملکتمزک احوال
 خصوصیه سی دوشونولمیه رک مؤسسات موجودیه مطابق اولوب
 اولمادیغنه باقیلما یرق تماماً مترجم بولونان بر قانون تجارتی ایله اداره
 ایدیلمکده در . فرانسه بو زمان ظرفنده بزه مأخذ اولان قانوننک بر
 چوق اقسامی سکز اون دفعه تبدیل ایتک مجبوریتی حس ایله مشدر .
 اخراجات ایستاتستیکلریمز تجارتیمزک سنه دن سنه یه تدنی ایتمکده اولدیغی
 مع التأسف کوستریور . مملکتک ثروت واستحصالاتی بر صورت جدیده
 تزیده خدمت ایده جک بر تشبثده بولونولدیغی کورولویور . بالعکس
 کافه وسائط متصوره تنقیص ثروت ، تقلیل مساعی نتیجه مؤلمه سی حصوله
 کتیریور . آراده صیراده حس ایدیلن بر بوشلغک املاسی ایچین احداث
 اولونان چاره لر یا بر قاچ منفعت شخصیه نك مطمح آمالی اولمق حسیه
 مملکتی بوتون بوتون متضرر ایدیور ، یا خود بویله اولمادیغی تقدیرده
 پک غریب وحیرت بخش اولمق دن خالی قالمایور . بو عدم تقید رسمی یه ،
 اهالینک تجارت حقنده بسله مکده اولدیغی یا کلیش بر فکری ضم ایده جک
 وتاجرلرک معروض اولدقلری بر چوق موانع ومشکلاتی ده اونو تمایه جق
 اولور سه ق تجارتک تدینسک نه کی اسبابک تحت تأثیرنده وقوع بولدیغی
 آکلار ز . منتظم استاتستیکلریمز موجود اولسه اک تجارتکاه شهرلر مزده
 بوتون تجارت خارجیه نك اجانب النده بولندیغی ، یکانه استحصالات
 ملیه مز عدا ایدیله بیله ن محصولات زراعیه ایله بو قسمدن اولان مواد سائر
 ابتدائی نك ممالک اجنبیه یه اجنبیلر طرفندن کوندریلکده اولدیغی بوندن

متولد تمتعده طبیعی اونلره توجه ایتدیکنی بر صورت عینفدهده کوره رک متنبه اولورز، اولماسهق بیله بر آز کوز آچق لزومنی ادراک ایدرز. تجارت خارجیه مزك اخراجات قسمی بویه اولدینی کی ادخالات قسمندهده متوسطلرک قسم اعظمی اجانبدن عبارتدر. حال بوکه بونلرزم سایه مزده چین، بو کامقابل بزه نه مملکته، نه خزینیه - هیچ بر استفاده تأمین ایدمه یین طفیلیاتدن باشقه برشی دکلدز. شبهه سز بونلرک متوسط صفیه بشارته بر خدمتلی وقوع بولدیغی انکار ایده جک بن دکم.

آ کلامق ایسته دیکم شی بو خدمتلیک مقابلی اولان ثروت مکتسبه دن بوملکک بویوک بر فائده کورمه دیکی و کورمیه جکیدرکه بوقابل انکار دکلدز صانیرم معافیله بوحالک شمیدیلک باشقه صورتله اولماسی احتمالی تصور ایدیه مز. هله خریستان و موسوی وطنداشلیرمزده اولماسهک کوچوک معاملات تجاریه ایچین بیله اجنیلره مراجعتدن وارسته قالمایه جغمز یک بدیهی بر حقیقتدر. اگر بزمده تجارتک روخنه نفوذ ایدیه جک بر دماغمز اولسه یدی، بونک مملکته تأمین ایدیه جکی منافعی دوشونه بیلسه یدک بوکون شبهه سز اخراجات و ادخالات تجارت مزده متوسط طلق وظیفه سنی بالذات درعهده ایدردک بویوک سرمایه دارلریمز پیاسه یی کاملاً اللری آلتنده بولوندورا بیلرلردی.

اساسات تجاریه یی بیلمه مکدن، سرمایه نک صور استعمالیه سنه واقف اولماه قدن جسارت سزلکدن، اعتبارک همان فقدانندن متولد نقایص شخصیه واقصادهده یوقاریده کی اسباب عمومیه ایله برلشهرک تجارتده بوگونکی حالی حصوله کتیرمش و بزی اوروپادن لا اقل ۱۰۰ سنه کیریده بر اقصدر. طبیعی ده عمیق بر تدقیق بوحالک مملکتک هیئت عمومیه سنه شامل اولدیغی، تجارتک بر استثناتشکیل ایتهدیکنی کوستیر. اداره، علوم و معارف؛ صنایع، زراعت.... بونلرک هپسی حتی حیات شخصیه بیله بو جریانک شدتندن یک آجی صورتده متأثر اولمقدهدر.

بونلری حس و تفکر ایدمه بیه نلرده بوملمکتک اڭ بدبخت اولادلری،
تاصیم قیلرندن جریحه دار اولمقدہ ولکن بویارلری کوسترمک بیه جسارت
ایدمه مکده در . بو مجرا بزى پڭ اوزاقلره کوتوره رک مقصدیمزدن
انفکاک ایتدیره جکندن بوراده توقف ایله اساسمزه رجعت ایدیورم .

بو کونه قدر اها لیمزه ویریلدن تدریسات تجاریه بی صفر ایله اراهه ایدمه بیلیرزه .
بش آلتی سنه اول کشاد ایدیلدن تجارت مکتبی بوتون مکتبلریمز کی بر
دیپلوما اخذینه وسیله اولمقدن، بر اودانک دیوارینه بر چرچمویه کچیریلن
یالیزلی بر ورقه رسمیه آلق حقى بخش ایله مکدن باشقه بر نتیجه
حصوله کتیرمه مشدر .

طلبه نك اخذ وقبولی شرائطی بویه بر مؤسسه نك التزام ایدمه جکی
طرزه کلیاً مخالف و منافیدر؛ تدریسات ده مطلوب اولان نتیجه یه وصوله صالح
برحاله اولما یخه مکتبدن هان هیچ بر استفاده حصوله کلمه مش اولماسنک
سبی پڭ قولای آ کلاشیلیر .

تجارت لهنده وقوع بولان بویکانه وطوپال تشبثات شو صورتله
بر طرف اولنجه کیریده مشکلات و موانعدن ده اسباب تدقی احضارندن
باشقا برشی اولماش اولور . ایشه بواحوالدن دولانی اصول تجارتیمز ،
مؤسسات تجاریه من هیچ دیکشمه مش اوروپانک بالقبول ترقی ایتدیردیکی
متین اساسلر بزده بر یر طو تاما مشدر . سرمایه لریمزك پڭ جزئی و داغینقلمغیه
برابر بونلری تراکم ایتدیره جک تشبثات اصلا وقوع بولماش ، ترقیات
مدنیه نك اڭ مهم ارکانندن اولوب بواثره موضوع تشکیل ایددن شرکتره
بو کونه قدر پڭ آز بر اهمیت ویریلشدر . مدخایه کوره جکمز وجه ایله
شرکتربالخاصه آنونیم شرکترلی اون دو قوزنجی عصرده حیز پذیر اولان
اعمال جسمیه محیره نك اڭ بویوک برواسطه حصولی عدایدیلمک احرار .
حال بوکه بزده اڭ بسیط شکلی اولان قولله قیتفال آنجاق - طبعی
پڭ جزئی برنسبتده - وجوده کله بیلمش حصه لی قوماندیت ، آنونیم

شرکتلرله صوك زمانلرك محصول احتیاجی اولان متقیر سرمایهلر شرکتلرك طبیعی ملی اولارق- امثالی بالمجبوریه کوروله مه مشدر. اجنیلر ایسه بوراده شرکات تجاریه نك هر شکلی تأسیس ایله بوندن متولد منافعی اقتطاف ایله مشلردر. ابواب مخصوصه سنده کوره جکمز کی یقین زمانلره قدر بونلره متعلق تجارت قانوننده مندرج بر قاق ماده دن باشقا مراجعستگاه یوقکن ۱۳۰۰ سنه سنده آنویم شرکتلر نظامنامه داخلیسی نمونه سی و ۱۳۰۴ سنه سی ربیع الاولنده ده بونلرك اخذ ماذونیت مجبوریتلرینه دائر بر قانون نشر ایدیلش، فقط بونلرك برنجیسی بر قانون یرنی طوته مایاجنی کی ایکنجیسی ده سفرانك عدم قبولنه مبنی حکمز قالمشدر. مملکت مزده شرکتلرك میدان تداوله حیقاردقلى اسهام وتحويلاتك مشتریلری میاننده یرلیرده بولوندیغی حالده اللرنده کی سنداتك کندیلرینه نه حق تحمیل ایتدیکنی بیلمه یه نلر پك چوق اولدیغی کی بر آنویم شرکتك صورت اداره سنه ، تشککنه، سرمایه سنك طرز تراکمه متعلق تفصیلاته واقف اولمایانلرده ده پك زیاده در. ایشته بواثرك ناچیز محوری ابتدا بومقصدله ایشه باشلامق، صرف آنویم شرکتلره دائر پراتیق بر اثر وجوده کتیرمك فکرنده ایکن بزده کی فقدان آثار وبوکی مسائل ایله اشتغال ایده نلرك ندرتی حسیله پلاتی توسیعه مجبور اولدی [*] بزده آثار جدیه اوقدر آز یازیلور و بواثرك ایکنجی طبعه نائلیتی اوقدر محال اولویور که بر محرر ایچین باشلادیغی ایشه برده ال سوره مه یه جکنی دوشونمك و اوصورتله حرکت ایتمک بر وظیفه معنویه اولویور. فی الحقیقه بودوشونجه ایله یوله

[*] بزده شرکتلره دائر آیریجه بر اثر یازیلماشدر. شهباز افندیك مکتب ملکیه ده، یانقو و بطنوس افندیك مکتب حقوقده کمال وقوف ایله تدریس ایتدیگلری تجارت قانونی درس لرنده یریلش، فقط طبع اولونامش معلومات وارسه ده بونلر مختصر در. رشید پاشا طرفدن تحریر ایدیلن مفصل قانون تجارت شرحی بر قاق یوز صیفه لك ایضاحاتی حاویدر (ایکنجی جلد) بو مسئله یه دائر بوتون سلسله آثار ضده بولردن عبارتدر.

چیقیلنجه اترك مملكتك ظاهری احتیاجندن فضله اولماسی، بر آز آغیر کورولمه سی محذوری حصوله کلیورسه ده تمام بر ایش یامیش اولمقدن متولد نمونیت معنویه بونی مع زیاده تلافی ایدیور .

ایشته بونك ایچین، بوتون ساعات اشتغالیه حیاتی بوکبی مسائی تدقیق ومطالعاه یه کال نمونیتله حصر ایدن بوعاجز محررده شیمدی یه قدر ایشندیکی جهتله ینه ایشیدیلمه سی محتمل اولان شوعاعتراضلری پک جدی بولما یارق اثرینی ممکن اولدینی قدر کینشیله تمشدر. بوندن استفاده ایده جکلرک مقداری نه قدر قلیل اولسه ینه محررینک مساعیسی تضمینه کفایت ایدر. اترك بومقدمه بی تعقیب ایده جک اولان مدخل قسمنده مختصراً فردیت اصولیله، معارض اولان سوسیالیزمدن حق اشتراکدن، شرکتلرک فوائد اقتصادیه سندن بحث ایتکی مناسب کوردم. بوقسم عمومیتله شرکتک بر مبحث فلسفیی، اشتراک تجارینک ده مبحث اقتصادییسی اولاجقدر. شیمدی یه قدر بوراده بویولده برشی یازیلدیغنی تخطر ایده میورم. بو، اوروپانک اشتراک سایه سنده نه لر یاپدیغنی کویستره جک؛ ایکی اصول معارضی قارشیلشدیرارق برینک نقایص ومحاذیرینه، عجز وضعفه مقابل دیگرینک محاسن وفوادیغنی، قوت مشکل بر اندازی اظهار واره ایده جکدر. یالکز بوقسم بر جلد تشکیل ایتکه کفایت ایده جک درجه ده واسعدر. فقط بن بوراده بالجبوریه پک خسیس داوراناجم .

بونى تعقیب ایده جک قسم، شرکتلری ازمئه قدیمه دن آلارق زمانمزه قدر کتیره جک وصفحات مختلفه سی، بش آلتی بیك سنه لك طریق تکاملانی بر آز کنیش آدیملرله قطع ایلیه جکدر. بو، اترك قسم تاریخچیسیدر بوندن وازکجه بیلمک ممکنیدی. لکن بوده بزده هیچ اوستده یورونمشمش بر طوپراق اولدینی ایچین شوفرصته باصوب کچمکه راضی اولامادم . بوقسمدن مستفید اولاجقلر اثری بر فکر فلسفی یاخود صرف بر سائئه تجسسله اوقویه جق اولانردر . بونلر بوکونکی شرکتلرده موجود اولان

برخوق مراسم ومؤسساتك پك چوق زمان اول معلوم اولديغنى وترقيات متواليه نك ايلك رشمى دائماً محافظه ايتديكنى كوره جكلردر. احتياجاتك تنوع وتوسيعه بونلرى استيفاً ايده جك وسائطك اشكالنده برتنوع وتوسع حصوله كلديكنى برپانوراما سير ايدر كى كورمك فائده دن خالى دكلدر البته. تجارت فعاليت بشريه نك اك مهم برشعبه سى، شركت ده تجارتك الك بوسكك برشكلى اولديغندن بوقدر مهم برحادثه اقتصاديه ده وقوع بولان تكاملك تاريخنى تدقيق ايله مك برخوق جهت لرحه تنوير ذهن ايدر. بونى تعقيب ايدن قسمده ده آنونيم شركتلردن بحث ايديله جكلدر شركت لره متدائر علم مالى و حقوق دول مسائل ده آبر بجه مفصل كوريله جكلدر.

مدخل

— ۱ —

فرديت وسوسايزم - حق اشتراك - اشتراك صور مختلفه سى - اشتراك تجارى - اشتراك ترقيات مدنيه نك اركاندنذر.

Individualisme فرديت، اون دوقوزنجى عصر ك اربت سپنسر كى بويوك فيلوزوفلرينك لورو آبوليو، مولينارى، بئوكويو، فره دريق پاسى كى بويوك مقتصدلرينك مسلك مرجع اقتصادى وفلسفيسيدر. بواساس هر شئى دوغرو دن دوغرويه افرادك قواى تشبيه سندن بگله مكدن عبارت اولوب سوسايزمك كوندن كونه ترايد ايدن انواعنك كلياً مغاير ومعارضيدر. برنجيسى حريت واستقلاله مربوط اولدينى حالده ايكنجيسى افرادى هان هر خصوصده آلاجنى اوامر و اطاعت و انقياده مجبور قيلان بر اسارتدن باشقا برشى دكلدر. برنجيسنده افراد سربستى و مقاولاته، سربستى مبادلاته، سائرلرينه ضررايراث ائتمه مك شرطيله سربستى حر كته؛ خلاصه حريتك حيات بخش اولان كافه اقسامنه مالك ايكن ايكنجيسنده بر يد خارجى ايله ايتيلوب چكيلهن، قوللانيان بر قوقلايه تشبيه ايديله بيلير.

حریته میال اولان طبیعت بشریه نك برنجی اصولی ایکنجی یه ترجیح
ایده جکی پك طبیعیدر . برنجیسنده انسان قیمت شخصیسنی، حیثیت
ذاتیسنی حس ایدر؛ ایکنجیسنده حکمدن ساقط بر جزء مشابهسنده
قالیر. اساس فردیت، حقوق شخصی و مدنی نك طایفاسنی ایجاب
ایتدیکی حالده سوسیالیزمده یالکمز حقوق جمعیت وارددر، شخصی بونك
ایچین نفسی، حریتلرینك کافهسنی، استقلالنی فدا ایتمکه مجبوردر. اراده
واققدار هپ جمعیتك اندهدر. فرانسهده پیهرلورو، ده ۱۸۳۳ سنهسنده
تداوله باشلایان فردیت کلهسنه معارض اولق اوزره بولمیهنی استعمال
ایتدیکی وقت «شخصك جمعیت تسمیه اولوناق بر Entité نك منفعتنه فدا
ایدیله جکی برهیئت سیاسهدر.» دییه تعریف ایتشدی. اوزمان پك کوچوك،
پك صاییلماز بر قوت اولان سوسیالیزم مذهب خیالارله، مغفل وعدلرله
کندینه پك چوق تلیدلر، طرفدارلر بولارق کاه علمی، کاه عامیانه بسط
واتیان ایدیلن اساسلریله جمعیت آراسنده بویوک، پك بویوک، پك
صاییلایلیر براحمیت اخذ ایتشددر. مسلك فردینك معظم و محترم مدافعلری
بوتصورات خیالییهنی اساسات علمییه ایله ابطال ایتک ایچین بوتون قوتلریله
چالیشمقده ایسهلرده انسانلر محاکمهدن زیاده حسیاته مغلوب اولدقلرندن؛
حسیات ایسه بزه مالک اولمادیغمز بوتون سعادتلری بخش ایله مکی وعد
ایدنلره همان التحاق ایده جکندن سوسیالیزم طبیعت انسانیه نك بوضعف
وعجزی سایهسنده هر کون بر آدیم ایلریله مکده واستقبال ایچین بویوک
برضربه تهدید تشکیل ایله مکدهدر [*] سوسیالیزم اوقدر مختلف شکللر
اخذ ایتش، اوقدر بر برینه بکزه مزقالبیره کیرمش، حواریونی بر برلرینی
اوقدر چوق نقض و تهجیل ایله مشدر که بونلرک ایچندن بر اساس عمومی

[*] اسپه نسهرك (دولت قارشی فرد) عنوانلی اثرینك اسارت مسقباله سرلوحه لی

قسمتهده سوسیالیزمك، وقوعی محقق اولان بوتلهك نك، ناصیل براسارت اولدینی
واضحا کوستریلشددر .

چیقارمق محالدر دنیلسه مبالغه ایدیلشمش اولور. آلمانیا پارلمنتوسی اعضاسندن اولوب وفات ایدن مشهور اوژدن ریختر طرفدن یازیلوب پول لورو آبولیونک مقدمه سیله فرانسیزجه به ترجمه ایدیلن براترسوسیالیزمک عواقبنی پک خوش بر صورتده کوستر مکده اولدینی ایچین بومسانله مراق ایده نله او قومنی توصیه ایده رم. سوسیالیزمک انواع مختلفه سی ده بونک احتمال تأسسی، و بوندن حصوله کله جک مضرات اقتصادی آیری بر اثر واساس تشکیل ایده جکدر. سوسیالیستلرک اصول حاضره به ایتدکلی اعتراضلر افرادک صرف حس انانیتله متصف اولماسی، برده مبارزه حیاتیه دیبه تلقیب ایتدکلی رقابتدر. حال بوکه بونلرک ایکسی ده یا کیشدر. اولا برنجیسی تدقیق ایدلم:

انسانلرده دائماً متیظ، دائماً دقتناک بر قوت واردرکه اوده محافظه نفس سوق طبعیستندن عبارتدر. بو حس ذاتاً حیوانات و نباتات ده داخل اولق اوزره بالعموم ذی حیات موجوداتده حکمراندر. انسان مدنی بونک تقویه سی ایچین پک مکمل اصوللر، واسطه لر ایجاد و اختراع ایتدیکندن بو حسی یکی بر نام ایله تلقیب ایتمک لزومنی حس ایله مشلر و منفعت شخصی، محبت نفسیه، انانیت دیشلدر. حال بوکه بو حسلرک حتی مفراط برنسبتده بیله عینی بر فردده موجودیتی اوکوست قونتک غیریت altruisme نامی ویردیکی حس معکوسک فقداننی ایجاب ایده مر. انسانلرک افعال اقتصادیلری، بالخاصه استیفای احتیاجلری امر مهمنه متعلق اولوب محافظه نفسنه خدمت ایدنلر سوسیالیستلرک ظن ایتدکلی کبی مطلقاً انانیتله توصیف ایدیله مر. اکثریا انانیت دینلن شی، آز زحمتله چوق نتیجه استحصال ایتمک قانون اقتصادیسنک، بوتون کائناته شامل اولان بو قانونک بر صورت تطبیقندن، عقل و محاکمه ناک احقاق ایده جکی بر سعیدن عبارتدر. مدت حیاتلرنده انانیت پرستلکله، معارضلرک قولجه علم اقتصادده مسالک سربستی به منسوب اولانلرک وعظایتدکلی بوقنا طبیعتله

متصف عداولونان برچوق کیمسه لرك نه کبی معاملات خیره ده بولندقلرینه
 دائر لورو آبولیو علم اقتصادنده پك نفیس مثاللر ایراد ایتشدرد [*] اولاً
 شونی سویله لم که علم اقتصاد انانیتی توصیه ایتمز ، یالکز هرکسه منفعت
 شخصی سنی دوشونه لرك حرکت ایتسه سنی امر ایلر که بوده شیمدی ذکر
 ایتدیکمز بر قانون عمومی به مربوطدر . ذاتاً اوکوست قونتدن قرق
 الی سینه اول آدام سمیت ، علم اقتصادک بو بویوک دهاسی ، پوزیتیویست
 فیلوزوفک مقصدینی sympathie کلمه سیله افهام ایتمز وحسیات اخلاقیه
 نظریه سی عنوانی اثرنده هم جنس لرینه محبتک ، یعنی اوکوست قونتک
 غیرت نامنی اوردیکی حسک افعال بشریه نک اک عمومی محرکات ومؤثراتندن
 بری اولدیغنی کوسترمشدر . انسان معاملات عمومی سنده ، استحصال اتنده
 قواعد اقتصادی به حرفیاً موافق صورتده حرکت ایتلی ، منفعت شخصی سنی
 بر آن نظر دقتندن دور طوتمامالی ، حسیات خیر کاریسنی ثروتی
 استحصال ایتدکدن صوکر اوکوستره لیدر . یوقسه زمان استحصالیده حقوق
 ذاتیه لرینه قارشى لاقید اولانلر ، برقم زمانک هباواسرافه قارشى کوز
 یومانلر بالآخره هیچ بر بویوکک کوستره مزلر . برسویالیست جمعیتک
 هیچ بر زمان بر قارنه جیسی اولاماز . اگر قارنه جی حیات اقتصادی سنده
 منافع شخصی سنی فراموش ایتسه یدی ، هر درلو حرکاتى بومنافعه توفیق
 ایتمکدن اوزاق بولنسه یدی البته موزهلر ، کتبخانه لر ، سه رقلر ، دارالفنونلر
 ایچین ابدال ایتدیکی میلیونلری طوبالایامازدی .

خلاصه منفعت شخصی ایه غیرت یکدیگری نک ضدی اولمایوب
 عینی برقلده اجتماع ایده بیلیرلر ؛ بری انسانه فعالیت اقتصادی سنده ،
 دیگرى ده ثروتى استعمالنده راهبر اولور . بناء علیه سوسیالیستلرک فردیت
 وسرستی اصوته وقوع بولان بواعتراضلری مسموع اولاماز .

[*] Traité théorique et pra. de l'économie politique (tome I, page 74.

مبارزه حیاتییه کلنجه : جمعیات حاضره نك اساس مؤثری مبارزه حیاتییه دكلدر ، رقابتدر . رقابت انسانلری درجه استعداد و لیاقتلرینه كوره لایق اولدقلری مرتبهیه اصعاد ایدر ، برقوتدر ، رقابت جمعیتك ثروت واستحصالاتی تزید ایدر برواسطه در . بونی انسانلرك یكدیكرینی محو ایدرجه سنه چارپشماسی صورتنده تلقی ایتك سوء تفسیر اولور . رقابتی جمعیت داخلندن قالدیرمق هر دورلو ترقیاتك اك بو یوك سائق ومشوقی احیا ايله مكدر كه سوسیالیزمك تشكلی بو نتیجه نی حصوله كتیره جكدرد . [*] حتی علم اقتصادك قانون رقابتی بوتون موجودات مبارزه حیاتییه قانونه سبب اولسه بیله بو برقانون طبیعی اولدینی ایچین مطاوعت مجبوریدر . سوسیالیستلرك حق ملکیتیه ، طرز مساعیه ، اجوراته ، آلت مبادلهیه وقوع بولان اعتراضلریه اشتغال ایتنه نك یری بوراسی اولمادینی ایچین یالکنز اساسمزه اك زیاده تعلق ایدن شوانانیت ورقابت مسئلهلری حقنده کی ادعالرینی سرد ایتكله ! كتفا ایدر اك افراد ايله دولت آراسنده کی مناسباته یکیورم :

دولت ، ملت حالنده تشکل ایتش جمعیتك عضو مشترکی اولوب اك بو یوك وظیفه سی امنیت وسلامته متعلق اولان خدمتیدر كه بوده هم داخلی ، هم خارجیدر . برملتك اك بو یوك منفعتی دولتك بووظیفه نی حسن ایفا ایدر اك برصورتده مؤسس ومتشکل اولماسنده در . بووظیفه نی دولتی تشکیل ایدن افراد باشلی باشلرینه رؤیت ایتمكدن عاجزدرلر .

ایکینچی وظیفه سی نظامات وقوانین ايله برمجوریت وضع ایدلمکسزین ، اهالییه ویرکیلر تحمیل اولونمقسزین تشکیل ایدیله مهیه جك اولان خدمات نافعه مشترکینی وجوده کتیرمکدر . قانون وضع ایتك ، ویرکی تحمیل ايله مك یالکنز حکومتك دائره اقتداری داخلنده اولدیغندن بو وظیفه نی ده بوندن باشقاسی ایفا ایدر مز . یالکنز بوراده خدمات مشترک نك

[*] علم اقتصادك برنجی جلدینه باقیکنز .

درجه شمولی این تقدیر ایتک لازمدر. بوندن مقصد وجوده کله‌ری
ایچین جمعیتک بوتون صنوفک یاخود پک مهم بر قسمک معاونت
و مشارکتی ایجاب ایدن خدمتلردر.

اوچنجی وظیفه منافع حاضره‌نک تولید ایده‌جکی احتیاطسزلقلره
قارشی منافع مستقبله و مؤبدۀ مملکتی محافظه ایله مکدر. بر مملکت داخلنده
دولتدن باشقه مؤبد اولقی طبیعتی حائر بر هیئت موجود اولمادیفی جهتله
بووظیفه‌نک اوکا تعلق ایتمه‌سی پک طبیعیدر.

هر کسک حقوقی تأمین ایتکله مکلف اولان دولتک دردنجی
وظیفه‌سی ده مسئولیت عدلیه‌نی تعریف و توصیف و بونی موقع اجرایه
وضع ایله مکدر.

ایشته دولت ایچین تعیین ایدیه بیلجه‌ک وظائف اصلیه و اساسیه
بونلردن عبارتدر. بونلرک خارجنده اولارق دولت بعض وظائفله مکلف
اولا بیلیرسه‌ده بووظیفه‌لرک اهمیتی درجه‌تالیه‌ده‌در.

دولت تعیین ایتدی کمز شو وظائف دائره‌سندۀ محصور قالا جق اولورسه
افرادک حقوقه هیچ بر صورتله تجاوز و تعرض ایتمه‌ش اولور [*] فقط
دولت سوسیالیزمی دنیله‌ن و بالخاصه آلمانلرجه ترویج ایدیلوب ممالک سائرّه
سرایت ایتکده اولان مسلکک تلقینساتیله برچوق امشالی کورولمکده
اولدینی اوزره صرف افرادک تشبثات شخصیه‌سیله کوروله بیلجه‌ک ایشلره
ال اوزادیرسه صلاحیتی دائره‌سی خارجنه چیقمش اولور و بوتقدیرده
مملکت ایچین تولید منفعت ایده‌جک یرده، اوایشلری کندیسندندها اینی
کوره بیلجه‌ک هیئتلرک موجودیتنه مبنی، ایقاع مضرات ایدر. هله
بوتجاوز معاملات صناعیه و اقتصادیه حقنده وقوع بولورسه قتالقی اشتداد
ایلر. شوراسی دائماً خاطرده طوتولمالیدرکه دولتی اداره ایده‌نلرینه

باقیکنز. [*] Individu contre l'Etat: La Péchès de législateur; Leroy Beaulieu — cauliou Etat moderne et ses fonctions — justice.

هیئت عمومیہ ایچندن یعنی ملت آراسندن انتخاب ایدیلش افراددن عبارتدر. بوفرادك لا یخطی اولماسی ایچین هیچ بر سبب موجود دکلدرد. بوکامنفعت شخصییه حسنك فقدانی تفتیشاتك طبعی و ضروری اولان بطائی علاوه ایدیله جك اولورسه سربست هیئتلك دولته مرجح اولاجقارینی تسلیم ایلهمکده تردد اولونماق لازم کلیر. بالتجربه ثابتدرکه دولتك بالخاصه صناعی ساحهلرده تزايد ایدن فعالیتی افراد ایله سربست جمعیتلك بمضرته اولارق استحصال ایدیلشدر. قوه تشبثاتك حیاتده ایکی بویوک قوته مالک اولان برعضو واحد النده تمرکز و تمیيع ایتمه سندن ایسه بوتون هیئت اجتماعیه آراسنه داغیلش اولماسی البته ده چوق نافعدرد.

هله دولتی جمعیات بشریه ده ترقیاتك مؤثر اساسیسی عدا ایتك قدر بویوک خطا اولماز. بوساحده کی وظیفه سی صرف بر معاون اولمقدن عبارت قالیر. ترقینك مؤثری، مسببی سربست هیئتلك وبالخاصه افراددر. كرك هیئتلك، كرك بوفراد حکومتمده بر معاون بولمقدن زیاده کندیلرینه بر دشمن بولمشلدر. آریسطولر، افلاطونلر، کونتبرغلر، قریستوف قولومبلر، شکسپیرلر، پاپه نلر، فولتونلر، استه فانسونلر، ادیسونلر و صوکر ا بوتون مؤسسات نافعه مهمه یی، وسائط سهیله تأدییه یی ایجاد ایدهلر، تحت البحر قابلولر، تله فونلر یاپانلر، قاناللری اچانلر هپ افراددن عبارتدر. ده دینیلهن خاصه علویه نه بوتون بر ملته، نه ده بر ملت طرفندن منتخب اولان افراده یعنی بونك مرخصلرینه بخش اولونمشدر. ره نانك دیدیکی کی اوبرفر دده یوزلرجه سنه لك مساعی ماضیه نك ثمره سی اولارق تجلی ایدر. دولت فکر ایجاد و اختراعدن کلیاً محرومدر. اونك وظیفه سی نهایت بروظیفه محافظه دن عبارت قالیر. دولتی واسطه ترقی عدا ایدر ك فرانسه سوسیالیستلرندن لوئی بلانك تنسیق سعی و عمل عنوانی اثرنده توصیه ایتدیکی «ترقی نظارتی» نی بوجوده کتیرمك ترقیاتك هر نوعنك - مادی، معنوی، ذهنی - منشای

و شرائط مستلزمه سی حقنده یا کلیش بر فکر بسله مک اولور. ذاتاً یا لکیز دولت کی سلسله مراتب قاعده سنه کوره تشکل ایتش بر هیئت دکل، هیئات سائر بیهن ترقیاتک مصدری اولاماز. دوشونمک، یازمق، ایجاد و اختراع ایتک برلشمکه متوقف دکلدر. «اتحاد قوت حصوله کتیریر.» سوزی پک دوغوردر. لکن بونک محل تطیقنی تصورات و تفکر اتده دکل، تطبیق اتده آرامق لازمدر. هر شیئه کنندی حقی ویرمه لیدر. ایجاد و اختراع ایده جک افراددر، لکن یکی بر فکر کتله بشریه طرفندن اخذ ایدیلزسه هیچ مثابه سننده قالیر. بونی سربست هیئت لر، جمعیت لر، شرکت لر آلاق نشر و تعمیم ایدر لر. بوهیئات فرانسه مشاهیر محررینندن قله مانسونک دیدیکی کیی براردویه بکزرکه قوماندایه، اداره یه محتاجدر. قوماندای ویرن، اداره ایدن فکری ابداع و اختراع ایله ین افراددر. صوکر ا بوفکر حرکت ایچین افرادی بریره طویلار، برلشدریر مع مافیله بووظیفه یی ایفاده سربست هیئت لر دولندن زیاده صاحب اقتدار و صلاحیت در لر.

بناءً علیه دولت مسلک حرکتی افرادک حریتی تقلیل جهتده آرامامالی، هر دورلو تشبثاتک قایلرینی افراذه آچیق بر اقالیدر. انسانی سعه، کسبه، ترقیه، تصرفه سوق ایده جک اک بویوک بسائق وجوده کتیره جکی ایشک منافعتک کنندی شخصه عائد اولماسیدر. بوجهت تأمین ایدیلیر و حریت مساعی یی محل اولاجق شیلرک کافه سی رفع والغا اولونورسه او زمان مسلک فردیت بوتون فتوحات و مظفریاتنی احراز ایله مش اولور.

فقط مع التأسف زمانمز بودوره دن پک اوزا قدر و کیتدکچه دها زیاده اوزا قلاشمقده در. تشبثات و اجرا ات حاضره اکثریتله افرادک منافی خلافت و بناءً علیه مدافعه ایتدیکمز مسلک فردیتک عکسنه وقوع بولمقده در. بومسلکک غایه آمالی افرادک کافه حقوقه مالکیتیدر که حق اشتراک ده بوزمره دندر. یوقاریدن بری ویردیکمز تفصیلات فردیتله اشتراک آراسندم

بر تناقض و ضدیت موجود اولدیغنی ظن ایتدیرمه ملیدر . افرادک سربست بر محیط داخلنده هر شیئی - طبیعی باشقالرینه مضر اولماق شرطیله - یاپه بیلیمک حتی قبول ایدیلنجه حق اشتراکک ده . قبولی پک طبعیدر . ذاتاً بو حق انسانلرک حقوق طبعیه سندن در . اشتراک حیات بشرک اک طبیعی ، اک لابد حادثاتندن بریدر . اوزون مدت افرادک حقوق انسانیه سی انکار ایدن حکومتار و حکمدارلر مملکتلری داخلنده اشتراکی قسماً ویا کلیاً منع ایتملر ، بو حقک بو کونکی درجه ده قبولی پک چوق عصرلرک مرورینه متوقف اولمشدر . بو کون بیله اکثریا ساخته و غیر معقول برطاقم سبیلرله رد ایدیلدیکی واقعدر . هر مملکتک قوانین اساسیه سی حق اشتراک واجتماعی بخش ایله دیکی حالدده بو حقک استعمالی بر چوق مراسم و تکلفات ایفا سنه وابسته درکه بونلردن شرکتات تجاریه یه عائد اولانلری بحث مخصوص ندیم کوره جکیز . بو حق ، بو کون اک سربست صورتده استعمال ایدن مملکت انکلتزه ایله آمریکا عد اولونا بیلیر . بزده قانون اساسینک ۱۴ نجی ماده سی موجبجه تبعه عثمانیه نظام و قانون دائره سنده تجارت وصنعت وفلاحت ایچین هر نوع شرکتلر تشکیکنه مأذوندر . بوماده کی نقصانلقدن حق اجتماع و اشتراکک ده اکنیش بر صورتده عدم تعینندن صرف نظر ، بخش اولونان بو حقک استعمالی ده حقوق سائره کی برطاقم آغیر قیوده ، اجراسی پک مشکل مراسمه ، تکلفاته محتاجدر .

تک و تنها بر انسان ، بر روبنسون عالم انسانیتده بر استننا تشکیل ایدر . بر جمعیت مدنیه داخلنده انسان نه قدر حجر داولور سه اولسون طبیعی واجتماعی مؤبد و موقت بر چوق هیئتله منسوبدرکه بونلردن اک باشلیجه سی عائله در . عائله اشتراکک ایلمک نمونه سی عداید یله بیلیر . فقط بونک خارجنده لایعد ولایحضا هیئتلر وارددرکه انسان بونلرک برینه ویا برقاچه منسوب اولاییلیر . افراد بشریه نک بر اصول سربستی داخلنده اتحاد واجتماعی پک مختلف ، پک متنوع صورتلر و شکللر اخذ ایده بیلیر . هر مملکتده دولت خارجنده

اولارق بر مقصد معین اغورنده تشکل ایدن ، مختلف درجه شدت ومانتده چالیشان قوای مشترکه واردرکه یا بر منفعت ، یا بر احتیاج ، یا بر خیر ، یا بر امید ایله تأسس وتشکل ایتشلردر . جمعیات دینیه ، جمعیات خیریه ، شرکات عادیه ، شرکات تجاریه ومالیه کبی . بونسجیات بخش اصلا زوال بولمایوب دائماً یکی وجودلر حصوله کتیرر . بر مملکتک هر دورلومعاملاتده افرادینه بخش ایتدیکی سربستی نه قدر زیاده ایسه اومملکتده اشتراکات واجتماعاتک مقداریده او قدر زیاده اولور . حریت افرادک ترقیسنه سبب اولدینی کبی شرکتلرک ، جمعیتلرکده تزیاید وترقیسنکده یکانه منبعیدر . بوکون ممالک متمدنده اک عادی کویلی عملیه یله برویا برقاج هیئت منسوبدر ؛ یوزهیئت اعضاسندن بولنانلرده نادر دکلدر . هله طرق مواصله نک ، محابراتک تزیاید وترقیسی سایه سنده بو هیئتلر ، جمعیتلر یالکز بر ملت منسوب اولمغله ده قالمایوب مملکتلرک حدودینی تجاوز ایتمش ؛ بین الملل بر چوق جمعیتلر وجوده کلشدر . بویله جه بشریتک بر ذوق طبعیسنی تشکیل ایدن اشتراک غایت وسیع بر ساحه احراز ایله مشدر . استقبالده بونفوذینی تزیید ایده جکندده شبه اولونماق اقضا ایدر . ترقیات مدنییه اشتراکاتک هر نوعنده عینی نسبتده ترقیات وقوعنی انتاج ایده جکدر . نرقی مدنیته ترقی اشتراک مترافق عد اولونماق لازمدر . برینک تعالی ایتدیکی یرده دیکریده تعالی ایدر ؛ برینک سقوط وتدنی ایتدیکی محله دیکریده عینی حاله مصاب اولور .

انسانلرک کره ارض اوزرنده کی حاکمیتلری ، سطح ارضی ایسته دکلری کبی تبدیل وتحویله مقتدر اولمالری هپ اشتراک سایه سنده در . فقط بو اشتراک قاستورلرککی ، آرلرککی ، قارنجه لرککی کبی انسانک بوتون حیاتی ضبط ایدر مجبوری ، ثابت ، لایتغیر بر اشتراک اولمایوب متحول ، مختلف الاشکال براشترا کدر . علوم وفنون ، امور خیریه ، صنایع ، تجارت ، زراعت ساحه لرنده بو قوتدن محروم اولان مملکتلرله بوندن استفاده

ایده نلری مقایسه ایله مک اشتراک نه قدرمحیر نتایجی اولدیفنی کویسترمکه کفایت ایدر. فکر اشتراک بو کون مدنی انسانلرک هر دورلو احتیاجلارنده ، ایشلارنده ، مطالعه لارنده ، ذوقلارنده کندیلرینه رفاقت ایتمکده در.

اوروپاده بیك دورلو مقصدله تشکل ایدن بوسربست جمعیتلر عینی امید ایچین چالیشه جق کیمسه لری بر آرایه طویلایه رق نه بو یوک خدمتلر ایفا ایدیورلر ! انجمن دانشلرک زراعت، تجارت، صنایع، کیمیا، جغرافیا، طب، اقتصاد، ایستاتستیک جمعیتلرینک اعمال و مساعی مشمره سی هپ اشتراک تولید ایله دیکی منافعدندر. اکر حکومتلر هر هانکی بر مقصدله اولورسه اولسون بو شرکتلری منع ایتمک تشبثنده بولونسه لر دی مملکت داخلنده حین حاجتده متین دلیللریله پک بو یوک خدمتلر ایفا ایدن بوقوتلر وجود یذیر اولامایه جق، بر چوق امور نافع و خیره ایفا ایدیله مه یه جک، بر چوق معلومات مهمه نشر و تعمیم اولونامایه جقدی. بوهیئتلر منتظماً اعطا و توزیع ایتمک لری مکافاتلر، تخصیصاتلر سایه سنده یکی اصوللر ایجادینی، مکمل و متحیرانه اثرلر وجوده کله سنی موجب اولیورلر. بوسربست هیئتلرک بوتعدنده تربیه و تجربه نک پک بو یوک تأثیری وقوع بولدیغنده تردد اولونمالیدر. انسانلرک طبعاً مالک اولدقلری ذوق اشتراک بودیکر قوتک تأثیریه تراید و توسع ایدهرک بو کونکی حالی اکتساب ایتمشدر.

بوهیئتلر افرادک بوتون ساعات اشتغالیه سنی بلع ایتمه دیکی جهتله بونلره داخل اولان افراد صرف بر منفعت ماده و نقدیه ایله حرکت ایتمزلر. بویله بر مقصدله اشتغال ایدهلرده سربستی ورقابت ساحه سنده یورورلر.

هیئات موجوده نک اک معظمی جمعیت بشریه در. دیگر شرکتلرک، جمعیتلرک هپسی بونک داخلنده در. سلسله دهده برنجی درجه نی احراز ایدن عرق، دین، ملت دیگر هیئتلر و شرکتلرده آیریمجه یا خود برلشهرک یواچ هیئت آراسنده وجوده کلیر. عرقلرک، دینلرک، ملتلرک درجه

ترقیسنه افراد اوزرنده اجرا ایتدکری تأثیراته کوره داخلرنده تشکل ایده جک هیئت جسمیه وصغیره نك مقدارلری آز ویاچوق اولور .

انسان کره ارض اوزرنده ظهور ایتدیکی زمان ارض بو کونکیلردن پك وحشی حیوانات ایله مالی ایدی . برطرفدن بو حیوانلره شکار اولماق قورقوسی واردی ، برطرفدنده بو حیوانلر انسانلر ایچین ساحه معیشتده بر رقیب ایدیلر . بونلره قارشلی کلک ایچین افراد بشریه برلشمك ، توحید قوت ایتك ، جمعیتلر تشکیل ایله مك لزومنی حس ایتدیلر . ایشه بوسایه ده شخصاً ، فرداً کندیلردن قوتلی ، کندیلردن دها ای مسلح ومجهز اولان انواع سائر افرادینه غالب کلدیلر وحی دها صوکر ا بونلری . کندیلرینه تابع قیلمغه موفق اولدیلر . ایشه بوانسانلر آراسنده برمقاوله اجتماعیه اوزرینه دکل احتیاج طبعی ایله تشکل ایدن ایلك هیئتلر بونلردر . بو هیئتلر مرور زمان ایله ، برچوق ادوار وصفحاتدن کچدکن صوکر قوملر دولتر حالتده کلمشدر . دها صوکر ا دیانك ظهوری انسانلری باشقا بر حس ایله ، باشقا برانتظار اوزرینه وباشقا بر صورتده برلشدرمشدر .

دنیله بیلیر که اوروپانك اوزون مدت طانیدینی ، بیلدیکی هیئتلر همان یالکز بونلردن عبارتدی . بوزمانلرده تجارت شرکتلرینك نه قدر بسیط برشکلده بولوندیغنی آشایده کوره جکز . قرون وسطا دده بونلر خارجنده اولارق بویوك هیئتلر اصناف هیئتلردن عبارتدی . تجارت شرکتلری بودوره دده بر اهمیت احراز ایده مه مشدی . اشتراك اصل معناسیله وبوتون قوتیه قرون جدیدده بالخاصه ۱۹ نجی عصرده نشوونما بولا بیلمشدر . اشتراك بوتون تاریخی یازمق بر تاریخ بشریت یازمق اولور که بزم مقصد من بود کلدر .

یالکز اشتراك بشرینك بونهایتسز تطبیقاتی آراسنده پك زیاده تکامل ایدن بر نوعی بزی اشغال ایده جکدر که بوده تجارت شرکتلریدر . کتایمزك قسم تاریخی اشتراك بونوعنك نه قدر الاستیق اولدیغنی

کوستره چکی کبی عرقه ، محیطه ، زمانه کوره نه شکللر اخذ ایتدیکنی ده اظهار واره ایله یه جکدر. انسان یشادینی محیطه ، زمانه احوال و شرائطه او یغون بر طبیعت اخذ ایدر. اشتراکده ادبیات و صنایع کبی بو طبیعتک تأثیرینه تابع اولور. آسیای صغرانک ، یونانستانک ، ایتالیا ناک منبت اوو الزنده ، بحر سفیدک ریان و متبسم ، ساکن و آسوده سواحاندنه اخذ ایده چکی اشکال ایله جرمانیا استه پلرنده ، بحر منجمد شمالینک مظلّم ، فیرطنه لی ساحل لرنده آلاجنی اشکال البته بر برینه توافقی ایتمز . احوال و تأثیرات اقلیمیه ، تمایلات عرقیه شرکت تجاریه ناک شکلنی واساسلرینی تعیین ایدن اسبابدن معدود درکه بونی کتابمیزک تاریخ قسمی بزه کوستره جکدر .

فقط بورایه کیریشمزدن اول موضوعمیزی تشکیل ایدن بو شرکت تجاریه ناک فوائد اقتصادیه سندن بحث ایتک لازم کلیور .

— ۲ —

شرکت تجاریه ناک فوائد اقتصادیه سی - شرکتلر تزید تصرفاتی موجب اولور - شرکتلر تقسیم اعمالی توسیع ایدر - شرکتلر ملتلر آراسنده کی مناسباتک کسب کرمی ایتمه سی انتاج ایلر - شرکتلر جمعیتک صنوف مختلفه سی آراسنده بر اتحاد منافع حصوله کتیر بر .

اون دو قوزنجی عصرده صنایع و تجارتک مظهر اولدینی ترقیات فوق العاده شرکت تجاریه ناک ، بالخاصه بونارک اک مکمل شکلی اولدینی کوره جکمز آنونیم شرکتلرک براهیت مخصوصه احراز ایتمه سی موجب اولمشدر . تجارت شرکتلرینک اک بسیط شکللری اولان قولله قتیف و عادی قوماندیتلرده بیله سرمایه لرک اتصادی ، رأس اداره ده بولونانلرک اجتماعی اولدقجه پارلاق موققیات اقتصادیه حصوله واسطه اولیور . بو کبی شرکتلر طرفندن اجرا و اداره ایدیلن صنعتلر و تجارتلرک مقداری کوندن کونه تراید ایتکده در کوچوک بر سرمایه مالک بر شخص باشلی باشنه بر

ایشه تشبث ایدہ جک اولسہ کرک سرمایہ سنک نقصانندن ، کرک قولایجہ ~
اعتبارہ مظهر اولاماسنبدن ناشی معاملہ سنی توسیع ایتکہ مقتدر اولاماز .
حال بوکہ عینی معاملہ تجاریہ یہ منسوب بولونان ، یاخود عینی برضعتی
ایشلہ تمک ایستہ یں برقاچ کیمسہ سرمایہ لرینی توحید ایدنجہ ہم دہا
بویوک ، دہا متین بر ایشہ باشلامق اقتدارینی کسب ایدرلر ، ہمده بو
صورتلہ حصولہ کلہن قوت فضلہ براعتبارہ مالکیترینی تأمین ایلر . طبیعی
بویلہ زیاده بر سرمایہ ایلہ تشبث اولونان ایشلرده اشترا اولونان اشیا وامتہ نک
مقداری زیاده اولاجقندن فیثاتلرده اہونیت حصولہ کلہجکی کبی مصارف
اداریہ جہدہ طبیعی نسبی بر تصرف وقوع بولور . زمانزدہ آنونیم
شرکتلرک احراز ایتدیکی اہمیت نہ مرتبہدہ اولورسہ اولسون ینہ ہر سہ
ممالک متمدنہ نک ہر برندہ تشکل ایدہن تجارت شرکتلرینک قسم اعظمی
قوللہ قتیف وقوماندیت شرکتلردر . سرمایہ لرینی ایشلہ تمکلہ برابر بالذات
ایشدہ بولونمق ایستہ ینلر ، بر آدمک ویا برقاچ کیشینک رأس ادارہ سندہ
وتحت مسئولیتندہ بولونان امور ومعاملاتنہ بویوک سرمایہ لروضع ایلہ مکی
ارزوایدہ نلر طبیعی یوشکلری ترجیح ایدرلر . ذاتاً بولرک تشکل وتأسی
ایچین ایجاب ایدہن معاملاتک بالنسبہ اہمیتسز بردرجہدہ بولونماسی ، آنونیملرک
یقین زمانلرہ قدر وحی بوکون بیلہ دہا معضل ومشوش بر طاقم مراسم
وتکلیفات ایفاسنہ وابستہ اولماسی برنجیلرک دہا زیاده انتشار وتعممی
موجب اولمشدر .

اون دوقوزنجی عصرده بخار قوتنک کشف وصنایعہ تطبیقی ، ترقیات
علمیہ نک انسانیتک پیش استفادہ سنہ وضع ایلہدیکی بوقوۂ عظیمہ آنونیم
شرکتلرک بوکونکی حالہ کلہ سنی بالجبوریہ استلزام ایلہ مشدر نتایج اقتصادیہ
نقطۂ نظرندن اک قیمتدار اولان شرکتلرده بولرعد اولونمق اقتضا ایدر .
اولجہ برقاچ عملہ نک چالیشدینی آتہ لیلہ لرک یرینہ بوکون مدہش ماکنہ لہلہ
مساح فابریقالر قائم اولمش ، عادی ومتواضع پاترونلر لرینی متعدد

حصه دارانه مالک آنونیم شرکتلره ترکه مجبور اولمشلردر . بشریت بوسایهده طبیعتی کندیسنه بوتون بوتون مقاد ایده بيلمشدرد . بوتون وحاکمیتی ده زیاده آرتدیراجنی ده شپهده وارستهدر . اگر بو شرکتلر میلیونلوجه سرمایه لری جمع وتوحید ایتمه سیدی آلب داغلری آلتندن تونلار انشا ایتک ، بیکلرجه کیلومتر و طولنده دمیر یوللر یایمق ، قانالار کشاد ایتک ، خدمات بحریه ایچین یکریمی یکریمی بس میل قطع ایدنه جسیم واپورلر وجوده کتیرمک ، مؤسسات صرافیه ومالیه یی تاسیس وتشکیل ایلمک بونلرک هیچ بری ممکن اولامازدی . اگر بخارقوتی اشتراک قوتیه مترافق اولماسهیدی ، ایکنجیسی برنجینک یاردیمه کله سیدی ، بونونکی نتایج محیره حصول پذیر اولامازدی ! بونکی امور معظمه یی وجوده کتیره جک سرمایه لره برقاچ کیشینک مالک اولماسی محال اولدینی کبی بویه عظیم سرمایه لره مالک اولانلرده بوتون ثروتلری عینی برتشبک مهالکنه ومخاطراتنه معروض قیلمغه راضی اولامازلر . ایشه آنونیم شرکتلر بر طرفدن بخار والکتریک قوتنک بویوک و کوچوک شهرلرده حس اولونان صو ، غاز احتیاجاتنک ثمره طبیعیه سی اولدینی کبی دیگر طرفدن شوصوک ذکر ایتدی کمز سرمایه مسئله سنکده بویوک دخل وتاثری اولمشدر .

ثانیاً شوراسی تخطرایدیلیدر که استقبال اشخاص ایچین شرکتلردن پک فضله برعدم وضوح وقطعیت اراهه ایدر . شرکت اشخاصی تهدید ایدنه قضالردن ، تهلیکلردن وارستهدر . بر آنونیم شرکتنک حیاتی اعضاسنککنه مربوط دکلدر . اشخاص موفقیتی اوزون مدتله متوقف اولان ایشلره کیریشه مزکن شرکتلر افرادی دائماً تجدد ایتدیکی حالده اصلی دیکشمه یه نه هیئاتدن عبارت اولدیغندن تمادی خاصه سنه مالکدرلر .

ثالثاً وسائط نقلیه نك توسع حیرت بخشى ، اهویتی سرعتی سایه سنده شرکتلرک ساحه حرکتلری بردولتک حدودی داخلنده محصور قالمه یوب

بین الملل بر طبیعت و ماهیت اخذ و اکتساب ایله مکده در. آنونیم شرکتلر تولید ایتدکلری مناسبات تجاریه ، تعقیب ایتدکلری مقاصد ، تراکم ایتدیردکلری سرمایه لر سایه سنده برچوق مملکتلری دفعه در آغوش ایله به بیلیرلر. اکثریا عینی بر شرکت بر کشف جدیدی مختلف مملکتلرده نشر و تعمیم ، تصرفی مختلف مملکتلرده تشویق و تزید ایدیلور ! اگر آنونیم شرکتلر بو بین الملل اولق طبیعت و ماهیتدن محروم اولسه لردی زمانمزد نه قدر مملکتلر ایجاب ایدن تحولات اقتصادی بی اجرادن محروم قالا جقلر و بوندن نه درجه ده متضرر اولاجقلردی ! معلومدرکه هر مملکت امو معظمه بی وجوده کتیرمکه مساعد سرمایه لر مالک دکلدر. انکلاتره ، فرانسه و آلمانیا کبی بو یوک وزنکین ملتلر کندی احتیاجلری بالذات استیفا ایده بیلیرلر سده سائر مالکک اکثریسی بو حالده بولونمایور. مثال اولارق مملکتتمزی آلام . اگر اجنبی سرمایه لری بورایه کله سه یدی ، بوتون اجرا ات و تثبثات کندی سرمایه لریمزله ، کندی ثمرات تصرفزله وجود بولق لازم کله سه یدی دمیر یوللردن ، واپورلردن ، غازلردن ، صولردن پک چوق سنه لر و بلکه الی الابد محرومیته دوچار اولوردق . فقیر و غیر مدنی مملکتلرک هپسی بزمله عینی حالده بولندیگی کبی یکی تشکل ایدن مستعمره لرده ده فضلّه ، ده بو یوک نسبتده اولارق اجنبی سرمایه لرینه محتاجدرلر . اگر هندستان ، اوسترالیا ، آمه ریقای جنوبی حکومتلری اوروپاده تشکیل اولونان آنونیم شرکتلرک سرمایه لرینه مراجعت ایتمه سه لردی نه وسائط نقلیه لرینی وجوده کتیره بیلیرلر ، نه مملکتده ترقی ایده بیلهن صناعی تأسیس ایدرلر ، نه ده زراعتلرینه بر کرمی بخش ایده بیلیرلردی . بو صورتله تشکل ایدن شرکتلر افرادک تصرفتنک محصولی اولدینی کبی بونار یکی مملکتلرده تصرفی تشویق و تشجیع ایدرلر . حقیقه آنونیم شرکتلرک حصه سندات و تحویلاتی ممالک متمدنه تصرفاتک اک بو یوک مشوقی عد اولونمغه احراردر . اوللری کوچوک سرمایه لر مالک

اولانلر بوسرمایه لری ایچین بر محل وضع بولمقدن عاجز ایدیلر ؛ یابه بیلجه کلری اڭ بو یوک ایش بر قاچ قاریش عرصه صاتین آلمقدن اوراده یشایوب اونو ایشله تمکدن عبارت ایدی که بونی یامغه ده هر کس مقتدر اولامازدی . ثانیاً تصرف ایده نلرک مهم بر قسمی ده ثمره تصرفلری بالذات استعمال ایده مه یه جک آدملدن عبارتدی . اکر آنونیم شرکتلر ظهور و ترقی ایتمه سیدی بر جوق سرمایه لر مولد ثروت اولامایه جق ، عقیم بر حاله قالا جقدی . بونک نتیجه سی ده شبهه سز تصرفاتی تقلیه منجر اولاجقدی . حال بو که بوکون آنونیم شرکتلرک توسع و ترقی سی سایه سنده هر تصرف ایدن سرمایه سی ایچین نه قدر کوچوک بر مقدارده اولورسه اولسون بر محل وضع بولا بیلر و باخصوص بو محلی ایسته دیکی بر تشبثده ، ایسته دیکی بر مملکتده انتخاب ایدر . حصه سنداتیله تحویلاتک صورواشکال مختلفه سی کنیدیسی ایچین مه یادر . ذاتاً بوکون بو شرکتلر دوغرودن دوغرویه ارباب تصرفه مراجعت ایتکده اولدقلرندن کوچوک سرمایه دارلر ایچین نقل مکان ایتک ، آرامق زحمتی بیله یوقدر . پروسه قوسلر ، قومی وو آیاورلر کنیدیلری هر زمان زیارت ایدرلر . حتی زمانمزه بونلر اوقدر چوق آرتمشدر که ایچلرنده ایبارینی انتخاب ایتک بو یوک بر نفوذ نظره متوققدر . بر مملکتده بر تشبث صنایع ، تجاری و مالی یه کیریشیلنجه بو بایده هان عموم ممالک متمنده ده مفصل و مکمل اعلانلر نشر ایدیلر . آچقده سرمایه لری بولونانلر استقراضک ، اشتراکک شرائطی تدقیق و تحقیق ایدرک ثمره تصرفلری بوتشبه وضع ایدرلر . بونک ایچین ده تشبثک وقوع بولاجفی مملکته مراجعت ایتک مجبوریتی یوقدر . کنیدی مملکتلرنده ، یانی باشلرنده کی مؤسسات صرافیه و مالیه طلبلری قبوله مه یادرلر .

خلاصه آنونیم شرکتلر تشبثات جسمیه وجوده کله سنه واسطه اولارق ، مصارف نفلیه واستحصالیه عینی تنقیص ایده رک ، تصرفاتی تزید

ایله یهرك پك بويوك فوائد اقتصادیه تأمین ایله مشلردر . بوشركتلردن محروم اولان مملكتلرده - بزده اولدینی کبی - سرمایه لر غیر مقدر اللرده استعمالدن ساقط برحاله اویومقده ، مملکت بونلرک تولید ایده جکی ثروتلردن مع التأسف محروم قالمقده در . آنونیم شرکتر نظاماتی دهه سربسته ، قیوددن دهه آزاده بر حاله ارجاع ایده جک اولورسه ، پک کوچوک سرمایه لرك بيله شرکتره ادخالنه مساعده ای دیلیرسه بوموفقیات دهه یوکسک بر مرتبه یه اصعاد ایده جکدر . نته کیم نظاماتی پک سربسته اولان انکلتیره وآمریقاده تصرفات دهه زیاده تشجیع اولونمقده در .

آنونیم شرکتره تودیع اولونان بوسرمایه لر بالطبع مولد ثروت اولدقلى ایچین صاحباری حصه سندینه مالک ایسه لر منافعهده مشترک اولمقده ، تحویلاته مالک ایسه لر معین برقائض آلمقده درلر . لکن شرکتر هر زمان غنی تمتعانه مظهر اولامازلر ، هر زمان عینی مقدار قائض ویره مزلر . طبعی قائضک ، تمتعک زیاده اولدینی سنه لرده تصرفات دهه زیاده تشویق وتشجیع ای دیلیر ؛ قائضک تناقصی تصرفاته بر آخلل کتیر بر . بو حال آنونیم شرکترک تشکلاتنه و بناءً علیه مملکتک منافع اقتصادیه سنه مضر اولور . موسیو لوروآ بولیونک پک کوزل تصویر وتعریف ایتدیکی وجه ایله سرمایه لر هر زمان عینی درجهده مولد ثروت اولمازلر . بونلر ایچین « بر آلتون ، بر کوموش ، برده طونج دوزی » وارددر . شوصوک زمانلرده سرمایه لر طونج و بلکه باقیر دوره سنده بولونمقده درلر . بودوره یی ینه بر آلتون دوره سی حاله ارجاع ایده جک احوالده باشلیجه اوچه ارجاع اولونا بیلیر که بری محاربات ، بری سرمایه لرك ممالک جدیدیه نقل واجراچی ، دیگرى دهه کشفیات واختراعات مهمه جدیده در . [۱]

بونلردن برنجیسی حال حاضرده بشریتک باشنه مستولی اولان مصلئکک اک مهملر ننددر . یالکیز بر حرب ظهوری احتمالی ملتاری هر سنه میلیونلرجه

حتی میلیارلرجه مصارفه دوچار قيلمقده ، دولترلری محافظه صاح و آسایش ایچین بسله مکده اولدقلری اردولرک مصارفی اعمال ایتدیردکلی اسلحه ومهماتک بدلی اولان پاره لری ویرکی نامیله تبعه دن اخذ واستیفا ایله مکده هر سنه مملکتک استحصال تندن تفریق ایدیلن بومیلیونلر ، جسم یکونلر محو اولوب کیتمکده در . اکر بو ثروتلر مملکتده افرادک النده قالا جق اولسه بونلر یکی ثروتلر استحصالنه ، یکی تشبثلر وجوده کلمه سنه واسطه اولور . مع التأسف هنوز بشریت احوال حربدن مصون قالا جق مرتبه ده ترقی ایتمه مشدر . آرا ده صیراده مصروف اولان مساعی هنوز بوامیدی بخش ایدمه مشدر . فائضک تزیایدنی موجب اولاجق اولان بوسبی ، بو برنجی حالی هیچ مناقشه ایتک ایسته مه یز . چونکه بوسبب ترقی دکل ، بالعکس بر واسطه تدنی عد اولونور . بویله زمانلرده فائضک تزیایدی سرمایه لره فضله طلب وقوع بولماسندن ، تشبثات صناعیه وتجاریه نك تزیاندن ناشی دکل بالعکس سرمایه دارلره بر قور قاقلق عارض اولماسندن دولاییدر .

اصل اقتصادی سییلر دیکر لریدر ؛ حال حاضر ده اک زیاده بونلرک تأثیراتی محسوس اولمقده در . تشبثات عظیمه صناعیه نك وقوعی سرمایه لر ایچین دوره ترفعدرکه بوشمندوفر شبکه لرینک انشاسی ، بخارک قوه محرکه اولارق استعمالی زمانه مصادقدر .

۱۸۷۱ محاربه سندن سوکرا باشلا یان دوره تنزل ، کوچوک استنلاردن صرف نظر ایدیلیرسه ، حالا دوام ایتمکده در .

اختراعات و کشفیاتک نقطه منتهاسنه واصل اولونمادینی جهتله ایلریده صناعیه بویوک تحولات وقوعه کلمه سی ، یکی سرمایه لره عرض احتیاج ایدیله سی یک محتملدر . لکن کشفیات و اختراعاتک کافه سی عینی شدت وقوتی حائر اولمادیغدن ، مثلا بخار قوتنک تطبیقات عظیمه سی بازار معاملاتک جسم

سرمایه لر تقنی ایجاد ایتدیکی حالده ایکنجی درجه ده عداولونان فوطوغراف ، فونوغراف ، تله فون کی کشفیاتک بویله بر تأثیری کورولمه دیکندن سرمایه لره بویوک طلب و وقوع بولاجق دوره لرده طبیعی یکدیگری صیق صیق توالی ایتمز . ایشته بویله زمانلرده احتیاجلرندن فضله سرمایه مالک اولان ، داخلده منافع عمومییه متعلق امور و خصوصیات مهمه نک همان هپسینی وجوده کتیرمش بولونان مملکتار سرمایه لرینی ممالک اجنبیه ، یا اسکی بر مدنیته او یامش فقط صوکر ا حیات ماضیه سنی ضابط ایتمش اولان یرلره ، یاخود یکی تشکیل ایدیلهن و طو بر اغنک قوه انباتیه سی جهتیله عصر حاضرک بوتون وسائط مکمله اقتصادیه سنه محتاج بولونان مستعمره لره کوندیرلر . بو یرلردن وقوع بولان فضله طلب سرمایه لره بخش اولونان کارک ، استفاده نک ترایدینی موجب اولور . اکر سرمایه لر ایچین بو یکی مخرجار ظهور ایتسه بونلرک قیمتلرینک ممالک مستحصله ده دها زیاده ندنی ایده جکی ، فائضک دها فضله بر تنزله اوغرایاجنی پک طبعیدر . مملکتده سرمایه استعمال ایدیله جک محللرک فقدانندن نشأت ایدهن بوتنزل فائضک ایسه بر منفعت عد اولونامایه جنفی وارسته ایضا حدر . ایشته یا ممالک متدنیه ده ، یاخود مدنیته قارشی یکی آچیلان مملکتلرده انشآت و تشبثاتده بولونمق اوزره تشکل ایدن آنونیم شرکتلری فائضک ترایدی ، ارباب تصرفک تمعدار اولماسی یولنده بر فائده اقتصادی تولید ایلکده درلر . بو فائده ظن اولوندیقندن دها مهمدر . یکی ثروتلرک وجوده کلمه سندن صرف نظر ، اکر سرمایه لر ایچین بویله حیات دوره لری یاخود یوقاریده کی تعبیر وجه ایله آلتون دوره لری موجود اولماسه سرمایه دارلره ، ارباب تصرفه بر رخاوت عارض اولماسی ، بونک نتیجه سی اولارقده تصرفانه بر بطاقت کلمه سی ، ثمرات مساعینک مولد ثروت اولمایاجق استهلاکاتده قوللانیلماسی نتایجی وقوع بولور .

بوکامافع اولان، بربرلرینی هیچ طانیایان، اسکی قطعه لرله عالم مدینته یکی کشاده اولان یرلر آراسنده اجرای مبادلات ایدرک یکی ثروتلر وجوده کتیره آنونیم شرکتلر ترقیات مدینه سنک ارکانندن، اون دو قوزنجی عصرده تزیاید استحصالاتک مهم وسائطندن عداولو نمغه و بوتون مقتصدلر طرفندن نظر حرمتله باقیلمغه احرادر.

آنونیم شرکتلر سرمایه دار مملکتلر ایچین بو منفعت اقتصادی یاننده برده منفعت سیاسیة تأمین ایلرلر. علم اقتصادده مفصلاً بیان ایدلدیکی وجه ایله سرمایه لری اخراج ایدن مملکتلر بوسایه ده بویوک بر نفوذ و تأثیرده احرار ایلرلر. سرمایه لرک اخراجی فضلّه نفوسک اورایه اعزامی بوده لسانک، اخلاق و عاداتک انتشار و تعمینی انتاج ایلرکه بونلر بر مملکت ایچین اک بویوک منافع و فوائددن معدوددر. انکلتزه طرفندن آمریقای جنوبیده اشغال ایدیلن و نهایت شو مشوم محاربه یی انتاج ایله بن موقع مهم هپ اوراده وجوده کتیریلن انکلیز معدن شرکتلرینک نتیجه سی دکلیدر؟ ممالک اجنبیه ده هر هانکی بر صنعت و تجارتی تأسیس ایده جک، منافع عمومییه متعلق بر تشبته کیره جک شرکت هانکی ماله منسوب ایسه او مملکت ایچین بویوک بر مشتری اولور. کندیسنه لازم اولان موادی کاملاً اورادن جلب ایدرک بو صورتله مملکتینک تجارت خارجیه سنی تزییده خدمت ایدر. منفعت یالکیز بونکله قالماز. اورادن مهندسلر، اوسته باشیلره حتی بعضاً عمله لرده جاب ایدرک ارباب مساعینک بوصنوف مختلفه سی ایچین یکی مخرجلر کشاد ایدر.

فقط مع التأسف سرمایه لرک اخراج وادخالنه قارشى زبان شکایتی اوزاتانلرده اکسک دکلدر. بو قدر منافع تأمین ایدن شرکتلرک بو حرکتلرینی حمیت و طنبیه مغایر عدایده نلر هر زمان ایشیدیلرور. بر قسم خلق واردرکه سرمایه لرک شو صورتله مملکتدن اخراجی فائضک تزیایدی

ایچین بر سبب و بناء علیه مملکت ایچین بر مضرت کیی تلقی ایدیورلر.
 بونلرک ذهنلرینک محاکمه ده نه قدر یا کیلیدیغنی اثبات ایتمک ایچین چوق
 اوغراشمغه لزوم یوقدر . یوقاریدن بری ویردیکمز تفصیلاتی نخطرایتمک
 کفایت ایدر . اولاسرمایه لرک اخراجیدر که مملکتی یکی سرمایهلر وجوده
 کتیرمکه تشویق و تشجیع ایدیور . ثانیاً بواخراج ایدیلهن سرمایهلر مملکتده
 بر محل استعمال بولامادقلری ایچین اخراج اولوندقلری جهته داخلده قالمش
 اولسه لردی عقیم بر حالد قالاقلرندن مملکت هیچ بر صورتله متمتع
 اولمایه جقدی . حال بوکه شیمدی تمعندن ، فائضندن مستفید اولیور . وهرسنه
 فرانسه ، انکلتزه کیی ممالک سائردهن تشبثات صناعیه ، مالیه و تجاریه
 وضع ایله دکاری سرمایهلر دولایسیله میلیونلرجه لیرا آلاجلی اولان
 مملکتلر ادخالاتلرینک اخراجاتلرندن فضله سنک بدلنی بونلرله اوده مکده ،
 کندیلری ایچین بو یوزدن هیچ بر کونا مشکلات تولد ایله مه مکده در .
 ثالثاً ممالک اجنیه یه اقراض اولونان سرمایهلر مؤبدلاً محو اولمایور .
 آمورتیسمان طریقیله بونلر کاملاً تسویه ایدلیدکن باشقا مبالغ مقرضه
 تحویل شکلنده اولمایوبده حصه سنداتی شکلنده ایسه شرکتلرک ختام
 مدتلرنده موجوددنه آیریمجه بر حصه یه مستحق اولویور . بوتون بونلری
 بیش تفکره آلمایوب ساخته بر ملیت حسیله سرمایهلرک هجرتی عامینده
 بولونمق پک محدود بر نظره دلالت ایدر .

بو شکایتلر سرمایهلری اخراج ایدن مملکتلرده ایشیدیلدیکی کیی
 سرمایهلری ادخال ایله یین مملکتلرده ده دیولویور . بو شکایتلرده غینی
 برستره حیت آلتده کیزله نییور . بونلر کویا اجنبی سرمایهلرله تشکل
 ایدن اجنبی شرکتلرک مملکتک ثروت ملیه سنی احصا و افایده جکنی
 سویله یورلر . روسیه ده ناسیونالیستلر مملکتلری داخلنده هر کون تشکل
 ایتمکده اولان بیکی یکی شرکتلری کوره رک بوکامانعت ایتمک ایسته مشلر ، فقط
 موسقووا بورسہ سی قومیتہ سی روسیه صنایعی نامنه بو اعتراضاتنه مخالفت

ایله دیگر ولایات بورسہلری قومیتہلری ده عینی طریق تعقیب ایتشلرذر .
بومستلہیه دائر تان غزتہسنه یازیلان برمقالهده دینیلورکه :

« اکر روسیهده دها زیاده برسرستی موجود اولسهیدی اجنبی سرمایهلرینک هجومه ممانعت ایتک ایستهیهنلر طرفدن بیوک بر مبارزه قایسی آچیلاجقدی . » اجنبی سرمایهلرینک داخلده تولید ایتدیکی منافع عظیمهیی - استحصالاتک تزیادی ، ثروت ملیهسنک آرتاسی ، واردات خزینهنک ترقیسی ، رفاهیتک انتشاری ، یوزلرجه ، بیکلرجه عملهنک اشتغالی ، سفالتک تناقصی - کورمیوبده فریاد ایتک حقیقه شایان تعجبدر .
بو فریادلرک شرکتلرک تشکلنک کندی منافع مشروعهلرینه ، اجرا ایدہ جکلری رقابت تأثیریه ، ایراث مضار ایدہ جکنی دوشونن بر قاج یرلی اصحاب املاک وسرمایهنک تأثیریه وقوع بولدیغنده شهبه یوقدر .
هرشیدن اول دوشونوله جک اولان مملکتک منافع عمومیه سیدرکه اوده یوشرکتلر واسطه سیله تأمین ایدیلکده در .

آنونیم شرکتلرک تولید ایتدکلری شو منافع دریش ایدلیدیکی وقت بورسہلرک تأثیراتی نظر دقتدن دور طوتولمالیدر . اکر اسهام وتحويلات تجارتی سرست اولماسهیدی ، عرض وطلب ایدہ نلرک بربرلرینه قولایجه راست کله جکلری مؤسسہلر وجوده کتیریلسهیدی شهبه سز آنونیم شرکتلر بوکونکی درجه توسعی بولامازلردی . نتایج مستحصله مبنای اقتصادینک کافہ اقسامنده وقوع بولان ترقیات مترافقه نک محصولیدر . حقیقه اسهام وتحويلات ایچین کشاده وواسع بازارلر موجود اولماسی ده بر حصه سندینه وتحويله مالک اولان کیمسه نک سرمایه سی غیر منقول بر حاله کله یوب هرایسته نیلیدیکی آنده نقدہ تحویل ایدیلہ بیلمه سی سنداته کوستریلن رغبتک بویوک برسبی وآنونیم شرکتلرک تزیادینک باشلی بر واسطه سیدر .
معلومدرکه آنونیم شرکتلرک طولادقلری سرمایه لر همان اکثریتله

غیر منقول بر حاله کثیر لیر : ریختملر ، قانالمر ، دمیر یوللر ، واغونلر ، بورولر . اکر بورسلر اولماسه یدی سرمایه دارلرک اللرندن چیقان سرمایه لر آتیجاق شرکتک قبول ایتدیکی آمورتیسمان اصولی وجه ایله معین بر مدت صوکر ااعده ایدیه بیلجهکدی ، هر سرمایه دار محتاج اولدینی آنده سرمایه سنی استرداد ایتک اقتدارندن محروم قالا جقدی . حال بوکه بر چوق کیمسه لر بو کون محتاج اولدقلری سرمایه لرینه یارین محتاج اولابیلر لر . یا کندیلر نجدها امین کورولن برایش ظهور ایدر ، یا خود خصوصی بر احتیاج عائله بوسر مایه نك الله ایدیه رك استهلا کاتده قوللانیلماسنی ایجاب ایلر . ایشته غیر منقول بر سرمایه نك منقول بر شکله افراغندن عبارت اولان حصه سنداتی و تحویلات بو وظیفه یی ایفا ایلر ، بورسه ده بوکا توسط ایدر .

بونک ایچیندرکه بر بورسه یه رسماً قبول اولونمش اولان سنداتک رواجی زیاده ، بر چوق مملکتلرک بورسه لرینه کیره بیلمش و بوجهته « بین الملل » بر حاله کلش اولان سنداتک ، سورومی ده دها فضله در . بورسه لر دن منتظر اولان فوائدک تمامی حصولی ایچین بونلرک حر اولملری ایجاب ایدر . تنسیقاتلری اهلینک احتیاج لرینه کوره اولملی ، داخلر نده اجرا ایدیلن هر دورلو معاملاتیه قانون و حکام فنا بر نظرله باقمالی ، رقابت قاعده عظیمه سی ابطال ایدیه مه لیدر . بویه اولدینی حالده بومؤسسه لر مملکت ایچین هر زمان تولید منافع ایدر لر .

حکومتلر کرک بورسه معاملاتنه ، کرک بورسه لر ده اخذ و فروخت ایدیلن اسهام و تحویلات ملیه واجبیه اوزرینه آغیر ویرکیلر طرح ایله مکدن اجتناب ایتمه لیدر لر . زیرا بوکیکی تکالیف بر مملکتک بورسه سنک اهمیت مالیه و صرافیه سنی تنقیص ایتدکدن باشقا شرکتلرک تشکله ده بر سوء تأثیر ایقاع ایله مکدن خالی قالماز .

بوجهتلر معلوم اولدقندن صوکر ا اهالی طرفندن صوکر زمانلر ده آنونیم شرکتلره کوستریلن رغبتک سینی تدقیق ایده لم :

اسهام و تحویلات صناعیه و تجاریه نك خلق آراسنده انتشار و تعممنه سبب اولانلر حکومتلر در. بو کون حتی ممالک متمدنه ده بینه کورولمکده اولدینی اوزره کوبولور، شهرلردن اوزاق یرلرده یشانلر شرکت صناعیه و تجاریه حقنده بویوک برامیت بسله مزلر. اوللری دها زیاده برشدت و کثافتله مشهود اولان بوحسک بعض یرلرده ابطالنه بعض یرلرده تحقیقنه حکومتلر سبب اولمشدر ذنبیله بیلیر. فی الحقیقه هر مملکتده هر کسک اظهار امنیت ایده جک بر شخص یکانه وارسه اوده حکومتدر. ایشته حکومتلرک عقد ایتدکلری استقراضلره مقابل مقرضلره ویردکلری سندات بونلری بوقیم منقولیه آلیشدیرمش، حکومت اسهامندن شهرلر اسهامنه، بونلردن ده شمندوفر قومانیلرینککنه وسائر شرکت صناعیه و تجاریه نککنه کچمشلردر. اوروپاده حکومتلر آنونیم شرکتلرک احراز اعتبار ایتهلرینه سبب اولمشلرواهالی ده بوسایه ده ثمره تصرفلرینی ادخار ایتمکدن قورتولوب بونی بر معتبر امضایی حاوی بر کاغد مقابلنده اعطایه مألوف اولمشدر. فرانسه یه عائد اولان آتیده کی ایستاتستیک حکومتک سنین مختلفه ظرفنده. عقد ایتدیکی استقراضلره بولدینی مشتریلرک مقدارینی کوستریور. ایکی تاریخ آراسنده کی فرق مألوفیتک نه درجه ده اولدیغی عیاناً ارانه ایدر.

۱۸۵۴ ده عقد اولونان ۲۵۰ میلیونق استقراضه ۹۹۲۲۴ کیشی. اشتراک ایتدیکی حالده ۱۸۵۵ دم موقع تداوله چیقاریلان ۵۰۰ میلیونق استقراضه ۱۸۵۵، ۱۸۰۴۸۰ نهایتنده چیقاریلان ۷۶۰ میلیونق استقراضه ۳۱۶۹۷۶، ۱۸۵۹ استقراضه ۶۹۰۲۳۰، ۶۳ استقراضه ۵۴۱۹۹۳، ۶۸ استقراضه ۷۹۸، ۸۳۲، ۱۸۷۲ ده عقد اولونان ۳ میلیارلق استقراضه ده. ۹۳۴۲۷۶ کیشی اشتراک ایلهمشدر. بوترقی شرکت صناعیه و تجاریه حصه سندات ی حقنده ده، دهآ آز برنستبد، ینه عینی صورتده وقوع بولمشدر. اکر المزده مختلف بویوک شرکتلرک مختلف تاریخلرده عقد ایتدکلری. استقراضاتک استاتستیکلری موجود اولسه یدی بونلری ده کوستره بیلیرک.

مع مانیه شو ویردیکمز تفصیلات مطلقاً اهالی به حس تصرف القا ایتک
اسهام و تحویلاته محبت بخش ایله مک اوزره عقد استقراض لزومه دائر
بر ظن تولید ایتمه ملیدر. کذلک حکومتلر نه قدر حقوق استقراض عقد
ایدر لر سه مملکتده حس تصرفک اوقدر تر اید ایده چکی ده ظن اولونما ملیدر.
حکومتلرک ایفا ایتدکلی حسن تأثیر ماضی به عائد اولوب حاله شمولی
یوقدر. شیمدی مدنی مملکتلرده آرتیق یول آچیلمشدر، حکومتلرک
رهبر لکده دوام ایتمه لری لزومی زائل اولمشدر. خاطره طوتولاجق جهت
آنونیم شرکتلرک رغبت حاضر دلری حکومتلرک ایلک تشبثات استقراضیه لری
سایه سنده قازانمش اولمالریدر. اهالی یرلی شرکتلرک آقسو نلرینه و تحویلاتنه
آلشدقدن صوکر ا ممالک اجنبیه ده متشکل شرکاتک سنداتنه ده روی قبول
کوسترمکه باشلامش و بوکون بین الملل نامی آلان اسهام و تحویلات هریره
دخول ایده بیلمشدر.

آنونیم شرکتلر زمانمزده شرائط اقراض و استقراضی ده کلیاً تبدیل
ایتمشلدرد. اوللری مقرض زنکین مستقرض فقیر ایکن بوکون حال بر عکسدر.
کیفیت اقراض زنکینلردن فقیرلره کچمشدر. فی الحقیقه بر آنونیم شرکتک
موقع تداوله اخراج ایتدیکی حصه سنداتنه و تحویلاته جمعیتک اک عادی،
اک فقیر صنوفنده بولونانلرده مشتری اولویورکه بونلرک بو معامله سی برقرض
معامله سندن باشقاشی دکلدر. کرک زراعتلرندن، کرک اجرتلرندن آرتدیر.
دقلری بیش اون پاره یی بر فائض، بر تمتع مقابله ده ویره رک استحصالاته
بو صورتلده اشتراک ایدیورلر. سوسیالیستلرک «سوسیته قایتالیستیک» دیه
توصیف ایتدکلی عصر حاضرک بو بویوک سرمایه لره مالک شرکتلری هپ
کوچوک، پک کوچوک ایرماقلرک، سیلارک انضمامیه حصوله لکده در. بوکون
هر عمه بر سرمدار اولایلیر، اوروپانک اک هجرا برکوبنده ساکن بر آدم
دنیا ناک اک بعید نقطه سنده اجرا ایدیلن اک نافع بر تشبثه علاقه دار
اولوق امکان و اقتدار یی حازدر. یالکنزونک ایچین عمله لرک کرک حقیقی،

کړك ساخته برطاقم مقاصد آرقاسنده قوشان نظریه پردازلړك اثرینه اتباع و اقتفا ایتیه یړك سلامت وسعادی تصرفده آرمالری و ثمرات تصرفلریخی بو یولده استعمال ایتهلری اقتضا ایدر. جمعیات حاضره نك اك نافع ، اك محیر كورولهن تشبثاتی داغنیق، بسیط سرمایه لړك اجتماع واتحادی محصولی اولدیغنی آكلامق ایچین چوق بو یوك بر نفوذ نظر صاحبی اولمغه لزوم یوقدر. بوجهت سوسیالیستلړك اعتراضلریخی جلب ایده جك یرده بالعكس اولنری ممنون ایتك لازمدر. جمعیتك صنوف مختلفه سی آراسنده بو صورتله غایت قوی بر طاقم رابطه لر وجود بولمغه اولدیغندن بوندن دولای اصول حاضرینی آلفی شلامق اقتضا ایدر .

داخلده کی صنوف مختلفه یی یکدیگرینه ده قویم براساسله باغلايان بوشرکتلر ممالك مختلفه آراسنده بر رابطه متینه وجوده کتیردیکندن صلح و مسالمت طرفدارلرینك ده جلب حرمت و تعظیمنه مستحقدر . فی الحقیقه شرکتلر دولایسه اوقدر قوی بر اشتراك منافع وجوده کلمشدر که بر مملکتک سعادت و بد بختی دیگرلریخی ده مسعود و بد بخت ایده جك بر قوتی حائر بولونویور. ممالك متمدنه دن برینك تبعه نك ممالك سائرده بالذات وجوده کتیردکلری تشبثات یا خود دیگر دولتلر طرفندن وجوده کتیریلهن تشبثاته اشتراك صورتیه وضع ایتدکلری سرمایه لړك مقداری تدقیق ایدیله جك اولسه بواشتراكك، ومدت منافعت نه درجه ده اولدیغنی آكلاشیلیر . بوندن دولاییدر که بر مملکتده انحطاط ایدهن بر تشبث دیگر بر چوق مملکتلرده بر چوق کوچوك بو یوك سرمایه دارلری اندیشناك ایتمکده در. اکر بو حال ده زیاده تراید و توسع ایده جك اولورسه صلح و مسالمت عمومی ده قوی برطاقم سیبلرله تأمین اولونا جقدر .

فرانسه خارجیه نظارتی طرفندن کچنده ممالك اجنبیه ده بولونان عموم قونسلسلره کوندریلهن بر تحریرات عمومی ده مأمور اولدقلری دائره داخلده فرانسلر طرفندن یا خود فرانسلرک سرمایه ویا اشتراکیله وجوده

کثیریلین تشبثات حقده ، یعنی ممالک اجنبیه ده موجود عموم فرانسر
 سرمایه لینه دائر معلومات ایسته نمشدی . قونسولوسلر بوبابده دسترس
 اولدقلری معلوماتی نظارت متبوعه لینه کوندرمشلر ومعلومات مذکورده دن
 استخراج ایدیلین ایستاتستیقی محتوی راپور فرانسه نك رسمی غزته سیاه
 نشر اولونمشد . بو راپوره نظرأ فرانسزلرك ممالک اجنبیه ده کی بالعموم
 ثروتلری (بونده تشبثات شخصییه وحکومات استقراضاتی ده داخلدر)
 ۲۹ میلیارد ۸۵۵ میلیون فرانقدن عبارتدر . موسیو پوللور وآبوابوده
 «اقوام جدیدده استعمار» عنوانلی اثر معظمنك دردنجبی طبعی تاریخی اولان
 ۱۸۹۰ سنه سنده فرانسزلرك ممالک اجنبیه یه وضع ایتدکلری سرمایه لرك
 مقداری ۲۸ - ۳۰ میلیارد ، بوسرمایه لرك کتیردیکی فائزده ۱،۳۰۰ -
 ۱،۴۰۰ میلیارد راده سنده تخمین ایدیوردی . اثر مذکورك بشنجی طبعی
 تاریخی اولان ۱۹۰۲ سنه سنده ده شویله دیور :

« ۱۸۹۰ سنه سندن بری فرانسه نك ممالک اجنبیه ده کی وضع ایتدیکی
 سرمایه لرك مقداری چوغلش ؛ ۳۳ ، ۳۴ میلیارد بالغ اولمشدرکه بونك
 ایراد سنویسی ۱ ، ۵ میایار راده سنده تخمین اولونابیلیر . »

مع مافیه بوارقام برحقیقت مطلقه یی حائر کیی تاقی ایدیله من . برده
 بو یکونده حکومتلرك عقد ایتدکلری استقراضلره وضع اولونان سرمایه لر
 داخل اولدیفی کی تشبثات شخصییه تجاریه ، صناعیه وزراعیه ده داخلدر .
 بناءً علیه صرف آنونیم شرکتلر حصه سنداتیله تحویلاتندن عبارت اولان
 مقداری افزاز ایدمه ین سرمایه نك قسم اعظمی حکومت استقراضلریله
 شمندوفرلره ، معدنلره ، قاناللره موضوعدر .

بوراپوردن آکلاشیلاجنی وجه ایله برملکتک سرمایه لری یالکز نقیر
 اولان مملکتلره کیتمز . وضع کیفیتی زنکین مملکتلر آراسنده ده وقوع
 بولور . نیتیه کیم فرانسه نك انکلترده ده ، بلجیقاده موضوع کلی سرمایه سی
 واردر . بونقطة نظردن برنجیلکی روسیه ، اسپانیا ؛ ایکنجی درجه یی

انگلتره، آوستریا، دولت علیه، بلجیقا، رومانیاشغال ایدیور.
 آفریقاده مصر و ترانسوال، آسیاده چین و آناتولی؛ آمریقاده حکومت
 متحده، مکسیقا و آرژانتین فرانسه سرمایه‌لری‌ک زیاده جلب‌ایدن یرلردر.
 انگلتره احصایون مشهوره‌سندن سیر روبرت ژیفه‌نده اون بش‌سنه
 اول بویولده برتدقیق اجرا ایدرک انگلیز لک ممالک اجنیهده شرکت
 تجاریه و مالی‌دهه الی میلیارلق حصه‌سنداتی و تحویلاتنه مالک اولدقلری
 واک آشاغی یوزده درتدن سنوی ۲ میلیار ایراد آلدقلری تخمین‌ایله‌مشدی.
 موسیو نهیمارقک اسهام و تحویلاتدن عبارت ثروتک تخمین جدیدی
 عنوانی اثری فرانسه‌نک بعض مملکتلرک صرف تشبثات صنایعه و تجاریه‌سنه
 وضع ایتدیکی سرمایه‌لرک مقداری حقنده بر آرز زیاده تفصیلاتی محتویدر:
 اسپانیاده ایشلدیلکده اولان ۹۰۰۰ کیلومترو طولنده شمندوفرک
 - که مختلف قومانیالره عائددر - پارس بورسه‌سی رسمی قوتنده درت
 میلیون عدد تحویلاتی، بر میلیون عدد حصه‌سندی موجوددرکه بونلرک
 قیمتی ۲ میلیاردن زیاده‌ذر! پورتکیز شمندوفرلری‌ده اکثریتله فرانسه
 سرمایه‌لریله انشا ایدیلشدر. فرانسلر النده اوستریانک ۴۰۸۰ میلیون
 فلورینتلك تحویلاتی ۱۶۳ میلیونلق حصه‌سنداتی، بونلردن باشقا ۶۰۰
 میلیونلق‌ده حکومت استقراض‌سنداتی وارددر. ممالک‌سأرده - ایتالیا‌ده،
 روسیه‌ده - فرانسه سرمایه‌لرینک اکثریتی حکومت استقراضاتنه
 موضوعدر. فرانسه‌نک ترکیه‌ده شمندوفرلرده، تنویرات قومانیالرنده،
 عثمانلی بانقاسنده جسیم سرمایه‌لری وارددر.

ینه موسیو لورو آبولیونک‌نه قونومبست فرانسه غزته‌سندنه شرایتدیکی
 بر مقاله‌یه نظراً فرانسلرک النده بر میلیار ایکی یوز، بر میلیار بش یوز
 میلیون فراتق قیمتده معدن قومانیالری حصه‌سنداتی بولونویور. آلتون،
 الماس، باقیر معدنلری ابتدا انگلتره‌نک انظار دقتی جلب‌ایتشدر. انگلیزلر
 مالک اولدقلری فکر تشبث، تشبثات بعیده ایچین بسله‌دکلری ذوق

مخصوص سایه‌سندده بوفعالیت معدنیه‌نک الک بویوک عمله‌لری اولمش‌لر ، همان بوتون معدنلری الدہ ایتشلردر . بونلرک کرک اداره مالیه‌لری ، کرک اداره صنایه‌لری کاملاً انکلیزلرک النده‌در . مع مافیه ممالک سائرده بوجریانک خارجنده قالمایه‌رق اولرده بر چوق سرمایه‌لر وضع ایله اشتراک ایتشلردر .

آلمانلر کلنجہ ۱۸۹۲ سنه‌سندہ‌الرنده - برلین بورسه‌سندہ مقید - ۱۳ میایارلق اجنبی حصہ سندات و تحویلاتی موجود ایدی که بونک بش میلیاری شمندوفر قومانیایلیہ شرکت صنایه سنداتندن عبارتدی . آلمانلر ترکیه‌ده روم‌ایلی ، آناطولی شمندوفرلرینک ، و نه‌زوئلا و بره‌زیلیا دمیر یوللرینک انشا آتته اشتراک ایتشلردر؛ آفریقای جنوبی شمندوفرلری حصہ سنداتنک قسم اعظمی‌ده‌الرنده‌در .

بو اوچ دولته هولاندا ، اسویچره و بلجیقانی‌ده ادخال ایدرسه‌ک سرمایه اخراج ایدن مملکتلرک یکونته دسترس اولمش اولورز .

ایشته‌سرمایه‌لرک بویکفیت اخراجی سایه‌سندده دولتلر یکدیگرینه‌قارشی عادتاً بررقوماندیته‌ر اولیورلر . حتی اکثریا وجوده‌کله‌جک ایشی‌تصور ، تعهد ، اجرا و اداره ایدن بیله قوماندیته‌ر مملکت اولدینی جهتله آراده حصوله‌کله‌ن مناسبت برقوماندیته‌رلکدن ده‌افضله‌عد ایدیلمک لازمدر . بوندن دولاییدرکه دولتلر دائماً یکدیگریله حسن معاشرتده بولمغه‌غیرت ایتهلیدرلر . آرالرنده‌کی صیقی مناسبات تجاریه و مالیه‌کندی تبعه‌لرینک وقایه منافی مقصدیله ائتلافی تسهیل ایتهلر ، ظهور ایدن مشکلات و اختلافاتک‌ده محبانه حلی چاره‌لری تحری اولونمالیدر . زیرا امور تجاریه صنایه و مالیه‌نک شوخال حاضرنده ایکی مملکت آراسنده ظهور ایده‌جک بر محاربه بوتون کائنات متمدنیه‌ده مدہش ضربات اضرار ایندیرر . بوندن امتناع واجتناب ایتک هر حکومتہ مترتب بروظیفه‌در .

آنونیم شرکتلرک بر ملاکتک صنوف مختلفه سیله ممالک مختلفه آراسنده تولید ایتدیکی شو روابطی تفصیل ایتدکن صوکر ا دیکر بر نتیجه اقتصادیه لرندن ده بحث ایتک لازم کلیورکه اوده تقسیم اعمالک توسیعنه وقوع بولان خدمتلیدر :

علم اقتصادده تفصیل ایدیلدیکی وجه ایله تقسیم اعمالک عملیاتده اک مکمل عد ایدیه جک بر نقطه یه وصولی آنجاق سرمایه لرک مبدولیت و تجمعی سایه سنده استحصال اولوناییلر . بخار قوتک صنایعده استعمالی جسم ماکنه لره ، یوزلرجه بیکلرجه عملهنک بر برده اجتماعنه بادی اولمشدر . بو ماکنه لر ، بو عمله لر ایچین واسع بنالر ، کنیش عرصه لره ، کلیتی مهماته ، مواد ابتدائیه احتیاج واردر . بناءً علیه بونلرک هپسی مبدول اولمالیدرکه تقسیم اعمال حال حاضرده کی معلومات علمیه نک ایجاب ایتدیکی درجه مکملیه اصل اولاییلسین . بو آلات و ادوات و انشآت ایسه سرمایه لرله وجوده کله جکندن ، بو سرمایه لرده اکثریتله تجمع و تمرکز ایله حاصل اولاجقندن ، سرمایه لرک تجمع و تمرکزینک باشلیجه وسائطندن بری ایسه اشتراک اولدیقندن هر مملکتده تقسیم اعمالک فکر اشتراک ایله متناسب اولغه تماییل واردر . یعنی بر مملکتده جسم شرکتلر تشکلی ، بویوک سرمایه لرک بریره طویلانماسی نه قدر سهل اولورسه اوراده تقسیم اعمالده اوقدر یوکسک بر درجه یه واریر . بو مملکتک یالکز بوجهدن وقوع بولاجق استفاده سی تقسیم اعمال حادثه مهمه اقتصادیه سنک تأمین ایله دیکی کافه منافعدرکه بونلری بوراده اوزون اوزادییه تعریف و تفصیله لزوم یوقدر . بوندن کرک سرمایه دارلر ، کرک عمله لر ، کرک مسهلکلر استفاده ایدر . بونلرک نتیجه سی ده بوتون ممالکتک استفاده سی ، آزمانده چوقایش کورولمه سی ، استحصالاتک و تجارتک آرتماسی ، رفاهیتک ، کارک ، تصرفک تراید ایتمه سیدر . [۱]

كذلك الكجسيم ، الكمكمل ماكنه لك استعمالي ده تقسيم اعمال كبي
بويوك سرمايه لك تمر كزينه متوقف اولديغدن اشتراك بونتيجه يي ده حصوله
كتيرير .

رقابتك بوسايه ده ترايدي ده بونك نتيجه سي اولارق اشيانك فيئات
استحصاليه وببيعه سنك تناقضي ، عمله اجور اتنك آرتماسني وبرده كشيئات
علميه نك آنجاك بوسايه ده تطبيق ونشر وتعميم ايديله بيلديكني ده سويلر سهك
آنونيم شركتلك فوائد اقتصاديه سني هان تماماً ادا ايتمش اولورز .

فقط مع التأسف مؤسسات بشريه نك هيچ بري نفايصدن عاري
اولماديني جهته آنونيم شركتلي ده بوتون بوتون سالم محاذير عد ايله مكدن
اجتناب ايمه ايدر . يالكز بو محذورلر فوائد مستحصليه نسبتله پك جزئي دركه
بوجهت آنونيم شركتلك توسعي ارزو ايله مك ايچين باشليجه برسبب
تشكيل ايدر .

آنونيم شركتله قارشى وقوع بولان اعتراضاتك برنجيسى منفعت
شخصيه نك ، مساعي فرديه نك فقدانيدر . في الحقيقه يوقا ريده سويله ديكمز
وجه ايله منفعت شخصيه معاملات اقتصاديه بشريه ده يكانه سائق عد
اولوناييلير . آنونيم شركتله ايسه سرمايه دارلر يعنى برتشبه سرمايه لري
وضع ايدنه نلر ايشك صورت اداره سنه اشتراك ايتزلر ، بوني كندى
طرفلرندن مأمور كيمسه لره ترك وتوديع ايلرلر « بو آدملر ايسه عاداتا
بر دولت مأمورى كبي اولوب آي باشى آيلقلريني آلمقدن باشقه برشى
دوشونمزلر ، شركتك انحطاط وتدنيسي اسبابنك منعه چالشمازلر . »
دينيليور . بو اعتراض بر اساس حقيقي غير محتوي دكسه ده بوني افراط
واعظام ايمه مك لازمدر . اولاكتر آنونيم شركتله آدمنيستراتورلك
شركتك برچوق حصه سنداته مالك اولماسي مشروطدر كه سرمايه لرينك
بوصورتله تحت تهلكه ده بولونماسي كنديلريني سعيه ، امور شركتي

ترقی ایتدیرمکه چالیشمغه تشویق ایدر. برده نه بونلر، نه دیرکتورلر لاینگزل اولمادقلری جهتله کندیلرینه تودیع اولنان ایشده ابراز موفقیات ایتمکه غیرت ایدرلر. بو بویله اولقله برابرینه برچوق آنونیم شرکتلرک آدمینستراتورلرینک دیرکتورلرینک ناموس و وجدانه غیر مالک آدملر اولماسی حسیله محو اولدقلری کورلمشدر. لکن اوتده بونلرک یاننده ینه بو آدملرک وظیفه لرینه مطیع وغیر اولملرندن، امور شرکتی کندی امور شخصیه لری کبی تلقی ایتملرندن ناشی پک بویوک ترقیاته مظهر اولمش شرکتلرده واردرکه برنجیلر ایکنجیلری اونوتدر ماملیدر. آدمینستراتورلرله دیرکتورلر کندیلرینه تودیع اولنان اموردن دولای قانوناً مسؤل اولدقلرندن بناء علیه حیه و خدعه طریقه سالک اولدقلری تقدیرده دوچار مجازات اولورلر. خلاصه برطرفدن آدمینستراتورلرک شرکتک موفقیتدن ماده حصه دار اولمالری، برطرفدن مسؤلیت قانونیه لری، برطرفندن شرکتلرک بونلرک انتخابنده کمال دقت و احتیاط ایله داورانمالری منفعت شخصیه حسنک فقدان دولایسیله تصور ایدیله بیلن عدم دقت و اعتنا محذوری تماماً دکلسده بویوک بر نسبتده رفع ایده بیلیر.

آنونیم شرکتلره وقوع بولان ایکنجی بر اعتراض بو شرکتلرک برچوق سوء استعمالات و دسائسه میدان آچمش اولماسیدر. فی الحقیقه بونکده پک چوق امثالی کورلمشدر. آقسونلره مشتری قید ایدیله نلرک اضرار ایدیلدکلری، شرکتک مستقبلده کی اصحاب مطلوبنک آلدادیلدیگی، مؤسسارک کندیلرینه پک مفرط فائده لر تفریق ایتدکلری، حیه لی بر طاقم مانورالر اجرا ایدره رک برقاچ سنه صوکر دوچار انحطاط اولاجق تشبثاتی وجوده کتیردکلری، بومدت ظرفنده برتمتع الده ایدره رک کندیلرینده قورناردقلری آنونیم شرکتلر تاریخنده تصادف ایدیلمه مش شیلر دکلدیر. لکن بونک اساس وسبب ظهورینی ده اهلینک قیدسز لغنده، تکاسلنده آرامق اقتضایدر:

بعض زمانلرده معتاد اولان اولان مقداردن زیاده یکی تشبثات وقوع بولور. اهالی شو صیره لرده بوتشبتاتک هپسی منتیج فائده اولاجقمش کی بونلر طرفندن اخراج اولنان حصه سنداتی و تحویلاته بویوک بررغبث کوستری . حال بوکه بوتشبتاتک برقسمنک مؤسسلری سوء نیت اصحابندن اولدقلری کی برقسمی ده ظاهری برمنفعتی حاوی اولوب حقیقته هیچ بر فائده تأمین ایتیه جکدر . ترقی و تفیض و رفاهیت دوره لرنده اهالی استقبالی هپ مذهب برشکلده ، برافق نوار حائده کورمکده اولدیغندن تدبیر و احتیاط ایله حرکت ایتز ، صوگرا بحران زمانی حلول ایدنجهده جزاسی چکر . نیتیه کیم صوک زمانلرده آلمانیا بزه بونک پارلاق برمثالی کوسترمشدر . مع مافیه ینه اهالینک طبیعتی بو مثاللرله ، بوتجربه لرله دیکشمه یور . هریکی دوره تفیض بر اولککنده کی فنالقلر و سوء استعماللر ایله مترافق اولویور . فقط بونلرک اصل سببی کوردیکمز وجه ایله طبیعت بشریه نک ضعفنده ، حرص وطمعده آرامق اقتضا ایدر . یوقسه آنونیم شرکتلرک تشکلنده وقوع بولان او یغونسزلقلری دوشونلرک بوتون بو شرکتلری تحظه و تفیض ایتیمک موافق انصاف اولاماز . شهه سزکه بر طرفدن مقرضلرک یعنی آنونیم شرکتلرک سرمایه لرینی وجوده کتیره نلرک ده امدق و میز اولمالری ده کندیلرینه وعد ایدیلن تممعات عظیمه یه اینانمالری دیکر طرفندنده مؤسسلرک حرص و طمعندن بر آزدها فارغ ، ناموسکار و تمیمی صرف امور مشروعه ده آرار آدملر اولسی ده ایدر . لکن بوکی موفقیات آز زمانده استحصال ایدیه مز ، پک چوق تجربه لرک ، پک بویوک زیانلرک محصولی اولور . زمانلرده تدریسات اقتصادی نک تصمی بوکی اموره متعلق جرائدک انتشاری ده مکمل برر تجربه مقامنه قائم اولایلیر . یالکز بونلری اوقومق و دیکله مک لازمدر . بو درسار بر قانونک بخش ایده جکی امنیت و اطمیناندن فضله بر قوتی حائر اولایلیرلر . آز فقط امین برکار ، چوق فقط مشکوک بر تممندن اولادر . مع مافیه

بوسوزمزله یالکز نتیجه سی صورت قطعیه ده بردستور ریاضی کی معلوم اولان تشبثاته کیریشلمه لی ، بونلردن ماعداسی رد اولونمالی فکرنده بولندیغمز ظن ایدله ملیدز. اکر بویله اولاجق اولسه یدی سویش قانالک کشادی ، ایلک زمانلرده شمندوفرک انشاسی ودها بونلره ممائل برچوق شیر وجود بولامازدی . چونکه سرمایه دارلر ایچین بونلرک هیچ برینک نتیجه سی اوقدر واضح و قطعی برصورتده معلوم دکلدی. برده یالکز بویله ایشلره کیریشمک سرمایه لرک قورقاولنی دیمکدرکه بوده برمملکتده تشبثات عظیمه دن هر زمان محروم قالماسی انتاج ایدر . بو کی مسائله اک بویوک خدمتی کوره جک اولان شی نفوذ نظر، حسن تمیز، قوه محاکمه در . بونلره مالک اولمایانلر شایان امنیت کیمسه لرک فکرلری استماع ایتله لی ، اطرافلرنده جوشان اولان برسیلک بر جسم جان کی جریاننه قایلما مالیدر .

مع التأسف هر مملکتده ، بویله زمانلرده ، بویوک ، بانقالرله شرکت مالیه ده آنونیم شرکتلرک وجوده کله سنی نشویق و تشجیع ایدیورلر. کرک تشبثات شخصیه نک بر آنونیم شرکت شکلنه تحویلنده ، کرک یکیدن آنونیم شرکتلر تشکیل ایدله سنده بانکرلرک، یاخود بانکر سندیه لرینک توسطنه مراجعت اولونمقده در. بونلر ایسه یالکز کندی منفعت شخصیه قریبه لرین دوشوندکلرندن دوزلو دوزلو حیل و دسائسه مراجعتله فیاتلری یوکسه لتمکده ، بوصورتله اهالی بالاقناع حصه سنداتیله تحویلاتی یوکسک قیمتلرله بورسده صاتمقده درلر. کندیلری ایچین موجود اولان شو استفاده وهان هر مملکتده مؤسسات صرافیه ومالیه نک بو کی تشبثاته کیریشمه لری، حال حاضرده ، موجود اولان مجذوری برقاتدها تشدید ایله مکده در .

آنونیم شرکتلره قارشى وقوع بولان دیگر بر اعتراضده کویا رقابتی الخا ایدهرک حقیقی انحصارلر تشکیل ایتمه سیدر . بو اعتراضک درجه ماهیتنی تدقیق ایچین آنونیم شرکتلری ایکی به تفریق ایتله لی ز .

بری امور نافعہ ایچین تشکیلی ایدن شرکتلر ؛ دیگر ی ده شرکات تجاریه ، صناعیه و مالیہ در . برنجیلرک اساس طبیعتلری برنوع انحصار وجوده کتیر مکدر . لکن بوکا قارشلی حکومت واهالی بوتون بوتون سلاحسز دکلدر . بوکلی شرکتلر حکومتک رخصتیه تشکیلی ایدن مملکتلرده نقلیه اجورائی ایچین بر حدتیین ایدیلک معتاد اولدینی کی اهلینک پیش استفاده سنده ، بعضاً بونلردن باشقا وسائط بولونایلیر ، یعنی احتیاجلری مطاقا بونلرله استیفایه مجبور دکلدرلر ، شندوفر نقلیه سی بهالی ایسه واپور یا خود عادی وسائط نقلیه ، غازلر بهالی ایسه پترول ، صولر بهالی ایسه قویو و صهرنچ صولری امداده یتیشیر . بناء علیه بوکلی خصوصانده بیاه قومانیالر ایچین اهالی بی اضرار ایده جک ، کندیلرینه مراجعتدن وارسته قیلاجق فیاتلر وضع ایله مک عقل و منطقه موافق اولماز ، علم اقتصادده مفصلاً تعریف ایدیلنه اقامه قانوننک بوراده بویوک بر تأثیری مشهود اولور . بوکلی شرکتلر اذنسز تشکیلی ایدن وعینی بر ایش ایچین - شهرک جسامتنه منبی - مختلف شرکتلر وجوده کلنه مملکتلرده مستحصللرک اتحاد و اتفاتی - که هر بر مستحصل اکثریا بر آنونیم شرکتدر - دها سهل و دها مضر اولایلیر سده یه صنوف مختلفه نك کافه سی آراسنده بر اتحاد وجوده کله سی بر آاز مشکلدر . بونلرک طرز تشکیلی ، مقدار سرمایهلری ، مقرضلرینه وعدایتکلری منافع ائتلافلری اکثریا غیر ممکن قیایلیر . مثلاً بر مملکتک عموم وسائط نقلیه داخلیه سنک شمندوفرلرینک ، الکتریقلی و بخارلی تراموایلرینک ، واپورلرینک ائتلاف ایدرک اهالی بی آغیر فیاتلر آلتنده ازمکه موفق اولمالری و بونده دوام ایتلری تصور اولوناماز . شو حقیقت دائماً پیش دقتده طو تومالیدر که مستهلکار مستحصللره محتاج اولدینی قدر مستحصللرده مستهلکاره محتاجدرلر . بو ایکی صنف اهلینک منفعتی عینی نقطه ده مجتمعدر .

شرکات صناعیه و تجاریه به کلنجه : آنونیم شرکتلرک تصور اولونان محذوری بونلر حقتده دها زیاده وارددر . آشاغیده ویره جکمز تفصیلاتدن

آکلاشیله جنی وجهایله بوگونه قدر هیچ بر مملکتده بویله بر انحصار قلمی وجوده گه مشدر . و مستحصللر آراسنده وجوده کلهن بواقفالر اکثریا هزیمته نتیجه پذیر اولمشدر ۱۸۸۷ سنه سنده پارسده تشکل ایدن مشهور باقیر سندیقاسی بر بو چوق ایکی سنه سوکرا ۲۰۰ میلیون فرانقدن عبارت جسم بر مبلغه مالک اولدی بی حالده کمال سفالته سقوط ایش واسناد ایتدیکی ۱۰۰ میلیون سرمایهل قونطو آرده سقونت باقاسنی دم برلکده اوچورومه سورو گه مشدر . هر مملکت تاریخ اقتصادی بویله مثاللرله مالیدر بونک سبی بر طرفدن زمانمزده فکر تشبک تعممی حسیله بر صنعتک تولید ایتدیکی فوائد و منافع حد معنادینی تجاوز ایدنجه یکی رقابتلر ظهوره گه سی ، رقابتک بو ، بویوک قانون اقتصادیك هیچ بر زمان ابطال تأثیراتی ممکن اولاماسی ، دیگر طرفدن مستهکرك النده سدیدو یا تبدیل احتیاج کیی بویوک وقوتلی بر سلاح بولونمامسیدر .

بومشهده اک زیاده نظر دقتی جلب ایدن آمهریقا تروستلریدر که بالخاصه صوک زمانلرده پک زیاده موضوع بحث و مقال اولمشدر . فقط شیمدی به قدر تشکل ایدن پترول ، شکر ، اسپرطو ، پاموق تروستلری بویوک بر موفقیتیه مظهر اولامادینی کیی اک صوک تشکل ایدن چلیک تروستلری ده عینی حالده عد اولونا بیلیرلر . بونلر نه استحصالاتی کاملاً اللرینه کچیرمکه موفق اولمشلر بناء علیه نه رقابتی تماماً قالدیرا بیلمشلر ونهده فیثاتلری پک یوکسک بر حده ابلاغ ایله به بیلمشلردر . اک صوک (۱۹۰۲) ایستاتستیکلره نظراً آمهریقانک استحصالات عمومیه سنک آنجاق یوزده الیسی ۲۷ شرکتدن مرکب اولان بو بویوک تروست طرفدن اجضار اولونمقدهدر . ایشته بر طرفدن رقابت کلیاً ابطال ایدیلهمه دیکی کیی دیگر طرفدن دیمیر و چلیک فیثاتنک ترفع متادیسنه رغماً یوزده ۴۴ نک تحویلاته تبدیلیله مقدارلرینک تنزیلنه چالیشلارینی حالده ینه ممتاز حصه سنداتنک فیثاتی مالک آن اخراجنده کی درجه دهدر .

بوشرکتلرک سرمایہ سنہ نسبتہ (بر میلیار ۴۰۴ میلیون دولار) ایلاک
سنہ کی کاری (۱۱۱ میلیون دولار) ده بر طرفدن آمہریقاده دمیر معمولاتنه
وقوع بولان طلبک تزايد متبادیسندن ، دیگر طرفندن ده حمایہ تعرفہ سندن
ناشیدر . بالخاصہ بوصوکنجینک بویوک بر تأثیری واردر . اکر حکومتلر
سر بست بر مرکب پولتیقه سی اتخاذ ایدہ جک اولسہ لر ، ممالک اجنبیہ معمولات
ومحصولاتنک مملکتہ ضایت جزئی رسوم خزینہ اعطاسیہ ادخالہ مساعد
بر سیاست اقتصادیه بی ترجیح ایتسہ لراخصار عد ایدیلہن بوجسم ائتلافلرک
وجودینہ امکان قالماز . چونکہ بوتون ممالک متمدنہ ده موجود بویوک
مستحصللرک عینی بردائرہ اتحاد و اتفاق آتنہ کیرمہ لری ، منفعتلرینک عینی
نقطہ ده اجتماعی ممکن دکلدر . بوستون « آمہریقا تجارت شرکتی » طرفندن
نشر اولنان بر رسالہ یه نظر آچلیک تروستک متمتک یوزده بری اصول حمایہ دن
نشأت ایتشدر . اکر آمہریقاده رئیس موسیو روزوئلک شیمدی تصور
ایتمکده اولدینی وجه ایله بوقدر قاپالی بر مرکب داخندنہ یشامقده اولماسه یدی
تروستک متمتی آنجاق ۳۵ میلیون دولارن عبارت اولاجقدی کہ
بوده عادی حصہ سنداتنک دکل ممتازلرک بیلہ فائضلرینی تأدیہ یه کافی
کلمہ یه جکدی . ایشہ بوندن دولاییدر کہ بر آمہریقا مجموعه سی چلیک
تروستی حقندنہ : « خارجدن مخوف ومہیب ، دهشتناک برووجود کبی
کورولویور . داخلدہ ایشہ سینہ حمایہ دن امہ جکی سود ایچین آغلایان بر
چو جوقدن باشقہ برشی دکلدر . » دیمشدر . دمیر وچلیک ایچین آمہریقاده
مستملکلردن آ لینان فیات ایله ممالک اجنبیہ ده کی فیات آراسندہ یوزده ۶۰
ایله ۹۰ آراسندہ برفرق واردر کہ بوصرف اصول حمایہ نک تأثیر سیئیدر .
ذاتاً بونی تروستجیلرک ایی بیلدکلرندن اصول حمایہ نک کندیلری ایچین
لزومی ادما ایتکدن اجتاب ایتیمہ یورلر . [*]

[*] Journal des économiste, Unités Etats corporation
Par Yves Guyot: Act. 902

آمریقا د حکومتك شمندوفرلر اوزرنده همان هیچ بر نفوذ و تأثیری اولما سناكده تروستلرك بر درجه یه قدر موفقیتنده حصه دارد . اوروپا نك اكثر یرلرنده دمیر یول قومپانیه لری یالکز بر مستحصلك منفعتنه اولارق دون تعرفه لری وضع ایدمه دكاری حالده آمریقا تروستلری عموم شمندوفر قومپانیالرندن یالکز كندی محصوللری ایچین هم جنس سربست صنایعدن آلینان اجرتك نصفی درجه سنده بر اجرت نقلیه تعرفه سی استحصالنه موفق اولملردر .

آمریقا نك جسیم تروستلرینك رقابتی کلیاً احما ایدمه دیکنی کوسترمك ایچین نیورق تجارت اوداسناك بر قاچ آی اولکی نسخه لرندن برینه کوز کزدرمه :

بونسخه ده مندرج بر مقاله یه نظراً تروستلر اکثریا موجود تشبثاتی قانون رقابتك تأثیراتندن تخلیص ایتمك مقصدیه وجوده کتیریپورسده تشبثات خصوصیه نك دائماً دهاسریع بر نسبتده تزیادی بونیجه نك حصولنه مانع اولویور . هر سنه تروستلره انضمام ایدن یکی سرمایه لر جزئی اولدییی حالده باشلی باشلرینه تشکل ایدنه شرکتلرك مقداری و سرمایه لری پك زیاده در . مذکور مقاله ده شو تفصیلات ویریلدکن صوکره نتایج آتی ه استخراج اولونیور :

(۱) تروستلرك توسی نه قدر عظیم کورونورسه کورونسون مستقل صنایعك تزیادی بونكه نسبت قبول ایتمه یه جك درجه ده زیاده در .
(۲) جدی ایش آدملریمز امور مالیه سی حسن اداره ایدیلنه ، معتدل بر سرمایه یه مالك اولان شرکتلرك ، میایارده در تروستلردن قورقامالری لازم کلدیکنه امین اولملردر .

(۳) سربست صنایع تروستلرك قوتنه اوقدر سرعته غالب کلیور که بوتخت انحصاره آلمق ایسته نیلنه مؤسساتك بخش ایتدیکی امیدلر کوندن کونه زوال بولیور .

(۴) بوشرکتلرک بر بویوک قسمی حتی اک متفیض بولونانلری ،
بواصولی ترک ایتشلردر .

خلاصه آهریقانک مهیب ومعظم تروستلری بیله صنایعده برانحصار
وجوده کتیره مه دیکندن آنویم شرکتلره قارشى سرد ایدیله ن شواعتراض ده
هم بالنظریه ، هم ده تجربه ایله مندفع اولمش اولور .



ایشته بورایه قدر و یردیکمز تفصیلات آنویم شرکتلرک فوائد
اقتصادیه سنی ، اکثریامو هوام اولان محاذ یرنی کوسترمشدر ظن ایدرز . کرک
اصول حمایه نك بو بابده کی تأثیراتی ، کرک تروست وسندیقّه مسائلی ده
پک زیاده تفصیل ایدیله بیلیرسه ده اصل بحزمزه ایکنجی درجه ده تعلق
وارتباطی اولان مسائل حقنده ده ایلری یه کیتمک ایسته مدیکم ایچین
بوراده سکوته واثریمزک برنجی قسمی تشکیل ایدن قسم تاریخی یه کچمکه
مجبور اولویورم .



برنجی قسم شرکتوں کی تاریخ

برنجی باب

ازمنہ قدیمہ دن اہل صلیب محاربانہ قدر

ہندو اور یورپہ ٹن اقوام ؛ روما ، یونان ، عربستان ؛ ہندو جرمن
اقوام ؛ شارلمانی و اخلاقی ؛ آلمانیادہ اشتراک .

ازمنہ قدیمہ نیک ایلک شعلہ مدینتی اقوام شرقیہ ایلہ پارلادینی ایچین
شرکتوں کی منشا ئی دہ اولنردہ آرماتلغمن اقتضا ایدر . ابتدا عائلہ لک تشکیلہ
منفعت شخصیہ ساقی قوتلہ حس ایدہ نلر - آسیای صغرا ، یونان ، روما
اقوام - بر طریق ترقیدہ قطع مسافہ ایتکہ باشلادقلری حالہ ؛ قبیلہ
وطائفہ قومونیزمندن قورتولامایان کوچہ اہالی ، عصر لر جہ ، کچدکری
یرلردہ - ہیالایانک شالندن وتیہت حوالیسندن نشأت ایدوب اورال
داغلرندن وقارہ دکزدن بحر بالظیفہ دوعرو یورویہ نلر - وحشت
وخرابیدن باشقا بر اثر بر اقامش لردر .

ہندو اور یورپہ ٹن دنیلہن برنجی قسمہ منسوب اولانلردہ عائلہ لر
آراسندہ ابتدا موقت ، سوکرا منتظم ودائی شرکتوں کی تشکیل ایتشدہ . بر
شہر بنا ایتکہ ، شہری دیوارلرلہ احاطہ ایتکہ ، مبنی مخصوصہ ایلہ
ترین ایلہ مک موضوع بحث اولنچہ فکر اشتراک دہ بالطبع حدوث
ایتشدہ . فرات ایلہ دجلہ آراسندہ ساکن اولان اہالی ، سہلرہ قدر
یوکسہ لہرک انسانلری کویا بر ایکنجی طوفانک تأثیرات مخربہ سندن مصون
قیلاجق اولان بابل قلہ عظیمہ و محیرہ سنی البتہ لایعدہ حیثیات مجتمعہ .

سایه‌سندہ انشایہ ثبت ایدہ بیل‌مشدر ؛ هندستان و مصر دہ کشف اولونان
مبانی قدیہ امور نافعہ بی وجودہ کتیر مک ایچین عینی صنعتہ منسوب
کیمسہ لک واسع شرکتلر تشکیل ایتدکلرخی کوسترمشدر .

حال بوکہ دیگر طرفدن اسلاولرلہ جرمانلرده و بونلرہ ممائل دها
برچوق قبیلہ لرده سیار برحیاتک بسیط احتیاجاتی فکر اشتراکک توسعہ
بالطبع خادم اولامامشدر .

مع التأسف بوکون الدہ موجود وثائق بابلده ، نینواده ، مصرک ابلک
سلاولرلنده شرکتلرک نہ حالده بولندیغنی واضحاً کوسترمک مساعددکلدر .
آثار عتیقه ایله ، بواقوام قدیمہ نک تاریخیاریله اشتغال ایدن علمانک مساعی
بی نہایہ سی تاریخنک هنوز مظلم عد ایدیلن شو جهتلرخی ده ایلریده البتہ
تنویر ایدہ جکدر . مع مافیہ اوزمانکی شرکتلرک عصرک اصول سیاسی
ومذهبیسنک طبع ایتدیکی برشکلده بولندیغنه شبہہ یوقدر . کرک بیت
المقدسی انشا ایتدیردن حضرت سلیمان زمانندہ ، کرک مصریلرک ابلک ادوار
حکومتده ارباب سعی وعملک اشتراکی حر بر موافقتک نتیجہ سی اولمایوب
مکمل بر انضباطک محصولی اولوق لازم کلیور .

بالخاصہ تجارت بحریہ لریله ، ترقیات صناعیہ لریله مشهور اولان فنیکہ لیلرده
ایسہ فکر اشتراک بوترقیات ایله متناسب بدرجہده توسع ایتشدی .
یالکز بحر سفید و بحر احمر ایله دکل ، آفریقانک سواحل شرقیہ سیله ،
هندستان ایله مناسبات تجاریہ ده بولونان و بلسک امید بورتی دولاشہ رق
آفریقای غربیدہ شہرلر تأسیس ایدن و حتی احتمال کہ قریستوف قولومبدن
اول برجدیدہ سیر و سفر ایله یں بوتاجر و غیور قومده شرکت صناعیہ نک
عدم موجودتی ممکن اولامازدی . الدہ بولونان وثائقہ نظراً تجارت
بحریہ ایچین ، بویاجیلوق و صنایع نسجیہ ایچین فنیکده شرکتلر تشکیل
ایتشدی . روما و یونان تاریخنده ، کورولن مؤسسات تجاریہ نک

اکثرینکده فیکه‌لارله قارطاجه‌لیردن آلتیش اولدیغنه شهبه یوقدر .
 مع مانیه اوزمانکی معاملات تجاریه غایت بسیط اولدیغندن طبعی شرکتلرده
 شیمدیکی محضل شکلری اخذ ایده‌مزدی . فیکه‌لیرده ، مصریلرده ودها
 صوکر قارطاجه‌لیرده تجارت بریه صورت موقوتده حرکت ایدهن
 کاروانلر واسطه‌سیله اجرا اولونوردی . هر دفعه طرامپه ایدیله‌جک اشیا
 وامتعه‌نک ، بونلری نقل ایده‌جک حیواناتک اشتراسی ایچین شرکتلر تشکیل
 ایدیلرورشرکت مدت دواچی برمعامله تجاریه‌نک اجراسیله یعنی کاروانک
 عزیمت وعودتیله محدود اولوردی . امتعه مرسوله ادخال ایدیلدیکی
 مملکتده اشیای استهلاکیه‌دن عد اولونوردی که روماده بوپراکنده
 تجارت صرف اسرا طرفندن اجرا ایدیلیردی . روماده ویونانستانده
 کبرا وزادکان صنفی یالکز عسکرلک وسیاسیات ایله اشتغال ایدوب بالذات
 تجارت ایتمکی اوزون مدت کندی شرفلریله متناسب عد ایتمه‌مشلردی .
 لکن اسیرلرینک کار وضررندن علاقه‌دار اولدقلرندن بالواسطه تجارتیه
 اشتراک ایدیورلر دیمکدی .

زوسته‌نین اسیر تجارتی ، عرصه اشتراسی ، تشبثات انشاییه و نقلیات
 بحریه ایچین رومالیلر آراسنده شرکتلر تشکیل ایتدیکنندن بحث ایدیور .
 بوشرکتلرک بو کون حصه‌دارلق تعبیر ایتدیکمز شکلده اولدیغنده شهبه
 ایدیله‌مک لازمدر .

دها صوکرالری بحر سفید سواحلنده‌کی قنوجات ومظفر یاتلری
 سایه‌سنده رومالیلر تشبثات عظمیه تجاریه ایچین برذوق حس ایتدیلر
 وکال تهالکه بوکا صاریلدیلر . جمهوریتک صوکر زمانلرنده وایمپراطورلق
 ائناسنده برچوق رومالیلرک غولده ، آسیاده ، مصرده ، اسپانیاده صنایع ،
 تجارت وباقا اموریله اشتغال ایتدکاری کورولمشدیر . اوزمانلرده نفوذ
 تجاری کاملاً قدرت سیاسیله برلکده رومالیلرک ائنده اولوب
 حاکمیتلری بو سایه‌ده دها زیاده تقویت یاب اولمشدیر .

رومالیاریک موقیات تجاریه لری ایلاک پون محاربه لرندن ابتداء توسعه
 باشلایان فکر اشتراکک ثمره سیدر. روماده تکالیفک، اعشارک، لیمان
 رسومنک تحصیل و اموال امیریته نک ایشله دیلمه سی مقصدیه تشکیک ایدن
 شرکتلر پک مشهوردر. بونلره Sociétés vectiga- یا خود Pubileains
 liennes دنیلیر. بوشرکتلره شرکادن بعضیسی حکومت قارشی متعهد،
 کفیل، بعضیسی ده عادی حصه دار اولوردی. روماده شرکتک برمدیری
 بولونور. بومدیر ولایاته تحصیل واردات، تأدیة مصارفه مکلف مأمورین
 و مستخدمین اعزام ایدردی. حکومتله عقد مقاوله ایدیلدکن صوکر
 شرکتک اداره مرکزیه سی باشلیجه علاقه داراندن مرکب اولق اوزره
 تشکیل ایدیلیر و معین کونلرده اجتماع ایدهرک و مختلف شعبه لره آریلارق امور
 جاریه نی رؤیت ایدرلردی که بونلر آرا لرنده موجود برچوق فرق لره برابریه
 برنوع آنونیم شرکت دیمکدی. بربرندن اوزاق بولونان شرکا آراسنده کی
 مناسبات، وسائط نقلیه نک حال رشیمیده بولونماسندن متولد موانعه رغماً
 مخا براتده کی انتظام، شرکتک حساباتنک طرز رؤیت و ترتیبی و تقیسی
 فکر اشتراکک روماده نه قدر ایلرله دیکنی کوستیر. شبهه سز حصه سندان،
 بونلرک الدن اله کچمه سی کی اختراعات هنوز وقوع بولمامشدی. لکن
 حصه دارلق شرکتلری و بالخاصه قولله قتیف شرکتلر ده بویوک بر مقیاسده
 و بویوک بر حریت قانونیه نموده تشکیک ایتیمکده ایدی. رومانک قولله قتیف
 شرکتلر نده هر شریک دیون شرکتدن حصه سیله متناسباً مسؤل اولوردی
 بوکون بوشرکتلر شرکاسی ایچین قبول ایدیش اولان مسؤلیت غیر محدود
 اساسی اوزمان یالکز argentarie دنیلن بانکرلر شرکتلری حقیقه
 جاری ایدی.

بیزانس امپراطور لغنکده شرق و غرب ایله پک صیقی مناسبات تجاریه سی
 موجود ایدی. روما ایله اقصای شرق آراسنده اجرا ایدیلن تجارت

ایچین استانبول بویوک برمرکزیدی . رومالیر ممالک شرقیه دن جلب اولونان اشیانک مهم بر قسمنی بالخاصه ایکی عجملرک وساطتیه المقده ایدیلر . حال بوکه اوزمان عجملرله کثرتله محاربات وقوعنه منی روما محصولات شرقیه نی حبشستان واسطه سیله آلفه باشلامشدی . ۵۵۲ سنه سنده ایکی پاپس ایمپراطور ژوستینیئک تشویقیله چیندن ایپک بوجکی تخمی کتیردیلر . بوجک یتشدریمک بویوک بر اهمیت آلدی . موجود اولان منسوجات حریره فابریقالری محتاج اولدقلری مواد ابتدائییه دهها سهولته ودهها مبدول اولارق الله ایتکه باشلادقلرندن سوریه ده ، صوره ده ، بیروتده ، استانبولده ، آتنده ، قوره ننده یکی فابریقالر کشاد اولوندی .

بوزمانلرده فکر اشتراک عربلرجه ده معلوم ایدی . میلادک یدنجی عصر نده عربستانده حصه دارلق صورتیه برچوق شرکتلر تشکیلی ایتدیکنی انکلتزه محرریندن سیرویلیام موئر نام ذات یازیور :

«مکنک تجارتی واسع وتمتع بخش ایدی . کرک بورادن ، کرک طائفدن کاروانلر صوک بهارده یمن وحبشستانه ، ایلک بهارده سوریه یه متوجهاً حرکت ایدرلردی . مشین ، ضمغ ، کونلک ، ذی قیمت معادن وعربستانک محصولات سائره سی اخراجات اشیاسنی تشکیل ایدیوردی . مکه ایله طائف ویمک مشینی سوریه وایرانده پک زیاده آراقمقده اولدیغندن غالی بر فیاتله صاتیلیوردی . کوتوروله ن اشیا مقابلنده غزه دن وسوریه نک سائر بازارلرندن ایپک وزینت اشیاسی آلینوب مکه یه کتیریلردی . ۶۲۳ سنه سنده آلتی دفعه ارسالات وقوع بولمشدی . بوکاروانلردن بعضیسی پک بویوک وپک زنکیندی . بری ۵۰۰۰۰ دینار آلتون قیمتده (موسیو اسپره نکه ره نظراً بر دینار ، معدنک وزنی اعتباریه ۱۵ فرانقه معادلدر) حمله یی حاوی ۲۰۰۰ دوه دن مرکبدی . مکه نک عموم اخراجات تجارتی ینه دو قور اسپره نکه ره نظراً ۲۵۰۰۰۰ دینار ، (یعنی ۳ میلیون ۷۵۰ بیگ فرانق) قیمتده ، تمتعده یوزده اللی نسبتده

ایدی . بو تجارت پك كارلى اولديغندن امنيت وسلامت تجاريه لرینی . تهديد ايدە جك بر رقابتك ظيوري مکه تاجرلرینی خوف ودهشت ايچنده براقيردی .

بوتون مکه اهالیسی بو تجارتله اشتغال ایدردی . بويوك تاجرلر ، بويوك سرمايه لر وضع ايتدکلى کي برايکی دينار تصرف ايدە نلرده بوتصرفلرینی وضع ايلرلردی . کاروانك چوق اشيايه مالک برايکی کشينک تحت اداره سنده حرکت ایدردی . فقط همان عموم اهالينک ده تسببده سرمايه موضعی اولديغنه بر کاروانك يولده صويولماسی مملکتی دهشت و غرياد ايچنده براقيردی .

ايشته عیناً نقل ايتديکمز بو پارچه يدنجی عصر ميلادیده ، برنجی عصر هجریده اشتراکک عربلرجه ده برصورت موقوته ومنتظمه ده اجرا ايدلمکده اولديغنی کوسترييور .

شيمدی جرمان عرقه منسوب اولان اقوامه کله لم :

ميلاد عيسادن عصر لرجه اول ايندو جرمان اقوامی بحرياه سواحلی ايله دينه پرك ايکی ساحلی اشغال ايدیورلردی . بونلر طور اراغك قوه انباتيه سيله مجلوب اوله رق کوچيه حياتندن واز کچوب زراعته ، کورک وياخصه اسير تجارتنه باشلامشلدی . يونانيلرک بو قبائل وحشيه آراسنده تشکيل ايتدکلى مستعمره لرک بر طرفدن يونانستانک مشهور شهر لريله ، ديگر طرفدن ده بو قيله لرله غایت صیتی ومنتظم مناسباتی واردی . مع مافيه بو قبائل کندی اصول تجارتلرینی ترک ايله يونانيلرک بالئسبه عالمانه اولان اصوللرینی بر دورلو قبول ايدە ميورلردی . ايناک زمانلرده نه حالده ايسه لر روما ايملرطورلغنک ايام اخيره سندده عینی حالده بولونويورلردی . يونان تاجرلری پاناييرلرده غایت بسيط وعادی طرامپه معاملاتيله بغدادی ، کورک ، اسير اشترا ايدە رک بونلری آتته ، تساليه وما کدونيا شهرلرينه کوتورورلردی : قيله داخنده جاری اولان قومونيزم بونلره نفوذ وتأثيرلرینی ومعاشرینی توسيع ايدە رک ثروتلرینی

تزیید ایچین اشتراك تجارییه مراجعت احتیاجنی حس ایتدیرمه مشدی. ذاتاً طبیعت مصلحت ده بونی ایجاب ایدیوردی. زیر اهر آن آسیادن قبائل وحشیه هجوملری منتظر دی. بومهاجات ایسه منبث صحرالرك یرینه چوللر واسته پلر اقامه ایدردی.

روما ایمپراطورلغك آن انقراضنه قدر بو حال دوام ایتدی. بودولت معظمه زوال پذیر اولنجه قبائل مذکورہ رومایه دوعری هجوم ایتدیلر ویرلرینی ینه شرقدن هجوم ایدن وحشی قبیله لرہ ترك ایله دیلر. لکن مدنیته قریبتك حاصل ایتهدیكي تأتیری بو فتوحات ده تولید ایتمكدن عاجز قالمدی. باربارلر روماده برعالم نامشهود و ثروت و حظوظات ایچنده بوغولوب قالدیلر. بو حالك رومالیلرله قبائل وحشیه نك اخلاق و عاداتی آراسنده کی ضدیت و اختلافك نتیجه سی اولارق روما مدینتی ایتالیا ده، عنولده، اسپانیاده، آفریقاده تدنییه یوزطوتدی. بوجمیت متمدنه یرینه قائم اولان یکی جمعیته عجباً تجارت و اشتراك ناصیل بر موقع اخذ ایتمشدی؟ اساساً روما سقوطندن ایکی اوچ عصر اول قفیض تجاریسنی قسماً غائب ایتمشدی. بر طرفدن داخلده پره توریه نلرك عصیان حودودلره، دیگر طرفدن خارجده باربارلرك هجومی قورقوسی ایله آشبات تجارییه به بویوك برخلل طاری اولمشدی. یالکز دورۀ اقبالده بولونانلر بوندن مستفید اولایلوب طبقات عادیه فقر و ضرورت و سفالت ایچنده امراز حیات ایدیوردی. روماده یرلشن اقوامده رفاهیتدن آ کلامادقلری و پك ساده، عادتاً وحشیانه دینله جك بر حیات امراز ایله دكلی جهتله تجارت ده مدنیته کی بوتحولدن متأثر و متضرر اولارق کوجبه قبیله لرك مألوف اولدقلری اصول بسیطیه رجعت ایتدی. اوروپانك وسطنده یرلشن قراقلرده، جرمانلرده، اسلاولرده تجارت حقدده هیچ برفکر یوقدی. یونانیلرك قهرمانلر دورنده اولدینی کی هر درلو احتیاجات عائله داخلنده وقادینلرك مساعیسیله استفا ایدلمكدده ایدی؛ ارککلر یالکز صیدوشكار و حرب ایله مشغلدیلر. ابتدا یونان تاجرلری، قدس شریفك تخریبندن

صوکراده یهودیلر بوغایت محدود اولدینی جهتله تجارت عنواننه مستحق اولمایان مبادلاتده متوسطلق وظیفه سنی ایفا ایله دیلر. جرمانیا ایله فرانقلرک بویوک بازارلرنده هر صنعته منسوب اسیر تدارک ایدیله بیلیردی؛ احتیاجات سائرده خانه داخلنده استیفا اولندیقندن، ذاتاً بواسیرلر هر دورلواحتیاجاتی استیفا ایدیه بیلدکلرندن کیریده یالکیز اولجه شرق ایله اوروپای وسطانک غربک بعض اقسامی آراسنده بویوک برتجارتیه اساس اولان اشیای زینت، بهارات واقشه نادره قالیبوردی. بوتجارت باربارلرک هجومیه اسکی موقعندن دوشمشهده کلیاً منقطع اولاماشدی.

قدما طرفندن پکذی قیمت بر ماده کبی تلقی ایدیلن کهربا قارطاجه لیلر ورومانیلر جانبندن بر چوق اسفار بحریه اجراسنی موجب اولمشدی. بو ماده آدریاتیق سواخلنده کی مستعمره لرله، اسقاندیناویا وبالطیق اقوامی آراسنده کی مناسبات سایه سنده برآده ادخال اولوتوبوردی. باربارلر جرمانیه ده یرلشدکلن صوکر ساقسونیا وسیله زیاده کشف ایدیلن آلتون وکوموش معدنلری محصولانک نقلی ده عینی طریق ایله - الیه، طونه ودینه پر واسطه سیله - اجرا ایدیلدی. همان کاملاً غیر مسکون اولان مملکتلردن، وحشی قبیله لر آراسندن، قیمتدار حمله لرله اجرا ایدیلن بومدید سیاحتلر یالکیزجه یاییلا میوردی. بناء علیه تاجرلر شرقده اولدینی کبی کاروان حالنده تتشکل ایتدیلر. لکن بو هیئتلر مؤسسلرینک مالک اولدینی طبیعت عسکریه ایله منطبع اولدیلر. تجارتیه محاربلکله غاصبلق ویغما کرلنی انضمام ایتدیردکلرندن اوغرا دقلری یرلرده اهالی بی خوف ودهشت ایچنده براقیورلردی. دکنز قراللری دینیلن رؤسانک تحت اداره سنده اولارق ژوتلر و نورمانلر انکلتره اسپانیا، فرانسه وایتالیا سواخلنی تخریب ویغما ایتشلردی. هم ریاست تجاریه همده ریاست عسکریه صفتی حائر اولان بو دکنز قراللری شرکتی بعضاً کیفیلرینه،

بعضاً عرف و عادتله موضوع قواعد تبعاً اداره ایدرلردی . عینی فکر تجاری و حربی ایله تشکیل ایدیلن بری کاروانلر و نقلیه شرکتلری ده عینی قواعدله اداره ایدیلوردی . بو شرکتلرک غایه مقاصدی افرادینک متقابلاً مدافعه نفسندن ، و سائط نقلیه ده و شرکته عائد بعض محصولاتک صائیش فیئاتنده اشترا کدن عبارتدی . دردنجی عصردن اوتنجی عصره قدر بویه لایعد سوکیات وقوع بولمشدی .

رومالیلر و یونانلیلرک بالنسبه ایجه اصول تجاریه خارجیه لرله بو باربار عاداتی آراسنده بویوک بر فرق موجود اولدینی کی تجارت داخلیه ده عینی تضاد مشهوددی . روما اسراسی و آزاده لری افندیلرینک ، پاترونلرینک تمتعاتی تشبثات بعیده ایله تزید ایچین ایمپراطورلنک هر طرفه داغیلقلری حالده جرمان اسراسی صرف صنایع صغیره بیتیه ایله مشغلدی . بناء علیه بونلر ایچین شرکتات تجاریه تشکیل ایتکه نه بر سبب نه ده بر فرصت موجود ایدی . یالکز مستتا اولارق فرائق ساموس نامنده بری طرفندن (۶۲۳) بر شرکت تشکیل ایدیلهرک بر مدت ترقی ایتش ساقسونیا وسیله زیاده ده معادنک ایشله دیله سی مقصدیه بعض عمله شرکتلری تشکیل اولونمشدیر .

خلاصه اوتنجی عصره قدر اشتراک شخصی یعنی افرادک استعداد ذاتی و فعالیت شخصی سیله وقوع بولان اشتراک حسی جرمانیا اقوامنده قبیله قومونیزمی دولایسیله بر دائرّه مضیقّه ایچندی قالدی .

اثنای حکومتده تجارتک تأثیرات حسنه سنی تقدیر ایدن شارلمانی بونی منظم برحاله ارجاع ایده مه مشهده اجراسی و توسعی ایچین مقتضی امنیت سلامتی بخش ایده بیللمشدی . نشر ایتدیکی قاپیتولرلرده [*] بوکا دائر بر چوق ندایر موجوددر . ایمپراطورک امریه تعیین اولونان مأمورین هر طرفه تاجرلرک حمایتی تأمین ایلرلردی . بومداخله علویه سایه سنده تاجرلر قانلی

[*] شارلمانی زماننده ایمپراطورلنک کافه اقسامنه متعلق قوانین و نظامانه بونام ویر یلیردی .

دورلرک مالا مال اولدیغی منازعات خصوصیه و سیاسیه آراسنده بویوک تهلیکه لره معروض اولمق سزین کزه بیایورلردی . اوزمان کرک آلمانیا ده ، کرک غولده تجارتگاه شهرلرک مقداری آتمشدی : میچ ، استراز بوزغ ، مایانس ، قولونیا ، اوغسبورغ ، راتیسبون ، ماغده بورغ . . .

بوشهرلر رهن ، البه و طونه نهرلرندن دینه پر نهرینه قدره مانمادی بر سلسله ملجاً واران تشکیل ایدوب پانایر تاجرلری بورالده کندیلری ایچین استنادگاهلر بولویور و مخبرلرله تأسیس و تقویه مناسبات ایله یورلردی .

شارلمانی ایمپراطورلرک انقسامندن سوکرا قراللروسه نیورلر واردات خزینهلرینی تأمین ایدهن شو مناسبات تجاریه ایچین ابراز سهولت ایله مکده کی قوانندی تقدیر ایتدیلر . شهرلرک صرف تاجر هیئتلرینک (قورپورا - سیون) تحت حمایه سنه مودوع استحکاملرله احاطه ایدیله سنه مساعده ایتدیلر . و بعض اعیاد مذهبییه انساننده ماللرینی صاتمق ، ایشلرینی رؤیت ایتک اوزره بوشهرلره کله جک تاجرلری رسوم خزینهدن معاف قیلدیلر .

پانایر نامی ویریلهن بواجتماعلر ابتدا اوروپا ایله شرق آراسنده کی طریق تجارینک باشلیجه مرحله لرنده - استانبولده ، کیه فده ، فرانقفورته انعقاد ایدیوردی . بوشهرلرک رفاهیت و تفضلی کرک ذوق و سفاهت ایچین ، کرک تمتع و تجارت ایچین کلهن جانبندن نشأت ایتمکده ایدی .

اوزمانلرده مؤسسات و عادات تجاریه نک ترقیسی ایچین بو پانایرلرک پک بویوک خدمتی اولمشدر . یوکون بین الملل عمومی سرکیلر ناصیل اهالی بی جلب ایدیورسه اوزمانده بوتون حیات صناعیه بوموقوت اجتماعلر اطرافنده طویلانمشدی . شرق و غربک ارباب سفاهتی ، مستهلک لری ، صنعتکارلری ، تاجرلری هر طرفدن هجوم ایدرلر و بوجم غفیر آراسنده موسویلر مناقلات تجاریه یه وساطت ایتمکه پک بویوک بر خدمت ایفا ایلرلردی . کرک اموال و امتعه نک تسایم و تسلیمی کرک تأدیات حقنده کی

اعتیادتانک ثابت برحاله کله سی بونلر سایه سنده وقوع بولایغی کبی سه نیورلرله تاجرلر آراسنده ظهور ایدن اننازک معاملات ایچین بیله متوسط وظیفه سی ایفا ایدرلر دی . یهودیلر ساقسونیا ایمپراطورلرندن « ایمپراطور خدمتکارلری Kaiserliche Kammer Knechte » عنوانی و محاکمه لری خصوصی حاکم حضورنده رؤیت ایدیلک امتیازیخی اخذ ایتشلر دی .

بو جهیت وحشیه ایچینده فنیکه لیلرک ، شرقلیلرک عنعنات تجاریه سی محافظه ایده بیله ن یالکیز یهودیلر اولمشدر . هم مذهبلرله شرکتلر عقد ایدیورلر ، بولیچه ، حساب جاری اصوللری تعقیب و ذی قیمت معادن اوزرینه معاملات اجرا ایله یورلر دی . مسکوکات اجنیه استعمالی ، آنتره پولر تشکیلی پانایر و بازارلر ایچین تنظیم اولنان نظامات ضبطیه ، ادخالات تاجرلرله پانایر تاجرلرینه عزیمت و عودت ضمتنده بخش اولنان امتیازات شرکت تجاریه نظاماتی ، هپ عینی دوره یه عائد اولوب شارلمان پوتیقهنسک الهام ایتدیکی ایتدیکی اکال و تحیم ایله مشدر . بوسایده آلمانیا اوچ یوزسنه متادیادنیانک اک بویوک بر مرکز تجارتی اولمشدر . دو قوزنجی عصر دن اون ایکنجی عصره قدر فرانسه کندیستی مدافعه ایده جک بر قوه مرکزیه دن محروم اولدینی جهتله منازعات ایچنده امرار حیات ایتمکده ایکن ، متعدد سه نیورلر لیکلره انقسام ایتش اولان ایالتا انوه ستیتور منازعاتی ایله مشبوع بولونمقده و یا خود سارازنه لرنک ، نورمانلرک طعمه فتوحاتی اولمقده ایکن آلمانیا سو آب و فرا قوینا ایمپراطورلرینک تشویقات مؤثره سی سایه سنده اوروپا ایله شرق آراسنده کی مناسبات تجاریه نک اداره سنه کال موفقیتله دوام ایتش و حتی بر آرائق بوبابده بر انحصاری بیله حائر اولمشدی .

شرقه کوندن کونه تعدد ایدن تجارت کاروانلری قره دکز سواحلی و استانبول طریقله هندستان و عجمستان یوللرینی قطع ایدیورلر ؛ آلمان یا جرلری ده کیهف روسلرله وقوع بولان مناسبتلری سایه سنده آسیای

وسطا محصولاتى مبادله طريقه (معادن ، طوز ، يوك وكنوير
منسوجاتى آلمانلرك امتعه سنى تشكيل ايدييوردي .) استحصال
وهونلرله ، مجارلرله ، آلمانيانك جنوب شرقيسنده بولونان بواقوام
غير متدينه ايله فعال ومفيد معاملات تجاريه ده بولونويورلردى . غربده
وشالده آلمان سفائى انكلتره ونوروچه كوتوردكلرى شرابلرله بو
مملكتلرك مى ايچكيلرى اولان بيرايه قارشى بويوك برقابت مظفره اجرا
ايدييورلردى . اورالردنده بالمبادله قالاي ، تره ياغ ، بالموى وطوزلو باليقلر
كتيرييورلردى .

اوزمان آلمانيا كرك تاجرلره ، كرك تجار تكاه شهرلره پك بويوك سهولتلر
ابراز ايدييوردي . برچوق تدابير نافع يه ضميمه اولارق هانس Hanse دينلهن
وعينى برليمانه منسوب تاجرلر آراسنده مملكت محصولاتى كار وضررى
اورتاق اولقى اوزره مبادله ايتك ايچين تشكيل اولنان شركات خصوصيه يده
تعداد ايتك اقتضا ايدر .

اووقت ك اخلاق وعاداتى اك كوزل صورتده تصوير ايده جك شى تاجرلر
آراسنده عقد اولنان تجاوزه وتدافى اتفاقلردر . يولده دشمنلرك وسر سريلرك
مهاجانه ؛ محل وصوللرند سنيورلرك تضيقاته ، كليسانك اجباراته ؛
فيرطينه لره وقورصانلرك تسلطنه معروض اولان آلمان تاجرلرى اسكى
كاروان شركتلرني تنظيم وتوسيع ايتكى دوشونديلر . فقط بو شركتلر
اولجه اولدينى كى يالكز برايش ايچين تشكىل ايتيهوب برشهرك تاجرلرى
وحتى بعضا مختلف شهرلر ككيلر بونلرى كافه تشبثات تجاريه يه شامل اولقى
اوزره تشكيل ايتشلردى . بونك نتيجه سى اولارق مخبرات تكتر ودها
زياده براهميت وامنيث احراز ايتش ، كرك بيع وشرايى ، كرك نقلياتى

ینه تسهیل و تأمینہ مخصوص قوتوآرلر ، شعبہلر کشاد اولنشدی . فقط
 مع التأسف بو اشتراکاتک نہ کبی اساسلرله تشکیل ایتدیکی مجهولدر . بو بابده کی
 مقاولاتک شفاهاً عقد اولنمش عرف و عادتله اداره ایتمکده بولنمش اولماسی
 پک محتملدر .



ایکنجی باب

اهل صلیب بحارباتندن اعتباراً ایٹالیا و فرانسه ده اشتراك

بیزانس شهری — طریق تجاری — شرق محصولات — عربستانه
تجارت — ایٹالیا لیانتری — اشتراك — فرانسه — اصناف هیٹلری — مشهور
ژاق . مور .

اون یدنجی عصره قدر باربارلرک مهاجراتنك اشاع ایتدیکی خسارات
سه نیورلر آراسنده کی منازعات و بالخاصه فرانسه ایله ایٹالیاده قوی الشکیمه
ومرعی بر حکومب مرکزیه نك فقدانی شرق ایله غرب تجارتنك، طریق
طبیعی و تحقیقی اولان بحر سفید ایله اجراسنه مانع اولمشدی .

آمالنی ، پیزا ، جنویر ، ونڈیک شهرلری سوریه و مصر ایله مناسبات
مبادیه ده بولونمق اوزره هنوز موقع طبعیلرندن استفاده ایدمه یورلردی .
امویه سلاله سنه منسوب خلیفه لر شرق ایمپراطورلغیه تأسیس مناسبات
ایتمشلردی . بیزانس شهری شرق محصولاتنك آنتره پوسی حکمنده ایدی .
اولجه اولدینکی کبی شیمدی ده بو محصولات دنییه پر ، بحارستان و بحر بالطیق
طریقیه استانبوله غریبه و شماله ارسال اولونویوردی . اوزمانلر بو طریق
اوقدر چوق متسعملیدی که برنجی اهل صلیب شووایله لری بعدیت و میالکنه
رغمآینه بونی انتخاب ایتمشلردی . بیزانس بوزمانلرده اسککی شهرت
وعظمتی بر آرزائب ایتمشه ده — اختلالات سیاسیه ، خزینهنك احتیاجی ،
تزئید تکالیف ، بر قاق کوزده نك منفعتیه اولارق ویریلنک غیر معقول

امتیازلر صنایعی تخریب ایتمش واک باشلی منابع وارداتی قورومتشدی - ۱۲ عصرده بویوک سیاحتلر اجرا ایتکله معروف اولان به نژامهن تودهل نام موسوی محررک افاده سنه باقیلیرسه ینه دنیانک عموم تاجرلری اوزمان استانبولی زیارت ایدیورلردی . « بابلدن ، ایراندن ، مصردن ، روسیه دن ، حجازستاندن ، بلغارستاندن ، لومباردیادن ، اسپانیادن تاجرلر استانبوله کلدکلری جهتله شهر ظایت غلبه لکدر . حتی اوقدر غلبه لکدرکه دنیاده بغداددن باشقا بر شهر بوکا تشبیه ایدیله من ... یالکز استانبول شهرینک ویرکیسی کونده ۲۰۰۰۰ آلتون فلورینه بالغ اولدینی سویله نیور .»

یزانس امپراطورلنک تجارتجه مشهورایکنجی شهریدی ده سلاویکی . غربک شرقه ، خرسیتیانلنک اسلامیه قارشلی اظهار ایتدیکی بغض وعداوتنک نتیجه سی اولان اهل صلیب محاربائی خرسیتیانلری مذهب بر خیال آرقاسنده قوشدوردینی صیرالرده نورمان پرنسلی عسکرلینی ایتالیا دن یزانسه واورادن ارض فلسطینه کوندرمشلر وبوصورتله غرب ایله شرق آراسنده کی طریق طبیعی استعماله باشلامشلردی .

سوریه وفلسطین سواحلنده کائن شهرلرک فتحندن سوکرا اهل صلیبلر بازارلرده متراکم اشیا وامتعینی غصب ویغما ایتدکلری وقت بوئوتلرک قارشیننده دوچار حیرت اولمشلردی .

فی الحقیقه عربستان موقع مهم جغرافیسی حبشیله کرک آسیای وسطا وکرک اقتضای شرق ایله تأسیس مناسبات ایله مشهدی . تجارت عربلر بیننده معتبر ومعنا برمسلیکدی . هر شهرک بویوک برپازاری واردی . امور تجاریه یی رؤیت ایتک ، پیاسه یی تعیین ایله مک اوزره بورالرده اجتماع اولونوردی . عرب دونمالری بصره ، عدن ، اسکندریه ، طنجه ، قادیقس ، مالاغا ، قارطاجه ، بارسلون لیانلرینه اوغرا دیغی کی بحر حرزوهندوچین دکزنده ده حکمران ایدی . کاروانلر ، برآ آسیانک هر طرفی دولاشیورلردی . چین ایله اجرا ایده یلن

تجارت بریده کابل، کشمیر یا خود سمرقندده مونغولیا طریقیه وقوع بولویو-ردی . خلاصه عربستانك ، اوزمان تجارتده بویوك بر موقی واردی . اهل صلیلر تجارتیه کلیاً بیكانه اولدقلرندن یكی ضبط اولونان لیمانلری ، بویكی مخرجلری ایشله تمك وظیفه سنی کندیلرینی ارض مقدسه کتیره وندیکلیره ، جنوزلره ، مارسیلیالیره ترك ایتدیله . فقط شووالیهلر محصولات شرقیه یی دهها زیاده آرامغه ، بوكا دهها بك فضله بر طلب کوسترمكه باشلادقلرندن شو حال ایتالیا شهرلرنده بویوك بر تبدیلی موجب اولدی ووندیک ، جنوره ، پیزا ، فلورانس شهرلرینك رفاهیت و تفضی انتاج ایتدی .

اوزمان اهل اسلام الندء بولونان سواحلك كافه سنده مصرده ، فلسطینه ، سوریه ده ایتالیان قونتوآرلری تشکیل ایدیلش بونلر آسیا ، آفریقا ایچریلرینه قدر ایصال نفوذ ایله مشاردر . وندیک و جنوره شهرلرینك شهرتی بوتون عالم معلومه یاییلمشدی .

ایتالیا لیمانلرینك شو حال ترقیسی فکر اشتراك اوزرنده بویوك بر تأثیر ایقاع ایله مكدن خالی قالمادی . اوزمانکی تشبئاتك قسم اعظمی برکشینك تكم باشه یاپه بیله جکی شیلر دکلدی . اولا اوروپاده منسوجات و معمولاتی احضار ایتك ، ثانیاً ادخالات ایچین مخرجلر تدارك ایتك ایجاب ایتدیکی کبی شرقده بیع و اشترا معامله سی بر رئیسك مداخله سنی استلزام ایدیوردی . بوندن طولایی قونتوآر باشنده بولونان ذاتك مطلقا بر شریك اولماسی لازم کیلوردی . ثالثاً مصارفه تقابل ایتك اوزره طوپلانان سرمایه لره ده تمتعدن بر حصه ویریلک طبعی ایدی . ایشه بواسابدن دولایی اشتراك ایتالیا شهرلرنده بوتون قوت و شعشعه سیله پارلادی . آطه لر كرك آسیای صغرا ده دکنزده خریستیانلره عائد لیمانلر كمر کلرینی اداره ایتك ، كرك طربزونك شاپ alum معدنلرینی ایشله تمك و اوزمان تجارتده موجود اولان شاپك ، اك

خالص طرز و نده چىقاريلان اولوب سنده ۱۴ بيك كىتال قدر استحصالات .
 وقوع بولوبوردى) اوزره بر چوق بويوك شركتلر تشكىل ايتمشدى .
 ونديك جمهوريتى هر سنه بحرسيه ، استانبول ، مصر و سوريه سواحلى ايچين .
 تجييز ايتديكى دونمالرى تحويل ايله ملك حقى بوشركتلره ترك ايتمشدى .
 مملكتك كافه صنوف اهاليسى تشبته اشتراك ايتكمده ايدىلر : زىكين .
 عائله لر سربايله لر ، كيجيلر خدمتلىرى ، صنعتكارلر محصوللرى كيتيورلر .
 تاجرلرده يالكىز قونشو آردلرده دكل شرقتك اك ايچرى طرفلرنده بيله تاسيس .
 ايدىلر بىلدكلى مناسبات ايله حصه اشتراكلىرى و يرييورلردى . ابتدا بوشركتلر .
 اداره سى sénat دينيله ن مرخصلردن مركب بر قوميسيونه حواله ايدىلش .
 اولوب بوقوميسيون علاقهداراندىن مركب مجلس عمومى يه اداره سى حقنده .
 صيق صيق بيان معلومات ايتكمه مجبور ايدى . يولده سفان قودانلرى ،
 محل وصولده شريك قونشور آلرلر رئيسلرى بونلر مرخصلرى ايدىلر .
 ونديك جمهوريت حالندن چيقنجه شركتلر شوطلر اداره سنده خىل كىلر .
 كافه معاملات تجاريه يه ، حتى مديرلرلر تعييننه بيله مداخله يه باشلادى . شو حركت
 قواعد اقتصاديه نك لايتغيريتى يعنى هر زمان و مكانده عىنى صورته اجرأ
 تاثير ايله ديكى كوستردى . حكومتك مداخله مفراطه سى ، نتيجه سى اولارق
 ونديك نفوذور حجان بحرى و تجاريه سى غائب ايتدى . كنديسيلا تجارت ايدى .
 اقوام اونك منفعتى خلافة اولارق جنويزلرلر ، بارسلونلرلر ، فلورانسيلرلر .
 رقابتلىرى تسهيل ايتدىلر .

تقيض دورنده خارجده اولدينى كى داخلده مداخله لى ايشله تمك .
 طوز نقل ايتكم مقصديلا متعدد شركتلر تشكىل اولمشدى . بوقومپانيالر
 اخراجانلرى مقابلنده صنايع مليه جه مواد ابتداءيه مقامنده قوللانيلاجق
 ايشاي آليورلردى كه بونلرده انكلتره و آلمانلار يوك ، فلاندر و فرانسه دن
 منسوجات . . كى شيلردى .

وندیکلیار جاجیقلمدهده پک ایلری کیتمش اولدقلرندن ، بر چوق
 سرمایه‌دارلر شرفدن ادخال ایدیلن اصوللرله جام اعمال وتلوین ایله دکلرندن
 بو معمولاتک مواد ابتدائیه سنی اسپانیادن ، سوریه دن کتیریورلردی .
 مورانوجام فابریقه لری ۱۲نجی عصرده اتحاد واشتراك ایدوب حصه لرینی
 ۱۸نجی عصره قدر انقسام ناپذیر برملک کبی اولاددن اولاده انتقال ایتدیرمش
 اولان برقاج زنکین عائله طرفندن تشکیل ایدیلشیدی . یوک وایک منسوجات
 وندیکدمدها کچ اعمال ایدیلکه باشلادی . ابتدا وندیکلیار شرق معمولاتی
 اخراج ایله یورلردی . ۱۴نجی عصرده بونوع اعمالاتده فلورانس لیلرک
 احراز ایتدکلی موفقیاتی کوره دک ممالک سائر دن عمللر جلب ایله فابریقه لر
 کشاد ایتدیله . لکن حکومتک مداخلاتی ، بوضایع ایله برلکدم مملکته ادخال
 ایدیلن قورپوراسیون اصولنه برنظر شبهه وکین ایله باقماسی ، برچوق
 مانع وضع ایتیه سی وندیک صنایعک انحطاطنی موجب اولدی . وندیک
 جمهوریتک منافع بحریه سی ملاحظه سیله اتحاد اولنان مبادله غنییه اصولی
 داخلده باقالتر تشکله مساعد اولمادیغندن بو جمهوریت بویوک بر دوره
 رفاهیت و ثروته کیرمکه برابر جنویز وبارسلون کبی بر مؤسسه مالییه ممالک
 اولامادی . پولیچه معاملاتی اکثریتله اصلزادکاندن مرکب و تجهیزات
 بحریه ایله ، صنایع سائر ایله مشغول بویوک تجارتخانه لر طرفندن اجرا
 اولتمقده ایدی .

جنویز ساحه تجارتده وندیکدن صوکر ا برحاکیت احراز ایدمیلیدی .
 قونتوآرلری شرقک هر طرفنه بالخاصه بحر سیاه ایله استانبوله استیلا ایدمک
 وندیکلیار ککیله شدید بر رقابت اجرا سنه باشلادی . بورقابت ، ایکی
 جمهوریت آراسنده پک قاتلی منازعه لری انتاج ایتدی . جنویز حکومتی
 اساسات حرینه ، بالخاصه داخلده ، وندیکلیاردن چوق زیاده رعایتکار
 ایدی .

توسیع و تزید تجارتی اساس مقصد و حکومت اتخاذ ایدن جنويزك كشادایله دیکی قونتو آذرل Uffizio de Gazaria دینیلان مؤسسه لرله اداره اولونوردی . بو مؤسسه ده قونتو آزلرده علاقه دار اولانلر طرفندن منتخب سکنز مأمور یا خود تاجر بولونوب هم منافع عمومیه بی هم ده منافع تجارتی وقایه ایدرلردی . جنويز مستعمره لری همان بر استقلالیت تامه یه مالک دیلر . اداره ملکیه ، مالیه و عدلیه لری بو مؤسسه ده معتبران مجلسلریله والیرك عهدنه مودوع ایدی . بونلر صرف تحصیل تحصیل تکالیف و مدافعه مستعمرات ایچین غازارلرله مربوط ایدیلر . تکالیف میریه بی تحصیل ، مستعمراتك رفاهیت و تفضی توسیع چاره لرینی تحری ایله موظف دیلر . مأمورین عسکریه و بحریه بی ، بحریه سیاه سفائننده کی قوماندانلری تعیین ایدرلردی .

بو مؤسسه نك ، جنويزك پك مشهور و اون دوقوزنجی عصر ابتداسنه قدر بر حیات اولمش دیگر مؤسسه مالیه سیله مناسبات عظیمه سی واردی که بوده سن ژورژ بانقاسی Banque de Saint Georges در .

بو مؤسسه مالیه قدسك خرسیتیانلر طرفندن اخذینی تعقیب ایدن اون سنه (۱۱۰۰ - ۱۱۱۰) سنه ایچنده تشکیل ایدیلشدر . اوزمان جنويز جمهوریتی قونتو آزلرك مصارف تشکیلیه و تأسیسه سی و سفائك تجهیزتی ایچین استقراضات عقدینه مجبور اولمشدی . افراد طرفندن وقوع بولان اقراضاتك معین برقاج سنه طرفنده بالواسطه تکالیفدن تأدییه اولونماسی مشروط ایدی . ده ا زیاده بر امنیت بخش ایتك اوزره حکومت بو تکالیفك تحصیلیه ده مقرضلره تودیع ایله مشدی . بواسطه استقراضلره compères (Compères) حکومتك ترك ایتدیکی تکالیفی تحصیل ایچین شکل ایدن اداره ده یا مقرضلره یا استقراضك مقصدینه نظر آ Com. de Saint Paul, compères de Saint Georges, de la guerre des vénitiens کی اسملر ویریلیردی . ۱۴۰۷ تاریخنده بوتون بو مؤسسه لرك الك قوتایلاری اولان سن ژورژ نامی آتنده بر لشهرك Banque de Saint Georges وجوده کلدی .

مقرضك تشكيل ايتدكلری شركتلرده سرمایه luoghi نامی آتند.
 مساوی برطاقم قسملره آبریشدی، بو حصه لر بو کونکی نامه محرر حصه
 سنداتی کبی اولوب صاحبزینه Sugatori دنیلیر. cossion یالکز
 صاحبزینک آزروسیله یعنی شرکای سائره نك انضمام موافقتیه لزوم اولمق سزین.
 دیگر بر شحصه کچر، وبر کیمسه بر قاچ دانه یه مالک اولایلیردی. شرکت
 یالکز دفترلرده صاحبك اسمنی دیکشدرمک اوزره مداخله ایلردی.
 بر شخصك آتند بولونان حصه سنداتنک مجموعی ایچین بر حساب خصوصی.
 موجود ایدی که بوکا colonne تعیر اولونوردی. ویرکی وارداتی هر
 سنه آقسونه لرلر آراسنده تقسیم ایدیلردی، بولرینه هر سنه ایچلرندن
 بر قاچنی consul نامیه امور و معاملات شرکتی اداره یه مأمور قیلرلردی.
 سن ژورژ بانقاسی حکومتدن تماماً مستقل بر مؤسسه ایدی. وعلاقه داران
 بو استقلاله اوقدر بویوک براهیت بخش ایدرلردی که ۱۵ نجی عصرده
 بانقانک ریاسته بر اجنبی یی تعیین ایتملرلدی. [*]

استطراد مقامنده بوراده شونی ده سویله یه لم که ایتالیا استنایدیلدیکی
 حالده اوروپانک سائر اقسامنده ۱۶ نجی عصردن اول حصه سنداتی
 مجبول ایدی.

جنویزده شو تفصیل ایتدیکمز طرزده وقوع بولان معاملاتک تواید
 ایله دیکی موفقیات سن ژورژ بانقاسی حصه دارلرینی سائر تشبثات مالیه
 ایچینده اشتراك ایتکه تشویق وتشجیع ایله دی. طوبلانان سرمایه لرینه
 Loghi لره تقسیم ایدیلدی.

[*] موسیو وال نامه محرر سنداتک تاریخی عنوانی اثرنده ایتالیاده.
 سن ژورژ بانقاسندن اول حصه سنداتی اخراج ایدهن مؤسسات مالیه نك موجودیتی.
 ادعا ایله یین مؤرخینک سوزلرینی قبول ایدیور، فقط بونک انبارلاق مثالک سن.
 ژورژ بانقاسی اولدیغنده تردد ایتیهور.

سن ژورژ قومپه ری ۱۲۵۶ تاریخندن اعتباراً کندیسنه مشابه دیگر بر چوق مؤسسائی بلع ایتشسه ده اصل بانقا شکلی ۱۴۰۷ تاریخنده مشهور بوسیقونک تحت اداره سنده احراز ایتدی . سرمایہ سی ۲۰۴۰۰ حصہ یه منقسم ۵۱۰ بیک نه قودن عبارتدی . لکن تمتعات واحتیاط ایچهلری حسابہ قاتیلیرسه سرمایہ بونک ۱۰ مثلنه بالغ اولور .

ایشته بوبانقا ، شوصیراده ایتالیا ناک و بلکه بوتون دنیا ناک اک منتظم مؤسسہ سی ایدی . اوروپا حکمدارلرینک اکثریسیله موجود اولان مناسباتی ، بونلره وقوع بولان معاونات نقدیسی حکومتک بالذات طلب ایدمه دیکی برچوق منافع وامتيازاتی استحصالنه وبوصورتله بروظیفه سیاسیہ اجرا ایله مسنه خدمت ایتدی .

استانبولک فاتح سلطان محمد خان حضرتباری طرفندن فتحیه قرون وسطایه ختام ویریلدیکی وقت جنویز جمهوریتی بحر سیاهده وسوریهده بولونان قونتوآرلرینی مدافعه دن عاجز قالارق بونلری سن ژورژ بانقاسنک عهدۀ ملکیتنه تودیع ایله دی و بوبانقا جنویزک شرقدہ کی نفوذنی دها ایکی عصر پایدار قیلدی .

سن ژورژ بانقاسنک موفقیات ایتالیا ده حکومت استقرارینی آلمق و بونلره قارشیلیق کوستریلهن تکالیفی تحصیل ایله مک مقصدیه بر چوق شرکتلر تشکلی موجب اولدی . روماده دردنجی پول زماننده (۱۵۵۰ - ۱۵۵۵) پاییه عائد تکالیفی تحصیل ایله مک اوزره سرمایہ سی آقسینولره منقسم Monte-Romano دنیلهن مؤسسہ وجوده کلدی . بونک حصہ سندانک حاملنه عائد سندات قیلندن اولماسی پک محتملدر ، مؤسسہ اشخاص ثالثیه قارشى مسئول برمدیر طرفندن اداره اولونوردی .

صنایع اعمالیه دهده فکر اشتراک عینی بر درجۀ قوت وشدتله توسع ایدیوردی . آلمانیا وفلاندرده قورپوراسیونلر ، ایلریده دره بکلک اصولنک اک بویوک دشمنلری اولاجق اولان بوهیئلر تشکل ایتکده ایکن ایتالیا ده

عینی هیئت‌لر کلیسانک تشویق و معاونیتله وجود بولویوردی . نیم دینی ، نیم تجاری بر وظیفه‌ی حائر اولان بو هیئت‌لر Orare نامیه مسما ایدیلر . فلورانس بونلر سایه‌سند قرون وسطاده کی ششعه و دبده‌سی احراز ایتدی . بونلرک ادخال ایتدکلی اصول نسجیه و تلونیه سایه‌سند فلورانسه معمولاتی فلاندر ، آلمانیا و شرق معمولاتیله رقابت ایده بیلیمشدر . ذاتاً او ائنده فلورانس ایتالیانک صنایعه اک ایلری کیشمش برشهری ایدی . بوتون اهالی arts majeurs ، arts mineurs ناملیله اصناف هیئت‌لرینه منقسم اولوب بونلر کندی کندیلری اداره ایدرلر و حکومتده برنجیلرک (حاکم‌لر ، نوترلر ، چوخه تاجرلری ، قماش عاملری ، ایپک تاجرلری ، کورک تاجرلری ، بانکرلر ، اطبا و اجزاجیلر) تعین ایتدکلی مخصارله اداره اولونوردی .

فلورانس بوسایه‌ده ایکی عصر متماداً رفاه و ثروت ایچنده ، ساکن و مستریخ برحاله یشادقدن صوکر ا زینت و سفاهتک تعمی نتیجه‌سی اولاراق صنایع انحطاطه یوز طوتدی . هیئت‌لر ده برمدت باقی قالمشارسده طبیعت مذهبی‌لری غائب ایدرک بر طبیعت سیاسیة احراز ایتدیلر :

فلورانسده صنایع نسجیه‌ایله برلکده بانکرلرکده نشوونما بولمشدی . فلورانس لیلر ده ایلک زمانلرده ماهر بانکرلر اولدق‌لری اثبات ایتشاردر . لکن بوجه‌تجه جنویزلرله آالرنده بویوک برفرق واردی که اوده ا بکنجسند سن ژوژر بانقاسنک النده عادتاً بر انحصار حصوله کلدیکی حالده برنجیسند بوصنتک تماماً سر بست و افرادک النده بولماسی ایدی . ابتدا رنجی درجه‌ده فەر وچیلر ، باردیلر ، مه‌دیچلر ، و بونلرک مادوتنده اولق اوزره قورسیلر ، اوززانولر ، بونا قورسیلر بوتون اقوامه ، بوتون حکمداران اقراضاتده بولنشلر ، هر طرفده بانقا قونتو آالری کشاد ایله مشلردی . لکن بوبانقه‌لر بسیط اولان قوماندیت شکلنده مؤسسیدیلر . کرک فلورانسده کرک شعبه‌لرده بر حصه داران مجلسی موجود ایدی که معناً بوتون اقتدار بونک النده ایدی .

فلورانسہ کی ، خصمی اولان بارسلون دہ ۱۲ نجی عصر دن اعتبار آ
 الہویوک بانقا مرکز لرندن بری ایدی . لکن بانقارک بورادہ طرز تنسیق
 بوس بوتون باشقہ دورلو اولدیغندن بارسلون دہ فلورانسہ دہ اولدیغی کی قوتلی
 مؤسسہ لر وجود بولامامشدی . قاتالونیالیلرک ابتدا کیریشمش اولدقلری
 تجارت بحریہ سایہ سنده استحصال اولنان سرمایہ لر برچوق تجارتخانہ لرک
 اندہ داغنیق بولدیغی جہتلہ بولردن مهم برمؤسسہ وجودہ کتیرمک ممکن
 اولامازدی . فقط ، اوروپادہ بلکہ دہ ایلک دفعہ اولارق ، بوتجارتخانہ لر
 بارسلون بورسہ سی دینلن برمؤسسہ دہ تمرکز وتجمع ایتدیریلدیکی جہتلہ
 برمؤسسہ آزماندہ سن ژورژ بانکہ سی درجہ سنده احراز شہرت وموقیت
 ایتدی . معافیہ بولرک آراسندہ طبیعہ بویوک برفرق واختلاف موجود
 ایدی . برنجیسی بو کونکی آنونیم شرکتلر کی بر شرکت اولدیغی حالده
 ایکنجیسی تاجر ہیٹلری اعضاسنک اجتماعہ واستخبارات تجاریہ وبحریہ
 مخصوص برسرقلدن عبارتدی .

هیٹلرک سندیقہ لری بو بناداخلندہ استقرضات عمومیه ومعاملات مالیه
 سائرہ متعلق تکلیفاتدہ بولونورلردی . هر کس ارزو ایتدیکی نسبتدہ
 بوکا اشتراک ایدر ، حصہ دار اولوردی . بعدہ سندیقہ لر تشبث وتعیید
 ایدیلن معاملاتی اداره ایدہرک حاصلاتی تقسیم ایلرلردی .

قاتالونیالیلر دہ ۱۲ نجی عصر دن بری آزارلندہ اصناف ہیٹلری
 تشکیل ایلہ مشلر وبوسایہ دہ اوزون مدت فہودالیزم اسارتندن مصون
 قالمشلردی . عموم صنایع بوشکلی قبول ایتشدی . افراد هر نہ قدر
 ہیٹک منفعت ایچین حصر نفس ایدیورسہ دہ بوکا مقابل اوزمان هیچ
 برصورتلہ استحصالہ موفق اولامایہ جنی برامیت وسلامت احراز ایدیوردی .
 لکن اصناف ہیٹلری ذات دقیق بر طاقم نظاماتہ تابع اولدقلرندن ،
 صنایعک ترقیسنہ چالیشما دقلرندن یالکیز احتیاجات داخلہ یہ مقتضی
 موادی یتیشدیرییورلردی . عادی منسوجات ایلہ کورچیکلک ووندیکیلیری

تقلیداً یاپیلان جاجیلق استنا ایدیلدیکی حالدده استحصالات سائرلری مهم بر
اخراجات تجاوتنه اساس اولامایوردی . اشیای سائر تجارتنجه وندیک ،
جنویر وفلورانسه شهرلری بارسلونلی پک کیریده براقشوردی .

بارسلون صالح لوئی زمانندن (۸۱۵) سن لوئی زماننه قدر (۱۲۵۸)
فرانسه نك ید حاکمیتندده قالدیغندن بجرأ مارسلیلیا ، مونپلیه ایله برآده
لافندوفک صناعی شهرلریله پک صیقی وپک کثیرمناسباتی موجود اولدیغندن
بو شهردن بحث ایتمک بزى فرانسه دن بحثه سوق ایدر .

برنجی اهل صلیب محاربه سی انساننده فرانسه نك تجارتده مهم بر موقعی
یوقدی . قوتلی بر حکومت مرکزیه نك فقداننه منبی قودالیتیه اصولنك تأسسندن
پک زیاده متضرر اولمش ، بو عادتا آنا رشیزمه انقلاب ایتشدی . فرانسر
تاجرلری آلمانیا ده اولدیغی کی معین برویرکی تأدییه سیله *marchandde la cour*
عنوانی اخذه ، ایمپراطور مأمورلرنك همایه سنی احرازه موفق اولمازلردی .
بالعکس بو همایه اونلرایچین سه نیورلرک ، واسالرک هپسی طرفندن حق لرنده
برجوق تعدیات و تجاوزات اجرایی مستلزم اولوردی . سه نیورلر آرا سنده کی
هنازعات متبادیه کویلرک کوچی قوتی یرنده اولان افرادی اشغال ایدیور ،
طوپراقار معطل قالیوردی .

مناسبات داخلیه بر آزار امنیت وسلامت بخش ایتمک ایچین ابتدا
کلیسا طرفندن *trêve de Dieu* یعنی ایام عیدیه وصالحیده معاملات
خصمانه اجرایی حقنده بر ممانعت وضع ایدیلدی . بوقوانین صلح بالخاصه
تاجرلره شاملدی . بونک ایچین بر طاقم هیئت *Ligue* تشکل ایتدی .
امنیت داخلیه نك تأسسی نقطه نظرندن اهل صلیبلرکده بویوک بر فائده سی
اولمش اولدی . شووالیه لرک عزیمتی مناسبتیه بوتون شهرلر موقه سربست
قالمش ، بو اراضینک بر بویوک قسمی کرک مقام حکومته ، کرک کلیسایه ، کرک بونلردن
زراعت و تجارتله استفاده طریقی بیلهن فقر ضلره فراغ واحاله ایدیلشیدی .
بر طرفندن ده فکر اشتراک توسعه باشلامشدی .

شهرلرده، کویلرده اهالی قومونلر (نواحی) ارباب صنایع قورپوراسیون (هیئت) لر حالنده اجتماع ایتدیلر. برطرفدن کلیسا، بر طرفدن قوه قرالیه بونلرک موجودیتی تصدیق و تحکیم ایتمکه غیرت ایله دی. بوحال ۱۱ و ۱۲ نجی عصرلرده اوروپاده تعمیم ایتمشده هریرده عینی زمانده وعینی صورتده وقوع بولمادی. ایتالیا ده و فرانسه نك جنوبنده باربارلر اراضی حقدده روماده متخذ اولان اصوله دوام ایدهرک ملکیت شخصییه تجاوز ایتمه دکبری جهتله اهالی اشتراکات سیاسیه حقدده کی اعتیاداتی - که بوعتیادات کندیلرینی روما ایمراطورلغی زماننده محافظه ایتدیکی کی شمدی ده فه نودالیزمک سوء استعمالتندن مصون قيلمشدر - محافظه ایدن و بناءً علیه افکار صنایع و تجارتی توسیع ایدهرک اولان مؤسسات جدیدیه ذاتاً آماده ومهیا بولنمشدی.

فرانسه نك شمالنده ايسه حال کایاً برعکس دی. فرانکلر، جرمانلر نظرندده فتح و ضبط طوپراغک و کافه روابط و تصرفاتنک استملاکی ایجاب ایتدیکنندن اهالی مغلوبه حقوق ابتدائیه لرینی بیله آنجا ق غالبلرک کیف وارزوسی داخلنده استعمال ایده بیلیردی بناءً علیه بورلرده نه روما مدنیتندن، نه ده غوللرک فکر فراستندن برائرقالابیلدی. سه نیورلر هر اجتماع و اتحادی کندی حقوقلرینه مغایر و معارض کورمکده اولدقلرندن بویله بر محیط فکر اشتراکک بالطبع تماماً فقدراتی مستلزم اولیوردی. ۱۲ و ۱۳ نجی عصرلرده قومون، قورپوراسیون حالنده تشکله اجتناس ایدهنلر سه نیهرلر طرفندن عاصی صفتیه تعقیب اولونمشدی:

مع مافیه برطرفدن قوه قرالیه نك برطرفندن کلیسانک معاونتیه بو هیئتلر دره بکلرک مظالم و تعدیاتندن قورتولمغه، حق اجتماع و سر بسیتلرینی احرازه موفق اولدیلر. لکن ایتالیا و بارسلون هیئتلرینک مظهر اولدینی استقلاله دسترس اولامادیلر. زیرا برطرفدن قرالرحایه لرینک بدلی اولارق بوهیات اوزرنده برحق وصایت ادعا ایتدیلر و بونک نتیجه سی اولق

اوزره برچوق منازعات ظهور ایتدی . دیگر طرفندنده وسطده وشمالده فرانقو- جرمان عنصرینک اکثریتی تشکیل ایتیمی حسیله فکر اشتراك بونلرده منطق اولان بر طبیعت متادیه و عمومیہ collectif ایله مترافق اولدی . حیات اجتماعی نك هر طبقه سنده ، اسیرلرده و بورژوازلرده ، کویلولرده و شهر لیلرده قواعد محرره غیر تابع حقیقی و موقوت بر تقسیم منافعہ رعایت ایتمز ، شریک لک اوصاف شخصیله رینی قبول ایلز متادی و عمومی شرکتلر تشکیل ایله دی . بونلردن غایه مقصده یوقاریده سویله دیکمز کی افرادی دره بکلك اصولنک استبداد و وحشتندن وقایه ایتمکدی . بوشرکتلر تاریخ اشتراك کک جالب دقت صفحاتندن برینی تشکیل ایله دیکندن بوبابده بر آرز تقصیلات و یرمک اقتضا ایدر :

فه نودالیزم دورنده سه نیورلرک مظالم و تجاوزاتنه قارشى افراد آنجاچ اشتراك صورتیله وقایه نفسه مقتدر اولاییلردی . بوندن دولانی امور مذهبیده ، صانیعه ، تجارتده مختلف شکللرده برچوق اشتراكات وقوع بولمشدی . بوراده قرون وسطانک métiers لرینک اصناف هیئت لرینک منشائی بو اشتراكاتدر .

corporation صورتنده اجتماع ایدن ارباب صنایع ، اکثریای مراسم مذهبی نی اجرا ایله مک اوزره برده هیئت مذهبیہ confrérie شکلنده طوبالانیرلردی . بو هیئتلر اکثریا ، عینی صنعته منسوب اولانلرک اوسته لرندن مرکب بولونوردی . اصناف هیئتلرنده برنوع انحصار و مجبوریت موجود اولدیغی حالده بو ایکنجی قسم هیئتله دخول هر کسک آرزوسنه محولدی . بونلردن باشقه صرف رهبان طرفندن تشکیل ایدیش هیأت صنایعه و تجاریه ده موجود ایدی .

شمالده فلاندرده ، بلجیقاده اهالی بر راهبک اطرافنده طوبالانه رق جوارده کی اورمانی ایشله یورلر اوراده بر شهر بنا ایدیورلر ، مناسترلر تشکیل ایله یورلردی . کلیسایه منسوب اولانلر تکالیفدن معاف اولدقلرندن ،

سه نیورلر مجازات اخرویه قورقوسیه بونلره ایلیشمه دکلرندن مناسترلر زراعتله اشتغال وترقی ایدهرک دها برچوق اهالی بی اطراقلرینه جلب ایلیورلردی . کذلک میلان وفلورانسده اولدینی کبی فلاندردهده بوغا دینلن رهبان چوخه اعمالاتیله مشغول اولیورلردی .

فرانسهده اصناف هیئتلرینک ظهوری هپ برکسوه رهبانیه آلتنده مستوردره . اعضا بوسایهده کایسانک پک مؤثر و قیمتدار اولان حمایته مظهر اوله بیلوردی . مرور زمان ایله بونلر تزايد ایدهرک ۱۲ نجی عصرده تماماً تعمم ایتیش اولدی . فرانسه نك جهات جنوبیه سنده فونفردیلر بارسلون وفلورانس قورپوراسیونلری کبی بر شرکت تجاریه شکلنی آلدیلر . ناربون ، مونپلیه ، مارسایا قورپوراسیونلری بحر سفید لیمانلرینک کشاده ایتدیکی مخرجنر ومنسوجاته متعلق صنایعک ترقیسی سایه سنده پک سرعتله تقیض ایتدیلر .

شمالده وایالات وسطیهده ایسه اشتراک ارباب سعی وعملی دائره اسارتدن تخایص ایچین پک زیاده مقتضی اولدینی حالده دره بکلرک تحت نفوذ وتأثیرنده اولارق معدوم حکمنده قالیوردی . سه نیورلره صنعتکارلر واسرا آراسنده حیل و دسایسه جبر و شدتله ملمع برمنازعه دائمه جاری اولیوردی . ایکنجیلر اکر دره بکلرک ایکی بویوک دشمنک - کلیسا ایله قوه قرالیه - معاونته مظهر اولماسه لردی بومنازعهده مغلوب اوله بچقلری شبهه سزدی . کلیسالر بد دعالیله ، قرالار (پاتهن) دنیله نامهلرله ایفای معاونت ایدیورلردی . هر نه قدر بونک نتیجه سی اولارق هیئات سه نیورلرک ایدی تجاوازتدن قورتاریلشمهده ایکی عصردن آز برمدت ظرفنده قرالار بوبانده اوقدر چوق نظامات نشر ایتدیلر ، بونلرک طرز تنسیقی اوقدر تبدیل ایله دیلر که بوهیئلر نتیجه ده برشی قازانمادیلر ؛ اولکی حاللرندن دها ای بر حال وموقعده بولمادیلر . قرالرک تفتیشندن مصون هیچ برصنعت قالمامشدی .

قوة قرائیه ارباب صنایعك عددلرینی تحدید، هیئتله قبوللری شرائطی تعیین ایلهدیکی کبی بونلرك برهیت مذهیه حالده تشکلهندن اندیشه ایتدیکندن بونلركه ممانعت ایتدی . بالاخره فرانسهك هر شهرنده اصناف نظاماته تمامی رعایتی تأمین ایتك وبونلره مطروح تکالیفی تحصیل ایلهك اوزره Roi de merciers عنوانی بر مأمور مخصوص اعزام اولندی .

قوة قرائیه فرانسه صنایعی بویوك برتوسع و ترقیه مظهر ایتك ، هیئات صنایعی بی امین و سالم براقق ایچین تعقیب ایدیلهك یالکر بر طریق واردی که اوده بونلره برسرستی مطلق بخش ایدیله سی ایدی . حال بوکه بالکس سی و عمل امتیازات قرائیه دن ، حقوق حکمرانیدن عد ایدیش و بوبابده برمساعده مخصوصه اعطاسی ایچین برطاقم تکالیف اخذی اصول اتخاذ اولنمشیدی .

معافیه اوزمان فکر اشتراك پك متعمم و منتشر اولدیغندن بویك شكله انحصار ایتمه مشدی . اهالی کیف و ذوق ایچین ، تجاوز و تدافع ایچین ، تجارت و مذهب ایچین اشتراك ایدیور خلاصه هرشی اشتراك موضوع تشکیل ایله یوردی .

مقاوله شرکت عنوانی اثرینك مقدمه سنده شرکتلرك تاریخندن مفصلاً بحث ایتیش اولان موسیو شروپلونف شو صیراده قوماندیت شكلنك قوماندیتله ایچین غایت آغیر شرائطی حاوی اولدیغی حالده صنایعه ، تجارتده ، پانایر جیلقد رهبان واصلزادگان طرفندن اجرا ایدلیکی یازیور .

اشتراکات شخصیهك بوتوسی تأثیرات اجنبیه تحتده وقوع بولویوردی . یوقاریده شرقدی کی موفقیات سریعه لرینی و داخلده کی ترقیات صنایعه لرینی تفصیل ایتدی کمز ایتالیا شهرلری غریله ده تأسیس مناسبات ایتمکدن کیری قالماملر ودها ۱۱ نجی عصر دن اعتباراً فرانسه بی بر مرکز معاملات اتخاذ ایله مشاردی . میلان ، جنویر ، فلورانس بانکرینك هپسنه بردن

فرانسه‌ده لومبار نامی ویریلیوردی . بونلراهل صلیلرک حرکتی اوانسده فرانسه‌یه کلدکلرندن شاتولرینی ، تیمارلرینی ، کلبه‌لرینی ترهین ایده‌نلر . کنیش اقراضاتده بولمش ، هر صنف اهالی ایله پیدای مناسبت ایتمشلر و حاصل ایتدکلری بوقدر منافعی اداره‌ایچین فرانسه شهرلرینک اکثریسنده قونتوارلر کشاد ایله مک حقنی اخذ واستحصالد اصرار ایله مشلردی .

اون اوچنچی عصرک نهایتلرنده (۱۲۹۲) یالکزپارسده ۱۳ ایتالیان شرکتی موجود ایدی . اونلر معاملات عادیه تجارتدن ماعدا قامیو وبانقا معاملاتی‌ده اجرا ایدیورلردی . بونلرک بوموقیتلری فرانسه‌ده فکر اشتراکک اویانماسنی موجب اولدی . بونلر اهالینک تربیه فکر تجارتنه خدمت ایده‌رک کندیلرینه موجودشرکتلردن کلیاً فرقلی برطاقم یکی افقلر کوستردیلر . بوایتالیان شرکتلری هر نه قدر مملکتلرینه مربوط ایشه‌لرده فرانسز سرمایه‌لرینه‌ده عرض احتیاج ایتدکلرندن اوزمانک افکاز واعتقادات باطله‌سنه استناداً تجارتدن اوزاق‌دوران برچوق کیمسه‌لر ثمره تصرفلرینی بوماهر بانکرلره تودیعده استعجال ایتدیلر .

سرمایه‌لرک کار و ضرره اشتراکی ایتالیا قوماندیت اصولنه نظراً اجرا ایدیلیوردی که بوکون معتبر اولان اصولده قسماً بودر دنیله‌بیلر . اوننجی عصرده بحرسفید سواحلنده استعمال ایدیلهن ویالکز تجارت بحریه‌یه مخصوص ایکن بالآخره تعمم ایدهن قوماندیت مقاوله‌سی بر کیمسه‌نک ایشله‌دیلک اوزره بر کیمجیه سرمایه اولارق نقد ویا امتعه ویرمه‌سندن عبارت اولوب بو کیمسه اجرا ایدیله‌جک معاملاتک تمتعده حصه‌دار اولور و ویردیکي سرمایه‌دن باشقه ضرره اشتراکک ایتزدی . ذاتاً قوماندیت اسمی‌ده تودیع ایتک ، وکالت ویرمک دیمک اولان commandare دن مأخوذدر . ابتدا بوسرمایه ویره‌نلر تاجر دکلردی ، اشخاص ثلثیه قارشى مجهول ایدیلر ؛ قوماندیت‌ه‌لرایسه تمتعه مشترک اولغله برابر مادی بر سرمایه قومایوب یالکز صنعتلرینی وضع ایدرلردی . فقط مرور زمان

ایله بو شکلده حقیقی شرکت تجاریه تشکیل ایدیلدی : برطرفدن فائضه اراضک منعی ، دیگر طرفدن بعض کیمسه لرك تجارتیه سلوک کربینه مساعدیه اولونماسی بو شکل شرکت لرك ، توسع وترقیسنه سبب اولدی . ایشته بوضورتله کرك قوماندیت اصولی کرك اوچ عصر متادیاً یهودیلرله لومبارلرك موققیاتی تشکیل ایدهن پولیچه ، نقل حساب معاملاتی فرانسه عاداتی میاننه داخل اولاییلدی .

فرانسه نك جهت جنوبیه سنده اسکی روما افکاری پایداز اولدینی جهتله قوماندیت شکلی پك چابوق اخذ موقع ایده بیلشمسه ده شالده فکر عائله اجانبه بویولده صمیمی وموقت اشتراک کبر حصونه ممانعت ایدیوردی . اورالده برعائله افرادی یاخود هم صنعتار آراسنده اسکی جرمان فکرینه تبعاً هرایش ایچین ودائی اولارق اشتراکات قولایجه عقد ایدینه بیلوردی . لکن تقسیم منبای عائله نی دوچار اندراس ایده جت برشی کبی تلقی اولوندیغدن اصلاً مقبول دکلدی . مع مافیه بر طرفدن لومبارلرك موققیات مالیه لری ، دیگر طرفدن سیاحتلر ، محاربیلر نتیجه سی اولارق بومعاملاتده علاقه دار اولمق ارزوسی حس ایدیلدی . نهایت ژاق فور دینلن ذاتک کوستردیکی پارلاق بر نمونه بو نوع شرکت لره فرانسه ده اقامتگاه حقیقی بخش ایله دی .

بورژده برکورك تاجرینک اوغلی اولان ژاق فور بر آراق فرانسه نك اک زنکین ، اک نامدار ، اک جالب غبطه آدمی اولدی . دائماً لبالب اولان خزینیه سی محاربات ملیه ایچین بلا فائض اراضاتده بولونوردی . ابتدا مسکوکات ناظرلنی (ضربخانه) مأموریتده بولونوب بیده کندیسنه عنوان اصالت ویریلدی ؛ پك مهم اداری و سیاسی مأموریتلرده قونلانیلدی . مع مافیه هیچ بر زمان تاجر اولمقدن ، امور ومعاملات تجاریه ایله اشتغالدن کیری قالمادی . باشلیجه تجارتخانه سی مونپلیه ده اولوب فرانسه نك مشهور شهرلرنده شعبه لری ، بوتون بحرسفید سواحله ده قوتوآرلری

واردی . بورژده مدبدب بر اوتله ؛ لیونه وبوژولهده کوموش ،
 قورشون، باقیر معدنلرینه، قرق پارچه اراضیه وسه نیورلکله مالکدی .
 اڭ بویوک آدمار کندیسک مدیونلری ایدی . فرانسه ده شرقده بوسایه ده
 تأسیس نفوذ ایله یه بیلدی . ژاق فور ، سعی ودهای تجاریله فرانسه
 اصول تجارتی کاملاً تبدیل ایتدی ، بونی لومبار شرکتلرینک اوچ
 عصرده موفق اولامادقلری مرتبه ده ایتالیا نلاشدیردی .

فرانسه تجارتک محیسی ، بورژوازی صنفک احراز سربستی
 ایده بیللمه سنک اڭ بویوک مسیجی اولان بوبویوک آدم دشمنلرینک، ثروتنه
 نظر حرص وحسدله باقانلرک تلقینات بد خواهانه سیله نظردن دوشمش ،
 ثروتی مصادره ایدیلش ، حبس اولونمش ، خلاصه بوتون پیشوایان ترقی
 ومدنیت ایچین مقدر اولان فلاکته بوده دوچار اولمشدر .

مابعدی وار

